

Miti Mande Matyuko Nakayáñaró Mu Mande Kembé

Sokome ñako Yesuko **Mesaiya** tero maheró koro sowo mande ka. Komo suki uni kato sokome ña **Grik** mandewore nakayáñaró, quko eneño owí kama nakayáñaró. Tukú **Anutu koro huru-huru** koro tapá uni kumimbo ñande yangurí, ko Matyu, Yesu koro **ijo-ijo rewero uni** qu kato, nakayáñaró. Ñundiro nanje nore sokome ñaro yeteto, “Miti Mande Matyuko Nakayáñaró Mu,” dokoro **Mesaiya** maheró koro piña mande ñuko **miti mande** ñundiro. Sokome nakayáñaró quro naruyó muko 65AD peka. (Asa “65AD” murí muko ñandiro, Yesu pisiyaró, yate kumima naru 65 ñunde rotaró. Nore kumima naru 2,000 ñunde rotoro yate itaka yoteto.)

Asa Matyuko mande ña nakayáñaró ñuro murí muko ñandiro: Yesuko **Mesaiya** nanje, ko norendo sokome ña weyoro ñunde qene inowato. Enendo Yesu koro yoto-yotoyó soso ñuro kama nakayáñaró. Kini, Yesu koro nimímbo pisiyaró ñuro nakayáñaró, ko eneño kumima naru kapusa wenayó quro nakayáñaró. Dokoro kumima naru kapusa quroko ñuno khoyó parámi taró.

Ñu naruko ñuno Israel mirako ñuno Juda uni-pareto eneño miraye kama sopoyangurí. Hamó, eneño uni kembéyembo sopo yerengurí, quko wiri yerete uni meyowombo uni kembé ñu wiri yereyara. Wiri yerete uni parámi ñuko **Rom** uni

ka, ko enejo kuma unindo unipare soso mirane-mirane kondé yondowoyangurí.

Asa nimímbo Yesu pisiyoní parámi tero hurí tero kho tero **Anutuko unipareto wiri yereweya naruyó** ηuro yesowoyaró. Yate-yate Juda koro uni kembé-kembémbo Yesu koro mandí ηuro piy-iminoro saŋgirí tero rero **Rom** koro sopo-sopo unindoro kandímo raŋgurí. Nunde raŋoyi Yesu urońi khumaró. Khumoní Anutuko riní pitu ko otoqaró. Ko enendo itaka samboko yote.

*Yesu koro usisambapukoyó
(Luk 3:23-38)*

¹ Njako Yesu Kristo koro usisambayó ηuro sowo mande qu. Yesuko Dewit koro sowe qu ko Dewitko Abraham koro sowe qu.*

² Abraham ηuko Aisak koro iwí.

Aisak ηuko Yakop koro iwí.

Yakop ηuko Juda koya topé-topémboya awaye.

³ Juda ηuko Peres koya Sera koro awayari. Náyarí muko Tamar.

Asa Peres ηuko Hesiron koro iwí.

Hesiron ηuko Ram koro iwí.

⁴ Ram ηuko Aminatap koro iwí.

* **1:1:** “Abraham” ηuko Juda uniparetoro pukoye. Abraham yotoro khumaró, yate-yate Dewit tunoqiní Anutuko Dewit rokóŋoní Juda unipare wiri yereró. Nu naruko ηuno Anutuko ηande yaró, ko imemoŋgo enendo Dewit koro sowe qu ka riní tunoqiní Dewit takaro wiri yerete uni parámi tunoqeweya. Juda unipareto uni maheweya ηu “Kristo,” ma, “Mesaiya,” ye nekoro sopaŋgurí. Asa Yesu mahiní enejo unipareyó, “Kristo Yesu,” ma, “Yesu Kristo,” nanje ye nekaŋgurí.

- Aminatap ηuko Nason koro iwí.
Nason ηuko Salamon koro iwí.
- ⁵ Salamon ηuko Boas koro iwí. Boas ηuro nimí muko Rahap.
Asa Boas ηuko Opet koro iwí. Opet ηuro nimí muko Rut.
Asa Opet ηuko Jesi koro iwí.
- ⁶ Jesi ηuko wiri yerete uni Dewit ηuro iwí.
Dewit ηuko Solomon koro iwí. Solomon nimí ηuko komo Uria koro parí yora.
- ⁷ Asa Solomon ηuko Rehopoam koro iwí.
Rehopoam ηuko Apiya koro iwí.
Apiya ηuko Asa koro iwí.
- ⁸ Asa ηuko Jehosapat koro iwí.
Jehosapat ηuko Joram koro iwí.
Joram ηuko Usia koro iwí.
- ⁹ Usia ηuko Jotam koro iwí.
Jotam ηuko Ahas koro iwí.
Ahas ηuko Hesekia koro iwí.
- ¹⁰ Hesekia ηuko Manase koro iwí.
Manase ηuko Amos koro iwí.
Amos ηuko Josaia koro iwí.
- ¹¹ Josaia ηuko Jehoiakin koya topé-topémboro awaye. Nū naru ηunoko Bapilon unindo Israel unipare yorero Bapilon mirako kusi yereṅgurí.
- ¹² Asa Bapilon ηuno kusi yiri yoroyi, yate naru ηu kini taró.
Naru ηu kini tiníqo, Jehoiakinko Sealitiel pisiyaró.
Sealitiel ηuko Serupapel koro iwí.
- ¹³ Serupapel ηuko Apiut koro iwí.

- Apiut ηuko Eliakim koro iwí.
 Eliakim ηuko Asoru koro iwí.
 14 Asoru ηuko Satok koro iwí.
 Satok ηuko Akim koro iwí.
 Akim ηuko Eliuti koro iwí.
 15 Eliuti ηuko Eleasar koro iwí.
 Eleasar ηuko Matan koro iwí.
 Matan ηuko Yakop koro iwí.
 16 Yakop ηuko Josep koro iwí. Ko Josep ηuko
 Maria koro kamí.† Asa Mariako Yesu pisi-
 yaró, eneko, “Kristo,” ‡ ηu yero nekoyotenjo.
 17 Nunde ηuroko Abraham nonjo yate-yate De-
 wit tunoqaró ηuko wini 14 ηunde tanjurí. Ko
 Dewit nonjo yate-yate Bapilon unindo Israel kusi
 yerenjurí, ηuko wini 14 ηunde tanjurí. Ko Bapi-
 lon kusi yerenjurí, ηu nonjo yate-yate Kristo
 tunoqaró ηuko wini 14 ηunde tanjurí.

Mariako Yesu pisiyaró
(Luk 2:1-7)

18 Asa Yesu Kristo§ tunoqaró ηuro sowo mande
 ηandiro. Nimí Maria koya Josep koya, epe re-re
 tewari, yero piņa mande yunori inanjurí. Quko
 ene kopo kama yate, Maria qahu tiní qenenjurí.

† 1:16: Josepko Yesu aratu te inaró. Nunde ηuroko Yesu ηuko
 Dewit koro sowe qu. ‡ 1:16: “Kristo” ηuko Anutuko rokóηoní
 mahero wiri yerete uni parámi horé tunoqaró ηu. § 1:18:
 “Yesu Kristo” - komo suki ye-ye unindo Anutuko uni ka rokóηoní
 mahero wiri yerete uni parámi horé tunoqeweya qu karo yangjurí.
 Juda unipareto uni maheweya ηu, “Kristo,” ma, “Mesaiya,” ye
 nekanjurí. Asa Yesu mahiní enenjo unipareyó, “Kristo Yesu,” ma,
 “Yesu Kristo,” nanje ye nekanjurí.

Ŋuko Yuqa Surumí** qundo kho tiní qahu taró. ¹⁹ Josep ŋuko uni roneneŋowí.†† Ŋunde ŋuroko Maria qahu tiní rotowero iŋaró. Ŋunde quko unipare toŋeyemo kowí piyo Maria inowero ŋuro piyimiŋaró. Ŋunde ŋuro mondó ta rotowero iŋaró.‡‡

²⁰ Josepko pare rotowero ŋuro watí iŋoyoní, Uni Parámimboro sambo simómbó§§ suwono quko ŋande miraró, “Josep, keko Dewit koro wini qu, ke Maria pareke reweya ŋuro ma sasaro tewero. Iŋo, simó qahímo yote ŋuko Yuqa Surumí qundo re ina. ²¹ Ŋuko simó urumuni pisiyoweya. Ko owí muko Yesu*** ye qembe, dokoro enendo unipareyó quhuriye moŋgo yoreweya.” †††

²² O soso tunoqaró ŋuko Anutu koro ye-ye unindoro‡‡‡ mande qu ka riní hamó tunoqaró. Mande ŋuko ŋandiro, ²³ “Pare kato kamímboya kama eteyate, ŋundo simó ka urumuni pisiyoweya. Pisiyoní owí Emanuel yewaŋgo.” §§§ (Owé ŋuro

** **1:18:** “Yuqa Surumí” ŋuko Anutu koro Yuqa nanŋe. †† **1:19:** “uni roneneŋowí” ŋuko Anutuko qenero potó moré kini tiní eneŋo uniyó tunoqete. ‡‡ **1:19:** Josepko, Mariako o piyimi tero qahu taró, ye iŋaró tiníqo, enendo meté rero mande khono rotoweya. §§ **1:20:** “sambo simó” ŋuko komo suki-suki Anutuko unipare kama yoriní tunoqi sambo simó yondowaró. Ko itaka eneŋo sunará teyotenggo. *** **1:21:** Owé ŋu, “Yesu,” ŋuro murí muko ŋandiro: “Uni Parámimbo rambaruru koŋgo yoreyote.” ††† **1:21:** Anutuko hamó uniparetoro quhuriye moŋgo yoreweya, ko ŋu murí ŋuko ŋandiro: enendo quhuriye se rotoweya, ko eneya newonde kanata tewaŋgo. ‡‡‡ **1:22:** “ye-ye uni” ŋuko Anutuko mandí yunoní unipare yunaŋgurí. §§§ **1:23:** Aisaia 7:14 Komo suki Aisaia komo mande ŋu nakayáŋaró, yate kumima naru 700 rotoro Yesu tunoqaró.

murí muko ñandiro, “Anutuko noreya yote.”)

²⁴ Asa Josep eteyate otoqoro Uni Parámimboro sambo simómbo miraró ñu nanqe howero Maria koya epe re-re tariyó. ²⁵ Quko ene ñuya kama eteyari, yate-yate oro Maria simó urumuni pisiyaró. Pisiyoní owí Yesu nekaró.

2

Ino-ino uni kumimbo Yesu seqangurí

¹ Mariako Betlehem yendémo, Judia mirako ñuno, Yesu pisiyaró. Ñu naruko ñuno wiri yerete uni Herot ñundo unipare ñuno sopo yereró.* Asa Yesu pisiyoní ino-ino uni kumimbo kosa aretesinaŋgo Yerusalem ñuno mahengurí. ² Mahero osese yerengurí, “Simó pisiyaró ñu, ye Juda uniparetoro wiri yerete uni, ñu dano yote? Nore eneño tutuyó kosa aretesina ñuno qenero potoruku te inowero quro ñano maheteto.”

³ Ñunde yiŋo, Herotko mandeye inoro inondata parámi taró. Ko Yerusalem unipare soso ñuya inondata taŋgurí. ⁴ Herotko Israel koro o qa-qa unindoro tapá unindoya† hutuño mande ñuro ino-ino unindoya‡ soso neko yereró. Nekoro ñande osese yereró, “Ñu Kristo§ ñuko, do yendé kano tunoqeweya?”

* **2:1:** “Herotko” Juda unipare sopo yereró, quko enendo Rom koro wiri yerete uni parámi kasirayemo yora. Wiri yerete uni parámi ñundo owé parámi ka Herot inaró. † **2:4:** “o qa-qa unindoro tapá uni” ñundo Ya Surumímo hu-hariri sopoyangurí. ‡ **2:4:** “hutuño mande ñuro ino-ino uni” ñundo Anutu koro mande ñu unipare rondaqe yunoyangurí. § **2:4:** “Kristo” ñuko Anutuko rokóñoní mahero wiri yerete uni parámi horé tunoqaró ñu.

⁵ Yiní mande topé ñande yañgurí, “Ñuko Betlehem yendémo, Judia mirako ñuno, tunoqeweya. Dokoro ye-ye uni** ñundo ñande nakayáñaró,

⁶ “ ‘Ke Betlehem, Judia mira koro yendé qu, keko Judia koro wiri yerete unindoro tomó qu kini.

Dokoro wiri yerete uni ka ke noñgo maheweya.

Enendo Israel, neneño uniparene ñu, sopo yereweya.’ ”

⁷ Asa Herotko mandeye iñoro iño-iño uni kosa aretesinaño mahengurí ñu mondó neko yerero tutu ñu qenengurí naruyó hamó ñuro osese yereró. ⁸ Osese yero ñande yimiraró, “Ye Betlehem†† uyaya simó ñu okeyá ta seqayi. Seqa generoqo, mande topé re mahe nimirika nopa uyaro potoruku te inowano.” Ñunde yero asá yiriní toñengurí.

⁹ Mandí iñoro toñengurí. Toñero tutu komo kosa aretesina ñuno qenengurí mu pitu ko qenengurí. Ñu tutu ñundo korete toñero simó yoraró quno ñuno uyaro koreko yaró. ¹⁰ Tutu genero niñgu-niñgu parámi horé tañgurí. ¹¹ Tero ya quroko oro simó ñuya nimí Maria ñuya yiyañgurí. Yiyoro potoruku tero umu-kembaye nokono rañgurí. Ñunde tero newonde metémboro punge koñgo o tañoro simó inañgurí. O newonde metémboro ñuko ñandiro: gol koya te sitúmi nuñgurí meté moré muya te sitúmi meyowo

** 2:5: “ye-ye uni” ñuko Anutuko mandí yunoní unipare yunañgurí. †† 2:8: “Betlehem yendé” ñu Yerusalem kutaqemo yora, khe ñuro piruyó muko kilomita 10.

nunḡurí meté muya.‡‡ 12 Asa imemonggo Anutuko quko ḡande yimiraró, “Ye Herotko pitu ko ma owero.” Nunde ḡuro khe enesówore eneḡo yendéyemo tonḡunḡurí.

Josep koya pare-simó Isip ḡuno unḡurí

13 Ino-iḡo uni ḡu tonḡo, Uni Parámimboro sambo simó kato Josepko tunoḡero quko ḡande miraró, “Ke otoḡoya simónḡe nimí yore soreya Isip ḡuno uyi. Isip ḡuno na yoroyika nondo kimirowano. Dokoro itaka naḡe Herotko simó ḡu uroní khumoweya, yero inḡoyote.”

14 Yiní Josep otoḡoro simó, nimí yorero suwono naḡe Isip§§ ḡuno uró. 15 Josep Isip ḡuno yoní, yate Herot khumaró. Nunde tero Uni Parámimboro ye-ye unindoro mande qu ka hamó tunoḡaró. Mande ḡuko ḡandiro, “Nondo naḡone nekowe Isip rotoro maheró.” ***

Herotko simó tomó ta-ta yuroyi khumanḡurí

16 Ino-iḡo uni kosa aretesinaḡo ḡundo Herot ḡunde kanáḡanḡurí. Asa yate-yate Herotko ḡu gene inḡoro newonde tiwi parámi horé taró.

‡‡ 2:11: “gol” ḡuko o aini ka, kandawó tindenḡwí mu ko kimoyó parámi. Te sitúmi korete ḡuko Ya Surumímo ḡaro Anutuko hariri teyaḡo. Te sitúmi meyowo ḡuko marasin ka, ko unindoro ukúyemo sonowoyaḡurí. §§ 2:14: “Isip mira” ḡu kapiyamo horé yora, khe ḡu khete uyarewero naruyó muko sonda kanata peka. *** 2:15: Hosea 11:1 Komo suki Anutuko Israel unipare Isip nonḡo yoraró, ko imemonggo ta Hoseako o taró ḡuro inḡoro mande ḡa nakayáḡaró. Juda unindo ḡande inḡanḡurí, Kristoko Anutuko o taró ḡunde naḡe unipare quhuríye monḡo yoreweya. Nunde ḡuroko enendo Hosea koro mandí ḡa Kristo imemonggo tunoḡeweya ḡuro ye-ye mande ka ḡunde inḡanḡurí.

Tero uni kumi asá yiriní Betlehem yendémo ko yendé tomó-tomó Betlehem sumeyoro quno ηuno ηuya uyareᅇgurí. Uyaro simó tomó ta-ta kumima naru irisa kama rotanᅇgurí qu soso yuroyi khumomukanᅇgurí. Simó ηunde qu yuranᅇgurí, dokoro komo Herotko inᅇ-inᅇ uni do naruko tutu qeneᅇgurí ηuro osese yereró. ¹⁷ O tunoqaró ηuko komo Anutuko ye-ye uni ka, Jeremaia, manᅇómo mande yaró qu riní hamó tunoqaró. Ene ηande yaró,

¹⁸ “Tendo parámi ko sikí yambo parámi horé
Rama yendémo ηuno tunoqete.

ηuko Reseliko simó ηuro sikíqero tendote.
Ko mepa mande kama inᅇoweya,
dokoro simó ηu kini taró.”

Josep koya pare-simómboya pitu ko mahᅇgurí

¹⁹ Asa Herot khumoní Isip ηuno Uni Parámimboro sambo simó kato Josepko tunoqiní qu qeniní ²⁰ ηande miraró, “Ke otoqoya simónᅇgepoya nimímboya yoreya Israel ηuno uyari. Unindo simó urowero yanᅇgurí qu khumomukanᅇgurí.”

²¹ Yiní Josep otoqoro simó, nimí yorero Israel mirako ηuno uyareᅇgurí. ²² Quko ηande inᅇaró, Herot khumoníqota nanᅇuní, owí Arikelaus, ηundo meté rero Judia mira sopoyote. Asa ko Josep

ņuwore uyarewero ņuro sasaro taró.††† Anutuko Josep quko mande ka mironí Galili mirako ņuno uyaró. ²³ Uyaro yendé ka owí Nasaret ņuno kunditaró. ņunde tero ye-ye unindoro mandeye ņu hamó tunoqaró. Mande ņuko ņandiro, “Uni ņuko, Nasaret nonņo uni ka, ye nekowañņo.”

3

*Jon, sono re-re uni ņundo mande yesowoyara
(Mak 1:2-8; Luk 3:1-18; Jon 1:19-28)*

¹ Asa ņu naruko ņuno Jon, sono re-re uni ņundo mahero Judia koro Mira Wimbímo* ņuno unipare mande yesowoyara. ² Ene ņande yaró, “Ye quhuriyemboro newonde surumí teya quhurí ņu se roti. Dokoro sambo simburímbo unipareyó wiri yereyote naruyó† ņu tunoqewero tete.” ³ ņunde yaró, dokoro ņu uni ņuko, komo ye-ye uni‡ ka, Aisaia, maņģómo ņande yaró,

“Enendo mira wimbímo neko yerero ņande yimirote,
‘Uni Parámimboro khe roņņaruwoya

††† 2:22: Herot khumoniqota Rom koro wiri yerete uni parámi ņundo Israel mira soso ņu rondaņņero Herot koro naņņuní kumi yunaró. Arikelausko Judia mira ņu sopoyaró, ko piyimi wiri yereró. Eneņņo naruyómo ņuno unipare quhurí parámi korowanņurí. ņunde ņuroko Josep sasaro tero Galili mirako ņuno uyaró. Arike-laus koro koneyó Herot Antipas mira ņu sopoyaró. * 3:1: “mira wimbí” ņunde quko te moré kini, ko uni kumimbo ņuno kama kunditeyoteņņo. † 3:2: “sambo simburímbo unipareyó wiri yereyote naruyómo” ņuno iņondutu unipareko hamó Anutu kusunņoyómo yowanņo. ‡ 3:3: “ye-ye uni” ņuko Anutuko mandí yunoní unipare yunanņurí.

eneñjomboro ore roneneñjoyi qembe.’ ”

⁴ Jonko tuwi kamel huímbo toworo kowí punuwaró. Ko makao kowímbo utóño toworo weheño newondí kusiyaró. § Ko muña katu koya siso sonoyómboya neyara. ⁵ Asa ñu naruko ñuno Yerusalem unipare, ko Judia mira koro unipare soso, ko uni soso Jotan Sono sumeyo kunditañgurí qu eneno mahenñgurí. ⁶ Mahero quhuriye tunomo yi Jonko Jotan Sonono sono re yunaró. **

⁷ Ñunde tiní Farisi uni gambu, Sadyusi uni†† gambu qundo sono rewero quuro eneno mahenñgurí. Mahi ñande yimiraró, “Ye sire piyimi ñuro simó ñu! Anutuko newonde sanñgirí tero o piyimi unipare teyotenggo ñu rambaruru yerewero tete. Ye dando yimironí sore naru piyimi ñu takawero tetenggo? ⁸ Ñunde ñuroko newonde hamó rohoréññgurí ñuro enñé rika tunoqiní. ⁹ Ko kina ñande ma inñowero, ‘Abrahamko noreño usinani.’ †† Dokoro no ñande

§ 3:4: Juda unipareto ñande ye inññgurí, ko koretero ye-ye uni komo qu ka, owí Elaija, pitu ko mahero kho ka tiníkata Kristo ñuko maheweya (Malakai 4:5 weyo qembe). Asa Jonko kowe punu-punuyó Elaija qembe punuwoyaró (2 Wiri yerete Uni 1:8 weyo qembe). ** 3:6: Grik mandewore “sono rewero murí” muko ñandiro, oka sono quroko rero pito ko ri areweya. †† 3:7: “Farisi uni, Sadyusi uni” ñuko unindoro huru-huruye Israel mirako ñuno yanñgurí. Ñu Farisi uni ñundo Anutu koro hutuño mande ñuro okeyá ta howero uniparetoro toñeyemo owéye parámi tañgurí. Sadyusi uni ñuko wondo uni kumi owéye parámi tero unipare soso sopo yereyanñgurí. †† 3:9: “Abraham” ñuko Juda uniparetoro pukoye, ko Anutuko Abraham koya mande parámi ka kusiyaró. Ñunde ñuroko Juda unindo, Anutuko nore kama rambaruru nereweya, ñunde ye inññgurí.

ye yimiroteno, Anutuko meté yiní wondo ñu rohoréjoro Abraham koro usi-sí tunoqewaŋgo. ¹⁰ Itaka ka sopro te toŋwero quro te hurímo yote. Nunde ñuroko te soso eŋgé meté kama teyotenjo ñuko tojoro kewáko raŋoweya.

¹¹ “Nondo ye sonono kina sono re yunoyoteno ñuko newonde rohoré teyotenjo ñuro rokó ñu. Quko uni ka no huwónemo maheweya ñuko ñuro wimbíboko nene wimbune ñu takate. Hamó, nondo enejo khe punu-punuyó korowowero owéne moré kini. §§ Ko enendo Yuqa Surumí ñu kewá qembe re yunoweya. ¹² Usú ka re towo mahero wit eŋgémboya murutómboya rondaŋeweya. Rondaŋero wit eŋgé se yano kopoweya. Quko murutómi muko se kewá ka kama khumoyote quno ñuno qaweya.”

Jonko Yesu sono re inaró
(*Mak 1:9-11; Luk 3:21-22*)

¹³ Ñu naruko ñuno Yesuko Galili rotoro Jotan Sonono uyaro Jonko ene sono re inowero^{***} ñuno uyaró. ¹⁴ Quko Jonko soréjoro ñande yaró, “Dokoro nono mahete? Meté keto naŋge sono re nuno,” yaró.

¹⁵ Yiníqo, Yesuko mande topé yaró, “Ñu meté, enina. Noya keya khe meté naŋge howero otete ronenejowí^{†††} soso tewaro.” Nunde yiní sono re

§§ 3:11: Jonko ñande inaró, ko uni huwómo maheweya ñu (Yesu), enejo owí ñuko Jon koro owí ñu hamó takaró. *** 3:13: Grik mandewore “sono rewero murí” muko ñandiro, oka sono quroko rero pito ko ri areweya. ††† 3:15: “otete ronenejowí” ñuko Anutuko nore rokó yiriní norejo murínani enejo murí howeyote.

inaró. ¹⁶ Re inoníqo, Yesuko sono roto areyoní sambo koro mako kosoní qeniní Anutu koro Yuqa qundo nú qembe tero umburo sajanímo yaró. ¹⁷ Neko ka sambo saña nongo ñande nekaró, “Ñako neneño nanone, eneño surumí inoyoteno. Njuro metéñoyoteno.”

4

Monimbuko Yesu towonjaró (*Mak 1:12-13; Luk 4:1-13*)

¹ Asa ñu naruko ñuno Yuqako Yesu riní Monimbuko towonjowero quro mira wimbímo* ñuno oró. ² Ñuno yotoro kundiñi tero kosa suwo 40 ñunde rotaró. Ñunde tero qímboro khumaró. ³ Uni towonjowero uni ñu ñuno mahero ñande miraró, “Ke hamó Anutu koro Nanuní tiníkaqo, yeka wondo ña rohoréjoro bret kumi tunoqiní.”

⁴ Yiníqo, Yesuko mande topé ñande yaró, “Sokomeko ñuno ñande nakayáñaró, ‘Unipareto o qoyembo quwore nanje yoto-yoto kama rewanjo. Kini. Anutu koro manjó howero yoto-yoto rewanjo.’ ” †

⁵ Yiníqo, Monimbuko Yesu rero yendé parámi surumímo‡ ñuno Ya Surumí umómo sañano rotaró. § ⁶ Rero ñande miraró, “Ke hamó Anutu koro Nanuní tiníkaqo, amuno soreka kiyowe. Dokoro, sokomeko ñande yete,

* **4:1:** “mira wimbí” ñunde guko te moré kini, ko uni kumimbo ñuno kama kunditeyotengjo. † **4:4:** Hutunjo Mande 8:3 ‡ **4:5:** “yendé surumí” ñuko Yerusalem nanje. § **4:5:** “Ya Surumí” ñuko Anutu koro ya qu.

“ ‘Enendo sambo simóño yimironí sopo kere-
waᅇgo,
ko kandeyembo kore koro kerewaᅇgo,
wondo kato khíndonᅇgemo saᅇgawoweya
koro.’ ”

7 Yiníqo, ᅇande miraró, “Sokomeko ᅇuno
kaᅇuya ᅇande nakayáᅇaró, ‘Ke Uni Parámi, keᅇo
Anutuke ma towonᅇwero.’ ” **

8 Yiníqo, Monimbuko Yesu rero mira purí ka
koreko horé ᅇuno oró. Nᅇunde tero uniparetoro
miraye soso ko o meté-metéye mu witúᅇaró.

9 Witúᅇoro ᅇande miraró, “Ke umu-kembake
nokono raᅇoro neneᅇo potorku te nunoka, o
soso ᅇa se kunowano.”

10 Yiníqo, ᅇande miraró, “Monimbu, ke toᅇe.
Sokomeko ᅇuno ᅇande nakayáᅇaró, ‘Ke Uni
Parámi, keᅇo Anutuke ᅇuro potorku te inoya
eneᅇo khoyó naᅇe te qembe.’ ” ††

11 Nᅇunde yiní Monimbu roto toᅇeró. Toᅇiní
sambo simómbo mahero Yesu samakaᅇaᅇguri.

*Yesuko Galili mirako ᅇuno kho kimani taró
(Mak 1:14-15; Luk 4:14-15)*

12 Asa naru kano Yesuko ᅇande iᅇaró, “Unindo
Jon‡‡ rero kusi-kusi yano raᅇguri,” ᅇu iᅇoro
Galili mirako ᅇuno uyaró. 13 Uyaro Nasaret
rotoro Kaperneam yendé parámimo ᅇuno kundi-
taró. Yendé ᅇuko Galili Sono Towo tapémo yaró,
ᅇuko Sepulun winiyómbo noko qu ko Napitali

** 4:7: Hutuᅇo Mande 6:16 †† 4:10: Hutuᅇo Mande 6:13
‡‡ 4:12: “Jon” ᅇuko sono re-re uni ᅇu naᅇe (Matyu 14:1-12
weyo qembe).

winiyómboro noko qu. §§ 14 Njunde taró, quko komo Anutuko ye-ye uni nju Aisaia riní mande ka yaró qu nju hamó tunoqaró. Mande njuko njandiro, 15 “Sepulun koro noko qu, Napitali koro noko qu, sono towosina Jotan Sono andusina yote nju, uni wini meywomboro mira Galili nju, 16 nju unipare huririko yangurí njundo sine parámi qenejgurí, ko hiyó kato arero kindo khumowero quro yonoyómo yangurí qu hiyóqaró.”

Yesuko injo-injo rewero uniyó korete qu neko yereró

(Mak 1:16-20; Luk 5:1-11)

17 Nju naruko njuno Yesuko kho kimani tero unipare yesowo yimitoyaró. Njande yaró, “Ye quhuríyemboro newonde surumí teya quhurí nju se roti. Dokoro sambo simburímbo unipareyó wiri yereyote naruyó*** nju tunoqewero tete.”

18 Asa naru kano Yesuko Galilí Sono Towo††† tapéwore uyaro yerepasa ka khoyari tero sono qare siyori yiyaró. Njuko Saimon (owí kako Pita), koneyó Andru. Njundo tirí-tirí‡‡‡ rero

§§ 4:13: “Sepulun” koya “Napitali,” irisa njuko Yakop koro simó. Komo suki enejo soweyarimbo Galili Sono Towo tapémo kunditeyangurí. *** 4:17: “sambo simburímbo unipareyó wiri yereyote naruyómo” njuno injondutu unipareko hamó Anutu kusunoyómo yowaŋgo. ††† 4:18: “Galili Sono Towo” njuko parámi ta. Tapésinaŋgo anduwore qenewero mepémo kini, kapiyamo. Piruyó muko kilomita 20, ko papareyó muko kilomita 9. ‡‡‡ 4:18: “tirí-tirí” njuko sono qare siyowero qu ka. Njuko kutá, ko o quhurí kumi tapéwore kusiyangurí. Uni kato kaŋe raŋoní sonono uro sono qare kusi yiriní wosoro siyangurí.

sono towoko raṅoro wosoyariyó. ¹⁹ Asa yiyoro ṅande yimiraró, “Mahe nohowiri. Nondo kho ka yunowe unipare Anutusina yowosowari.”
²⁰ Waka ta tirí-tiríyari rotoro howariyó.

²¹ Yesuko ṅu nonṅo uyaro yerepasa irisa meyoowo ka yiyaró. Nuko Jems, koneyó Jon, Sepeti koro simó. Irisa ṅuro awayari muko Sepeti ṅuya waṅgo saṅano yotoro sono qarendoro tirítiriye roṅgaruwaṅgurí. Asa yiyoro irisa ṅu neko yereró. ²² Waka ta waṅgo rotoro awayari rotoro howariyó.

*Yesuko se khumo uni qambu yoriní meté taṅgurí
 (Luk 6:17-19)*

²³ Yesuko Galili mira soso ṅuno uyare mahe tero huru-huru yayemo^{SSS} mande rondage yunoro sambo simburímbo unipareyó wiri yereyote naruyó ṅuro miti mande ṅu yesowo yimitoyaró. Ko se khumo kate-kate, asa o soso ṅundo unipare koweye rambaruruwaró ṅu yoriní meté taṅgurí.
²⁴ Nunde tiní piṅa mande ṅu yi Siria mira soso ṅuya inoyanṅurí. Inoro unipareto se khumo uni kate-kate ṅuya uni koweye surumí teyara ṅuya eneno yore mahenṅurí. Kumi yuqa piyimi quoyemo yanṅurí, kumi se khumoko yoriní umbu raṅoro khe kandeye yukuwoyaṅgo, kumi wimbuye khumaró ṅu. Soso yore mahi enendo yoriní meté taṅgurí. ²⁵ Unipare qambu Galili

SSS 4:23: “huru-huru ya” ṅuko Juda uniparetoro ya parámi mu. Sapat naruko ṅuno hu-hariri tero Anutu koro mandí weyoyi inoro hariri teyanṅurí.

mira koŋgo, Dekapolis mira* koŋgo, Yerusalem noŋgo, Judia mira koŋgo ko noko Jotan Sonosi-nango mahero Yesu howeyangurí.

5

*Mira purímo Yesuko mande ka yesowaró
(Luk 6:20-23)*

¹ Yesuko unipare qambu ŋu yiyoro mira purímo oro kunditiní ino-ino rewero unipareyó tangímo mahengurí. ² Mahigo, ŋandiro mande rondage yunaró,

³ “Unipareto yuqayemo ononoye moré kini qembe teteŋgo qundo* puriŋo ka reteŋgo, dokoro, sambo simburímbo ye wiri yereyote.

⁴ Unipareto tendoyoteŋgo qundo puriŋo ka reteŋgo, dokoro, Anutuko yemama mande yimiroweya.

⁵ Unipareto owéye re umbuyoteŋgo qundo puriŋo ka reteŋgo, dokoro, Anutuko noko soso se yunoweya.

⁶ Unipareto otete roneneŋowí† ŋuro o qoyemboro qembe kondé inoyoteŋgo qundo puriŋo ka reteŋgo, dokoro, Anutuko yorini manğoreweya.

* 4:25: “Dekapolis mira” ŋuko kape unindoya Juda uniparetoya mirako ŋuno kunditeyangurí, ko Herot koro nanjuni Filipko sopo yereró. Owé murí muko ŋandiro: Yendé Parámi mu Kande Iriisa.

* 5:3: Unipare ŋunde quko nokono koro situwiye ŋuro kama yete. Kini, newondeyemo ŋande ye inoyoteŋgo, ko eneŋo o soso qu Anutu noŋgo siyoyoteŋgo. † 5:6: “otete roneneŋowí” ŋuko Anutuko nore rokó yirini noreŋo murinani eneŋo murí howeyote.

- 7 Unipareto meyowomboro sikiye te yunoyotenjo qundo purinjo ka retenjo, dokoro, Anutuko enenjo sikiye te yunoweya.
- 8 Unipareto newondeye sara qundo purinjo ka retenjo, dokoro Anutu qenewango.
- 9 Unipareto mepa mande yeyotenjo qundo purinjo ka retenjo, dokoro Anutu koro simó, yero neko yere-wango.
- 10 Unipareto otete ronenenjowí teyotenjo njuro quhurí korowoyotenjo qundo purinjo ka retenjo, dokoro, sambo simburímbo wiri yereyote.
- 11 “Unipareto ye wininemo qene injoro mande piyimi yero quhurí yunoro mande kota-kota piyimi yero sanja yiriqo, ye purinjo ka retenjo.
- 12 Njunde tiqo, ninju-ninju parámi ti, dokoro kimoye parámi samboko rewango. Hamó, njundiro nanje komo uni njunde qundo ye-ye uni‡ nj o piyimi te yunanjurí.

*Yeko nembo, hiyó njunde qembe tetenjo
(Mak 9:50; Luk 14:34-35)*

13 “Yeko noko koro nembo njunde qembe. Quko nembo njuro nunjurí nj kini tiníqo, nore date tero nunjurí nj pitu ko rewato? Nembo njunde njuko khoyó kini taró. Unindo nj meté ranj kheyembo khete rumuniñoyotenjo.

14 “Yeko noko koro hiyó njunde qembe. Yendé ka mira purí sanjano njuno sóqewero mepémo kini.

‡ 5:12: “ye-ye uni” njuko Anutuko mandí yunoní unipare yunanjurí. Kumimbo ye-ye mande nj sokomeko nakayánjurí.

15 Unindo suru tupuṅoro kondómo rukukuwoy-otenḡo, peka? Kini. Ene rero koreko pikoyi unindo ya quroko hiyó yunoweya. 16 Nṅundiro nanḡe hiyó ṅunde qembe unipare hiyó yuni qembe. Nṅunde tiḡo, enendo yeṅo oteteye meté qenero awaye samboko yorote ṅu seré te in-owaṅgo.

Anutu koro hutuṅo mandí ṅuro yaró

17 “No Hutuṅo Mande koya Ye-ye Unindoro mandeye ṅuŠ se rotowero quro kama mahenowó. Kini. Nṅunde ma iṅowero. Nṅu soso rewe hamó tunoqewero quro mahenowó. 18 Nondo mande hamó ye yimirowe, noko sambo yoroníqo, hutuṅo mande tomó ta-ta ṅuya parámi ta-ta soso ṅuya yoroweya. 19 Nṅunde ṅuro uni kato Anutu koro mande kondé tomó ta ka re rotoroqo, unipare witú yiriní rotoyotenḡo, ṅuko piyimi. Uni ṅuko sambo simburímbo unipareyó wiri yereyote naruyómo** ṅuno owé tomó ta nanḡe reweya. Quko uni ka hutuṅo mande howeroqo, unipare witú yiriní howeyotenḡo, ṅundo sambo simburímbo unipareyó wiri yereyote naruyómo ṅuno owé parámi horé reweya. 20 Nṅunde yeteno, dokoro Farisi unindoya hutuṅo mande ṅuro iṅo-iṅo unindoya, nore otete roneneṅowí†† hamó howeyoteto, ṅunde ye iṅoyotenḡo. Quko

Š 5:17: “Hutuṅo Mande koya Ye-ye Unindoro mandeye” ṅuko Anutu koro mande korete qu. ** 5:19: “sambo simburímbo unipareyó wiri yereyote naruyómo” ṅuno iṅondutu unipareko hamó Anutu kusunoyómo yowaṅgo. †† 5:20: “otete roneneṅowí” ṅuko Anutuko nore rokó yiriní noreṅo murínani eneṅo murí howeyote.

yeṅo oteteye roneneṅowí muko eneṅo oteteye kama takaweya tiníqo, yendo sambo simburímbo unipareyó wiri yereyote naruyómo ṅuno kama owaṅgo.

Topémboya kiro mande qu roṅgaruwoyi
(Luk 12:57-59)

21 “Usisambayembo mande ka inṅṅurí, asa ‘ma uroyi khumowero.’ †† Ye ṅunde injomukotenṅo, ko uni kato uroní khumoweya ṅuko mande khono kaṅeweya. 22 Quko nondo ṅande ye yimiroteno, uni kato topémboya saṅgirí tiníqo, ene ṅuya mande khono kaṅeweya. Ko uni kato topémboya mande piyimi yeweya tiníqo, ene uni pará-parámboro toṅeyemo kaṅeweya. Ko uni kato ṅande miroweya, ‘Keko kape-kape uni horé,’ ene meté kewá piyimi§§ quño ṅuno uweya.

23 “Ṅunde ṅuroko ke oka Anutu te inowero qu rero wondo yakutímo*** oroqo, ṅande ye inṅoweya, toponembo o tanowó ṅuro saṅgirí tete, ye inṅoweya tiníqo, 24 o ṅu ṅuno rogoro ro-horéṅoro topokepoya mande roṅgaruwoqota mahero Anutu o ṅu te ino gembe.

25 “Ko uni kato korero mande khono korotowero khewore uyaroqo, asa yari waka ta mande roṅgaruwoyi gembe. Ṅunde kini tiníqo, asa uni ṅundo ronda-ronda unindoro

†† 5:21: Toṅṅurí 20:13; Hutuṅo Mande 5:17 §§ 5:22: “kewá piyimi” ṅuko naru weṅako ṅuno quhurí unipareto topé piyimi rero kewáko ṅuno naru suki-suki yoqaweya. *** 5:23: “wondo yakutí” ṅuko o qa-qa unindo ṅu yakutímo ṅuno o qa-qa taṅgurí.

kandímo korotoní ronda-ronda uni ηundo sopo-sopo unindoro kandímo korotoní sopo-sopo unindo kusi-kusi yano korotoweya. ²⁶ Nondo hamó kimiroteno, ke kusi-kusi yano yate wondo yaηgurí ηu kanaramimo kimo teroqota.

Se simbururu tewero murí ηuro yaró

²⁷ “Ye mande ηa inηgurí, ‘Ye se simbururu ma tewero.’ ††† ²⁸ Quko nondo ηande ye yimiroteno, uni kato pare ka qenero qene nuηguwote tiníqo, newondímo pare ηuya se simbururu titiri ηunde qembe. ²⁹ Ko keηo toηeηge kandeke tesina ηundo korero kowosoro o piyimi tewero tiníqo, kumo raηoka uní. Hamó, kowekeporo sombé ηu piyo teweya. Quko koweke soso kewá piyimimo‡‡‡ ηuno kama uweya. ³⁰ Ko keηo kandeke kondésina ηundo kowosoro o piyimi tewero tiníqo, wesane raηoka uní. Hamó kowekeporo sombé ηu piyo teweya. Quko koweke soso kewá piyimimo ηuno kama uweya.

Pare rotowero ηuro mande ka yaró

(Matyu 19:9; Mak 10:11-12; Luk 16:18)

³¹ “Ye mande ηa inηgurí, ‘Uni kato ene parí howeweya tiníqo, kamímbo epe re-re tariyó rotowero ηuro sokome ka parí inoweya.’ §§§ ³² Quko nondo ηande ye yimiroteno, uni kato parímbo se simbururu kama teyoní rotaró tiníqo, kamímbo pare ηu riní se simbururu pare ka

††† 5:27: Toηeηgurí 20:14; Hutuηo Mande 5:18 ‡‡‡ 5:29: “kewá piyimi” ηuko naru weηako ηuno quhurí unipareto topé piyimi rero kewáko ηuno naru suki-suki yoqaweya. §§§ 5:31: Hutuηo Mande 24:1

tunoqeweya. Ko danimbo pare ŋu reweya qundo se simbururu uni tunoqeweya.

Mandeye ri kondérewero ŋuro mande

³³ “Usisambeyembo mande kaŋuya ŋande iŋaŋgurí, ŋuko ŋandiro, ‘Ke mande ka Úni Parámi mitoro ri kondéraró ŋu ma wendaqewero.’ *

³⁴ Quko nondo ŋande ye yimiroteno, mandeye ka ŋundiro ri ma kondérewero.† Kini horé. Ye sambo nekoru mandeye ka ri ma kondérewero, dokoro, sambo ŋuko Anutu koro kundite-kundite yakutiŋo. ³⁵ Ko ye noko nekoru mandeye ka ri ma kondérewero, dokoro, noko ŋuko Anutuko khí re ŋuro saŋano imaŋeyote. Ko ye Yerusalem nekoru mandeye ka ri ma kondérewero, dokoro, Yerusalem ŋuko wiri yerete uni parámi ŋuro yendé parámi horé ŋu. ³⁶ Ko yeŋo kembaye nekoru mandeye ka ri ma kondérewero, dokoro, keŋombo kembakeporo huŋge ka ri sarape ma iriyó kama teweya. ³⁷ Ye meté ‘Iyo’ naŋge yi qembe, ko ‘Kini’ naŋge. Koro ŋu. Ye mande kaŋuya yewaŋgo tiniqo, mande ŋuko Monimbu koro qu naŋge.

*Eneŋo quhuriyembo topé ma tewero
(Luk 6:29-30)*

³⁸ “Ye komo mande ka ŋande yi iŋaŋgurí, ‘Ko uni kato topémboro toní ka rambaruruwoweya

* 5:33: O Qa-qa Úni 19:12; Qambuye 30:2; Hutuŋo Mande 23:21

† 5:34: Ŋu naruko ŋuno uni kato mande ka kusiyoro Anutupe ma o kondé meyowo ŋu nekoru ŋande yaró, ko ŋa mandene ŋako hamó kini quko Anutuko meté nuroni khumowano. Ŋundiro naŋge mandí rini kondéraró.

ɲuko, asa yendo uni ɲu ɲuya tonjí rambaruruwoyi qembe. Ko uni kato uni ka mití utoriníqo, asa yepa nanqe ene mití utori qembe.’ ‡ 39 Quko nondo ye ɲande yimirowe, uni piyimimbo yeno o piyimi tewanqo ɲu topé ma tewero. Kini. Ko uni kato kakínqe kawore tamóníqo, kawore ɲuya rohoréɲoka uroweya. 40 Ko uni kato korero kowe punu-punuke quroyómo qu rewero yero mande khono korotoníqo, meté tuwike saɲanímó§ ɲu ɲuya re ino qembe. 41 Ko uni kato korero, neneɲo ononone korowoya kutaqemo u, yeweya** tiníqo, asa kho ɲu sowe teya kapiyamo ɲuya korowo u qembe. 42 Uni kato o karo kira kereweya tiníqo, o ɲu ino qembe, ko uni kato keya utatá tewero yiníqo, ma huwónqowero.

Yendo newonde meté uni saɲgiríye yunoyi
(Luk 6:27-28,32-36)

43 “Ye komo mande ka ɲande yi inqanqurí, ‘Ke topokeporo hamó-hamó inqo qembe,†† ko saɲgirínqepoya newonde piyimi te qembe.’
44 Quko nondo ye ɲande yimirowe, yeɲo saɲgiríye newonde meté yunoyi qembe, ko yeno

‡ 5:38: Tonqanqurí 21:24; O Qa-qa Uni 24:20; Hutunqo Mande 19:21

§ 5:40: ɲu naruko ɲuno Judia mirako ɲuno unipareto kowe punu-punuye irisa punuwoyanqurí. Kako quroyómo punuwoyanqurí. Tuwi saɲanímó ɲuko matú kutiti ɲu wisumuɲaró, ko suwono quroyómo eteyanqurí. Israel koro hutunqo mandeyembo uni kato topémboro tuwiyó saɲanímó suwono re rotowero ɲuro soré yereró (Tonqanqurí 22:26-27 weyo qembe).

** 5:41: ɲu naruko ɲuno Rom koro wiri yerete uni parámi ɲundo Israel unipare sopo yereró, ko eneɲo kuma uniyómbo Israel uni ka kho ɲunde qu yunoyango. †† 5:43: O

Qa-qa Uni 19:18

o piyimi teyotenjo nuro hariri tika Anutuko ene samaka yiriní. ⁴⁵ Nunde tero ye awaye samboko yote nuro simó yowaŋgo. Enendo uni piyimimboya uni metémboya saŋayemo kosa riní hiyóqeyote. Ko enendo uni roneneŋowímboya^{‡‡} uni piyimimboya sono riní umbuní yunoyote. ⁴⁶ Ko ye uni topoyembo nange hamó iŋo yunotenjo tiníqo, do kimo ka rewanaŋgo? Qeni, ŋu takis re-re uni^{§§} ŋuya murí ŋu teyotenjo. ⁴⁷ Ko ye uni topoye nange topo te yunoyotenjo tiníqo, yeŋo muriyembo uni wini meywomboro muriye ŋu takatepe ma kini? Kini. Nju kape uni^{***} ŋuya nunde teyotenjo. ⁴⁸ Nunde nuroko awaye samboko yote nuro kiraró howi qembe. Eneko meté horé; ye ŋuya meté horé yuri qembe.

6

Uni ononjeye moré kini ŋu samaka yerewero murí nuro yaró

¹ “Ye oteteye meté-meté ŋu unipare witú yerewero tonjeyemo ma tewero. Tonjeyemo nunde tiqo, awaye samboko yote nundo kimo meté kama yunoweya.

^{‡‡} 5:45: “uni roneneŋowí” ŋuko Anutuko qenero potó moré kini tiní eneŋo uniyó tunoqete. ^{§§} 5:46: “takis re-re uni” nundo uniparetoro situwiye ronaŋero kimoyó sombé rero Rom koro wiri yerete uni ŋu inaŋguri. ^{***} 5:47: “kape uni” ŋuko Israel koro Anutuye ŋu kama iŋo howeyotenjo.

² “Nunde njuroko ye mone ka uni ononjaye moré kini nju yunowaŋgo quno njuno* uni maŋgoye irisa nju ma howewero. Uni njundo o meté te yunowaŋgo quno njuno koretero kho uni ka asáŋoyi huru-huru yanope† ma yendémo njuno ungu huwoyote. Hamó njande ye yimiroteno, uni njundo owé parámi hamó reŋgo, guko nju kimo nju nanje rewaŋgo. ³ Quko ye uni ononjoyó moré kini qu samakaŋowero quno mondó ta nanje samakaŋoyi qembe. ⁴ Nunde tero o meté te inowaŋgo njuko sóqeweya. Nunde tiqo, awayembo kho tapuŋowí nju genero kimo meté re yunoweya.

Hariri tewero murí njuro yaró
(Luk 11:2-4)

⁵ “Ko ye hariri tewaŋgo quno njuno uni maŋgoye irisa nju ma howewero. Naru rokóŋoro uni njundo owé parámi rewero quro hamó inoro huru-huru yanope‡ ma kheko njuno uniparetero toŋeyemo kaŋero hariri teyotŋgo. § Hamó yimiroteno, owé

* **6:2:** Nju naruko njuno Juda unindo Anutu inoro naru rokóŋo otete meté kapusa teyaŋgurí. Korete njuko mone ka uni ononjaye moré kini inoyaŋgurí. Irisayó njuko hariri teyaŋgurí (Matyu 6:5-15 weyo qembe). Ko kapusayó njuko kundinji taŋgurí (Matyu 6:16-18 weyo qembe). † **6:2:** “huru-huru ya” njuko Juda uniparetero ya parámi mu. Sapat naruko njuno hu-hariri tero Anutu koro mandí weyoyi inoro hariri teyaŋgurí. ‡ **6:5:** “huru-huru ya” njuko Juda uniparetero ya parámi mu. Sapat naruko njuno hu-hariri tero Anutu koro mandí weyoyi inoro hariri teyaŋgurí. § **6:5:** Nju naruko njuno Juda unindo Anutu inoro naru rokóŋo otete meté kapusa teyaŋgurí. Korete njuko mone ka uni ononjaye moré kini inoyaŋgurí (Matyu 6:2-4 weyo qembe). Irisayó njuko hariri teyaŋgurí. Ko kapusayó njuko kundinji taŋgurí (Matyu 6:16-18 weyo qembe).

parámi hamó retenjo, quko ñu kimo ñu nanje rewanjo. Ye otete piyimi ñu ma tewero. ⁶ Kini, hariri tewero quro yeño ya quroko oya, mako tunjoya, awaye sóqeyote ñuwore hariri ti qembe. Njunde tiqo, awayembo kho tapunowí ñu qenero kimo meté re yunoweya.

⁷ “Ko ye hariri tewanjo quno kape unindo** otete qu ma howewero. Kape uni njundo hariri teroqo, mande qambu-qambu yeyotenjo. Dokoro njande injoyotenjo, mande wata yatoqota anutunanimbo hamó mandenani injoweya. Njunde ma tewero. ⁸ Muriye ñu ma howewero. Dokoro awayembo ye o karo tukuni tetenjo njuro komo injomukaró.

⁹ “Njunde njuroko meté njandiro hariri ti qembe,

“ ‘Awanani, ke samboko yote,
keño owénje surumí yoní,

¹⁰ keñombo nore wiri yereyote naruke ñu reka mahiní,
samboko njuno injo-injoke hamó tunoqeyote,
njundiro nanje meté nokono njuya hamó tunoqiní.

¹¹ Itaka naru njano o qonanimboro nuno.

¹² Kowe noreño utatánani ñu se roto nuno,
dokoro, utatá noreya tanjurí ñu soso se roto yunoyoteto.

¹³ Ko nore norika okato kama towo nereweya,
kini, o piyimi horé mu nonjo nore qembe.’

¹⁴ Injoi. Ko ye uniparetoro quhuríye roto yunowanjo tiníqo, yeño awaye samboko yote

** **6:7:** “kape uni” njuko Israel koro Anutuye ñu kama injo howeyotenjo.

ɲundo yeɲo quhuríye ɲu se rotoweya. ¹⁵ Quko ye uniparetoro quhuríye kama se rotowaŋgo tiniqo, awayembo yeɲo quhuríye ɲu kama se rotoweya.

Kundiɲi tewero murí ɲuro yaró

¹⁶ “Ko ye kundiɲi tewango†† quno ɲuno uni maŋgoye irisa ɲu ma howewero. Uni ɲundo kundiɲi teyotengo quno ɲuno umu-kembaye piyo teyotengo. ɲunde tiqo, unipare soso, ene Anutuko iɲoro kundiɲi tero quhurí korowotengo, ye iɲoro owéye hokoyotengo. Hamó yimiroteno, ɲu kimo ɲu naŋge rewango. ¹⁷ Quko ye kundiɲi teroqo, huye ronɲaruwoya umu-kembaye sonowoyi qembe. ¹⁸ ɲunde tiqo, unipareto kundiɲi teyotengo ɲu kama iɲowaŋgo. Quko awaye sóqeyote ɲundo iɲoweya. Ko awayembo kho tapuɲowí ɲu qenero kimo meté re yunoweya.

Sambo koro situwi ɲu samboko ɲuno se kopoyuri

(Luk 12:33-34)

¹⁹ “Asa ye situwi se nokono ɲano ma kopowero. ɲano situwi ɲu siwí koya paráqi koya rambaruruwoweya. Ko momo unindo hoŋgo toɲo wisiyoro momo tewango. ²⁰ Kini, sambo koro situwi ɲu samboko ɲuno se kopoyuri. Samboko ɲuno situwi ɲu siwí koya paráqi koya kama rambaruruwoweya. Ko momo unindo hoŋgo toɲo wisiyoro

†† **6:16:** ɲu naruko ɲuno Juda unindo Anutu iɲoro naru rokóɲo otete meté kapusa teyaŋguri. Korete ɲuko mone ka uni onoɲoye moré kini inaŋguri (Matyu 6:2-4 weyo qembe). Irisayó ɲuko hariri teyaŋguri (Matyu 6:5-15 weyo qembe). Ko kapusayó ɲuko kundiɲi taŋguri.

momo kama tewaᅅgo. ²¹ Nunde ti qembe, dokoro dano situwiye yote, ᅅu ᅅuro iᅅomukoyoteᅅgo.

*Toᅅenani ᅅuko kowenanimboro hiyó qu
(Luk 11:34-36)*

²² “Toᅅenani ᅅuko kowenanimboro hiyó qu. Ke toᅅeᅅge meté tiníqo, asa hiyó ᅅundo koweke soso hiyóqeyoweya. ²³ Ko ke toᅅeᅅge piyimi tiníqo, asa koweke soso huriri teyote. Nunde ᅅuro hiyó qurokemo yote ᅅuko huriri naᅅge tiníqo, huriri ᅅuko piyimi horé.

*Uni kato sopo-sopo uni irisa quro kho tewero
mepémo kini
(Luk 16:13)*

²⁴ “Uni kato sopo-sopo uni irisa quro kho qu tewero mepémo kini. Dokoro enendo karo newonde meté inoweya, ko karo newonde piyimi inoweya. Kaya womoweya, ko kako yesaráᅅoweya. Nunde naᅅge ye Anutu koya situwi koya irisa-irisa kasirayarimo yowero mepémo kini.

*O kumi ᅅuro iᅅondata ma tewero
(Luk 12:22-31)*

²⁵ “ᅅu murí ᅅuro nondo ᅅande ye yimiroteno, yeᅅo yoto-yotoyemboᅅo iᅅaᅅawí tero ᅅande ma yewero, ‘Do o ka newato? Do sono ka newato?’ Ko koweyemboᅅo iᅅaᅅawí tero ᅅande ma yewero, ‘Do tuwi ka kusiyowato?’ Qeni, yoto-yotoye ᅅuro murí muko o newero qu naᅅge, peka? Ko koweye ᅅuro murí muko tuwi naᅅge, peka? Nunde kini.

²⁶ Nú ᅅundo teyoteᅅgo ᅅuro iᅅoyi. Khono oka

kama rimitenḡo, kho nonḡo enḡé kama siyoy-otenḡo, o newero qu se huruworu yano kama reyotenḡo. Quko awaye samboko yote nḡundo wutu yereyote. Asa Anutu koro tonjimo yendo nú taka yereyotenḡo, hamómbe? ²⁷ Ko ye dani kato inḡanawí tero yoto-yotoyó meté wosoro sowe teweya?

²⁸ “Ko ye do karo tuwi koro inḡondataqeyotenḡo? Nuḡo wimbo-wimbo yotenḡo ḡu qeni. Koweyumu kama teyotenḡo, tuwi kama towoyotenḡo. ²⁹ Quko no ḡande ye yimiroteno, Solomonḡḡ nḡundo tuwi meté horé qu se reyaró, quko nuḡo ḡuro nakayámbo Solomon koro tuwi meté-meté ḡu takate. ³⁰ Itaka komó ḡunde qu yotenḡo, ko kuyepo nanḡe unindo tonḡoro kewáko ranḡ uweya. Anutuko oka naru tukuni yorote ḡunde qu o nakayá meté mu inoyote. Asa ye unipare inḡondutuyeŠŠ tomó ta nanḡe, inḡoyi, enendo ye ḡuya sopo yerero tuwi yunoweya. ³¹ Nḡunde ḡuroko inḡanawí tero ḡande ma yewero, ‘Do o ka newato? Do sono ka newato? Do tuwi ka kusiyowato?’ ³² Hamó, kape unipareto*** o soso ḡunde quro inḡoro seqayotenḡo. Quko yeḡo awaye samboko yote ḡundoko ye o ḡuro tukuni tetenḡo ḡu inḡomukote. ³³ Koretero Anutuko unipareyó

ḡḡ **6:29:** Komo suki Dewitko Israel unipare wiri yerero Solomon pisiyoro khumoníqo, mepé raró. Ko Solomon ononḡo parámi taró.
 ŠŠ **6:30:** “inḡondutu” ḡuko ḡandiro, asa unipareto ḡande kondé ye inḡoyotenḡo, ko Anutuko meté sopo yereweya. *** **6:32:** “kape unipare” ḡuko Israel koro Anutuye ḡu kama inḡo howeyotenḡo.

wiriyote naruyó††† ñuro kondé inoyikata ene o soso ñu ñuya se yunoweya. ³⁴ Ñunde ñuroko o kuyepo tunoqeweya guro ma inondataqewero. Kuyepo ñuko enenombo nanje inondataqeweya. Quhurí itaka tunoqete ñuro nanje inoyi qembe.

7

Topo-topoye ma ronda yerewero (Luk 6:37-38,41-42)

¹ “Ye unindoro muriye yiyoro ma ronda yerewero. Anutuko yeño muriye qene rondañeweya koro. ² Dokoro yendo date uni yiyoro ronda yereyotengo, ñuko ñundiro nanje Anutuko ye yiyo rondañeweya. Ko ye date uni o te yunoyotengo rokónjo ñuwore nanje Anutuko meté te yunoweya.

³ “Ke do karo topokeporo murutó ka tonjimo yote ñu qene inoyote, guko ke te puño ka keño tonjengemo yote ñu kama qene inoyote? ⁴ Ko te puño ñu tonjengemo nanje yoníqo, asa ke date tero topoke ñande miroweya, “Topo, murutó tonjengemo yote ñu re rotowe?” ⁵ Ke uni mangoye irisa, koreteroqo te puño parámi keño tonjengemo yote ñu re rotorogota ke meté tonjetero murutó tomó ta topoke tonjimo yote ñu meté se rotoweya.

⁶ “Ye Anutu koro o qu rero á sawa ma yunowero. Ko yeño pehe meté-meté ñu se ranjoi poko ma uwero. Ranjoi, yate poto kheyembo

††† 6:33: “Anutuko unipareyó wiri yereyote naruyómo” ñuno inondutu unipareko hamó Anutu kusunjoyómo yowanjo.

wonjomuniŋowanŋo koro, ko isako rohoréŋoro ye yikiwanŋo koro.*

O kumi ŋuro Anutu kirayoyi

(Luk 11:9-13)

⁷ “Ye kirayoyikata o se yunoweya; o seqaroqota qenewanŋo; mako uroyikata mako koso yunoweya. ⁸ Dokoro uni soso kirayotenŋo ŋundo o ŋu siyoyotenŋo; uni soso o seqayotenŋo ŋundo o ŋu qeneyotenŋo; uni soso mako utoyotenŋo, ŋuro mako kosoní inoweya.

⁹ “Ko ye kato simóye kato iwí kirayoro bret ka re nuno yiniqo, iwímbo wondo ka re inoweya, peka? Kini. ¹⁰ Ko simómbo iwí kirayoro sono qare nuno yiniqo, iwímbo sire† piyimi ka re inoweya, peka? Ŋu ŋuya kini. ¹¹ Yeko quhurí uni nanŋe quko simóye o meté yunoyotenŋo. Ŋunde ŋuroko awaye samboko yorote ŋu kirayoyiqo, o metémeté mu se yunoweya, hamómbe? ¹² Yendo unipareto otete soso yeno te yunowanŋo ŋuro kondé inoyotenŋo ŋuko ye otete ŋu nanŋe eneno te yunoyi qembe. Dokoro otete ŋuko Hutunŋo Mande koya Ye-ye Unindoro mandeye ŋuro‡ murí.

Mako kiŋiwí qurowore oyi

(Luk 13:24)

¹³ “Mako kiŋiwí tomó ta qurowore oyi qembe. Piyo tewero mako ŋuko koŋó parámi, ko khe

* **7:6:** Juda unindo, isa koya po koya nú-qare piyimi, ye inŋanŋurí. Anutu koro sokomeko ŋande yaró, ko Juda unindo po newero mepémo kini. † **7:10:** Anutu koro sokomeko ŋande yaró, ko Juda unindo sire newero mepémo kini. ‡ **7:12:** “Hutunŋo Mande koya Ye-ye Unindoro mandeye” ŋuko Anutu koro mande korete qu.

ɲuwore ɲuko parámi horé. Ko unipare qambu qundo khe ɲu howeyotenɲo. ¹⁴ Quko yoto-yoto rewero mako ɲuko kiɲiwí horé, ko khe ɲuno owero ɲuko tuniyowero qu. Asa ko unipare kanata-kanatako nanɲe qenero khe ɲu howeyotenɲo.

Te koro enɲé hamó ɲu rondanɲi
(Luk 6:43-44; 13:25-27)

¹⁵ “Ye-ye uni kota-kota ɲuro sori qembe. Enendo uni ime qembe tero, sipsip ɲunde qembe tetenɲo. Quko newondeye quroko uni sanɲirí nanɲe, á sawa qembe tetenɲo. ¹⁶ Uni ɲuro muríyembo enɲé teyote. Ye enɲé ɲu qenero uni muríye ɲuro inomukowaɲo. Asa uni kato utó kamí moré moɲgo wain tanɲurí siyoweya, peka? Ko uni kato utó yuyumi moré moɲgo fik tanɲurí siyoweya, peka? ɲunde kini. ¹⁷ ɲundiro nanɲe te meté ɲundo enɲé meté nanɲe teyotenɲo. Ko te piyimi ɲundo enɲé piyimi nanɲe teyotenɲo. ¹⁸ Te meté kato enɲé piyimi mu tewero mepémo kini. Ko te piyimi kato enɲé meté mu tewero mepémo kini. ¹⁹ Te soso enɲé meté mu kama teyoweya ɲuko, toɲoro kewáko ranɲoyi qaweya. ²⁰ Asa ko yendo ye-ye uni kota-kota ɲuro muríyembo enɲé qenero muríye ɲuro inomukowaɲo.

²¹ “Ye ɲande ma inowero, uni soso nenenɲo, ‘Uni Parámi, Uni Parámi,’ ye neko nereyotenɲo ɲundo sambo simburímbo unipareyó wiri yereyote naruyómo§ owaɲo. Kini. Uni ka awane

§ 7:21: “sambo simburímbo unipareyó wiri yereyote naruyómo” ɲuno inɲodontu unipareko hamó Anutu kusunɲoyómo yowaɲo.

samboko yorote njuro injo-injoyó howeyote njundo nanje njuno owanjo. ²² Naru kano Anutuko unipare soso ronda yereweya. Nju naruko njuno unipare wata qundo njande nimirwanjo, ‘Uni Parámi, Uni Parámi, nore keño mande qu owéngemo yatowó. Keño owéngemo yuqa piyimi** yohowato uni quro konjo tonjengurí. Keño owéngemo o wimbí moré†† enesó-enesó rato tunoqaró.’ ²³ Njunde yesowoyi njande yewano, ‘No kama injo yunoteno. Ye o piyimi teyotengo nju, tonji.’

Yaye date rewango?

(Luk 6:47-49)

²⁴ “Njunde njuroko uni ka mandene njana injoro howeyote tiníqo, uni njuko injo-injoyó meté. Eneko uni kato mipu parámi wemboronjoro yayómboro tatá njuno ranjaró njunde qembe. ²⁵ Sono umbuní, sono riru tunoqiní, matú wimbí mahiní, o soso njundo ya utaqiní kama umbu ranjaró. Dokoro, mipu parámi njundo tatá kondé towoyara. ²⁶ Asa uni kato mandene njana injoro kama howeyote tiníqo, uni njuko kape-kape uni nanje. Eneko uni ka yayómboro tatá sotamano ranjaró njunde qembe. ²⁷ Sono umbuní, sono riru tunoqiní, matú wimbí mahiní, o soso njundo ya utaqiní umbu ranjoro hamó rambaruruwaró.”

²⁸ Yesuko njunde yiní unipare parámi njundo mandí injoro kondé yukuwanjuri. ²⁹ Dokoro,

** 7:22: “yuqa piyimi” njuko sambo simó njunde qembe, quko Anutu koro sanjirí tero unipare rowore yereyotengo. †† 7:22: “o wimbí moré” njuko o enesó-enesó tunoqiní Anutu koro wimbí njunde tunomo yoweya.

mandí ñu wimbí moré, ko hutuño mande ñuro ino-ino unindoro^{‡‡} mandeye ñunde qembe kini.

8

*Yesuko kowí piyimi khumo uni ka riní meté taró
(Mak 1:40-44; Luk 5:12-14)*

¹ Yesuko mira purí rotoro uníqo, unipare gambu parámi howero unğurí.

² Asa kowí piyimi khumo* uni kato mahero potoruku te inoro ñande yaró, “Uni Parámi, keto ñu inji mepémo tiníqo, no nori sara tewano.”

³ Yiníqo, Yesuko kandí sajanímo rero miraró, “No ñuro inoteno. Ke sara teweya.” Yiní waka ta se khumo ñuno qu kini tiní sara taró. ⁴ Tiní Yesuko ñande miraró, “O ña keno tunoqete ñaro uni ka ma yimirowero. Hutuño mande Mosesko yimiraró ñu howeya o qa-qa uni koweke re witú yereya keto sara tunoqete quro oka Anutu te ino

^{‡‡} 7:29: Ñu naruko ñuno “hutuño mande ñuro ino-ino uni” ñundo eneño ino-inoye mongo kama yanğurí. Kini, rondage-rondage unindo meyowomboro ino-inoyewore yanğurí. Quko Yesu koro mandí wimbí moré. Enendo Anutu koro ino-inoyó inoro yaró. * 8:2: “kowí piyimi khumo” ñuko nore do se khumo ka horé kama inoyoteto. Ñande inoyoteto, ko Juda unindo se khumo uni ñunde qu qenero, Anutu tojímó pusú yote, ye inoyanğurí. Ko Juda uni kato uni ñunde qu towowero mepémo kini, dokoro ene ñuya Anutu tojímó pusú tunoqeweya, ye inoyanğurí. Se khumo uni ñunde qundo sikuno nanje yoranğurí, yendémo yorowero mepémo kini.

qembe. Njunde tiqo, se khumoke kini tete, ye ijowanjo.” †

*Yesuko kuma unindoro tapá uni karo sunará simó rini meté taró
(Luk 7:1-10)*

⁵ Asa Yesuko Kaperneam yendémo oníqo, Rom koro kuma unindoro sopo-sopo uni kato‡ Yesu kondé njande kirayaró, ⁶ “Uni Parámi, sunará simóne se khumo tero yano eteyote. Wimbí muko soso khumoní kowí surumí parámi tete.”

⁷ Yiní njande miraró, “Meté nondo toje rewe meté teweya.”

⁸ Yiní njande miraró, “Uni parámi, no uni meté kini, njuro ke nenejo yano date areweya? Quko keto kina mande yekata sunará simóne nj meté teweya. ⁹ Dokoro no njuya uni owéye moré mu kasirayemo yowe sopo nereyotengo. Kowe nondo uni ka mirowano, ‘Ke toje,’ yewego, tojeyote. Ko ka mirowano, ‘Ke mahe,’ yewego, maheweya. Kho simóne mirowano, ‘Kho nj te,’ yewego, njunde teweya.”

¹⁰ Yesuko mande nj injoro injondata parámi tero uni howeyanjurí nj njande yimiraró, “No

† **8:4:** Hutunjo mandeko njande yaró, ko se khumo uni ka meté tunoqaró njunde qundo nú irisa Anutu inoweya yaró; ka uroní khumoní o qa-qa te inoweya, ka rotoní tojeweya. Njunde tero uni njunde qundo yendémo meté yoweya. (O Qa-qa Uni 14:1-7 weyo qembe.) ‡ **8:5:** Rom koro kuma unindoro sopo-sopo uni njuko Juda uni kini. Rom koro wiri yerete unindo wini unipare enesó-enesó, ko miraye enesó-enesó wiri yereró. Ko enejo kuma uniyómbo unipare soso nj kondé sopo yerejgurí. Asa kuma unindoro sopo-sopo uni njunde qundo kuma uni 100 sopo yereyanjo.

ye hamó ñande yimirowe, uni ñaro inɔndutuyó§ parámi ñandiro qu ka Israel unipare keweroyemo kama qeneno. ¹¹ Nondo ye yimirowe, unipare qambu kosa aretesinaŋgo kosa utesinaŋgo mahero sambo simburímbo unipareyó wiri yereyote naruyómo ñuno kunditero Abraham, Aisak, Yakop koya o newaŋgo.** ¹² Quko uni ñu, noreko wiri yereyote naruyómboro simó horé, ye inoyotenŋo ñuko, Anutuko yohowiní huriri yendémo ñuno uwaŋgo. Njusina ñunoko tendo piyimi tero metoye kindotowaŋgo.” ††

¹³ Ko Yesuko kuma unindoro sopo-sopo uni ñande miraró, “Ke toŋe. O date komo inɔndutu ta ñu keno tunoqeweya.” Njunde yiniqo, ñu naruko ñuno nanje sunará simó meté taró.

Yesuko Pita koro koŋgí riní meté taró
(Mak 1:29-31; Luk 4:38-39)

¹⁴ Asa Yesuko Pita koro yayómo oro Pita koro koŋgí qeniní se khumo tero kowí tiwi riní yakutímo eteyaró. ¹⁵ Eteyoní kandímo towoní, se khumo ñu kini tiní otoqoro Yesu koro o qímboro ronŋaruwaró.

Yesuko se khumo qambu yoriní meté taŋguri
(Mak 1:32-34; Luk 4:40-41)

§ 8:10: “inɔndutu” ñuko ñandiro, asa unipareto ñande kondé ye inoyotenŋo, ko Anutuko meté sopo yereweya. ** 8:11: “Abraham, Aisak, Yakop” ñuko Juda unipareto usisambapukoye. Quko Yesuko “unipare qambu mahero kunditero o newaŋgo,” yaró. “Unipare qambu” ñuko Juda uni kini, uni wini meyowo-meyowo. †† 8:12: Uni ñundo metoye kindotowaŋgo, dokoro surumí parámi tewaŋgo.

¹⁶ Suwoya tiníqo, unipareto topo-topoye yuqa piyimi‡‡ quroyemo yaŋgurí ñu yore Yesuko maheŋgurí. Mahi mande ka yini yuqa piyimi ñundo unipare yorotaŋgurí. Ko enendo se khumo uni ñu yorini pitu ko meté taŋgurí. ¹⁷ Ñunde tero mande ka komo Anutuko ye-ye uni Aisaiawore yaró ñu rini hamó taró. Ñande yaró,

“Eneñombo noreño kowenani ime ñu raró,
ko se khumo kate-kate korowaró.”

Yesu howewero khe qu

(Luk 9:57-60)

¹⁸ Asa Yesuko unipare gambu horé wuririyo kañeyuri yiyoroqo, iño-iño rewero uniyó ñande yimiraró, “Nore sono towo karóñoro andusina uyato.”

¹⁹ Yero tonjico, hutuño mande ñuro iño-iño uni§§ kato mahero ñande miraró, “Rondaqerondaqe uni, ke dana uyareweya qunoko no ñuya kohowe ñuno uyarewano.”

²⁰ Yiníqo, ñande miraró, “Á sawa ñuko meréye noko quroko yote, nú ñuya yaye moré. Quko Unindoro Nañuni*** ñuko etewero mirayó moré kini.”

²¹ Ko iño-iño rewero uni meyowo ka ñande miraró, “Uni Parámi, norotoka no tonjeya awane re tapuñowekata.”

‡‡ **8:16:** “yuqa piyimi” ñuko sambo simó ñunde qembe, quko Anutu koro saŋgiri tero unipare rowore yereyotenggo. §§ **8:19:** “hutuño mande ñuro iño-iño uni” ñundo Anutu koro mande ñu unipare rondaqe yunoyañgurí. *** **8:20:** “Unindoro Nañuni” ñuko Yesu nañge.

²² Quko Yesuko n̄ande miraró, “Kini, ke maheya no nohowe. Uni khumowí n̄undoko topoye khumoten̄go n̄u se tapu yerewañgo.”

*Yesuko matú riní imaqaró
(Mak 4:36-41; Luk 8:22-25)*

²³ N̄unde yero wañgo sañano oníqo, in̄o-in̄o rewero uniyómbó howe ton̄engurí. ²⁴ Ton̄eyate sono towo keweroko uyariqo, matú parámi horé mahero sono towo huwoní tambi-tambi toqero wañgo tomó ta n̄u weheñowero taró. Quko Yesuko eteyaró. ²⁵ Eteyoní okokoworo n̄ande yañgurí, “Uni Parámi, nore samaka nere, piyo tewe teteto.”

²⁶ Yiqo, n̄ande yimiraró, “In̄ondutuye††† muko tukuni. Do karo soreteñgo?” N̄unde yero otogoro matú koya windi koya qene yiní irisa-irisa imaqariyó.

²⁷ N̄unde tiriqo, uni n̄undo in̄ondata parámi tero n̄ande yañgurí, “Do uni kato meté yiní matú koya windi koya imaqitiri?”

*Yesuko yuqa piyimi uni irisa quoyarimo
yañgurí n̄u yohowiní ton̄engurí
(Mak 5:1-17; Luk 8:26-37)*

²⁸ Asa Yesuko sono towo andusina uyaroqo, Gatara koro mira n̄uno maheró. Mahiní uni irisa

††† 8:26: “in̄ondutu” n̄uko n̄andiro, asa unipareto n̄ande kondé ye in̄oyoten̄go, ko Anutuko meté sopo yereweya.

yuqa piyimiyari^{‡‡‡} moré mu uni tapu^{§§§} nongo mahero kheko kopañgurí. Irisa ñuko sanjirí uni horé, ñunde ñuroko unipare khe ñuwore toñewero mepémo kini. ²⁹ Asa mahero kondé ñande kiwariyó, “Ke Anutu koro Nanuní, ke do nereweya? Kepe Anutuko naru rokónaró ñu takaro itaka nanje o piyimi te nunowero mahete, peka?”

³⁰ Po qambu o nero sonja kapiyamo yoraño.

³¹ Asa yuqa piyimimbo Yesu kondé ñande kirayanjurí, “Ko keto nore nohoweweya tiníqo, nore norotika po qambu ñu quroyemo uwato.”

³² Yiqo, ñande yaró, “Ye tonji,” yiníqo, yuqa piyimi ñundo uni irisa ñu yorotoro po quroko unjurí. Uyiqo, po ñundo purí titiní mongo rombonero sono quroko ñuno khumanjurí. ³³ Ñunde tiqo, po sopo-sopo unindo qenero sore toñero yendé parámimo uyaro o tunoqaró ñuro unipare yimiranjurí. Ko uni irisa ñuko yuqa piyimi quoyarimo yora, do ka eneno tunoqaró ñuro yimiranjurí. ³⁴ Asa yendé unipare ñuno qu soso Yesuko mahenjuri. Mahero kondé miranjurí, ko miraye ñu rotoro meywomo toñeweya, yanjurí.

9

*Yesuko uni khí, kandí piyimi mu riní meté taró
(Mak 2:1-12; Luk 5:17-26)*

^{‡‡‡} **8:28:** “yuqa piyimi” ñuko sambo simó ñunde qembe, quko Anutu koro sanjirí tero unipare rowore yereyotenjo. ^{§§§} **8:28:** “uni tapu” ñuko wondo yayó nanje. Juda unindo uni khumaró ñu rero wondo yayó huwósina rotoyango. Asa ko uni irisa ñundo wondo yayómboro manjó ñuno meté eteyariyó.

¹ Asa Yesuko wanjo kano oroqo, sono konjiwí karóño andusina uyaro eneño yendéyómo* njuno uyaró.

² Uyariní unipareto se khumo uni ka khí irisa-irisa ukumi yakutímo eteyaró ñu re koroworo eneno mahengurí. Mahiqo, Yesuko yiyoro, hamó injondutu† teyotenggo, ye inoro se khumo uni ñu ñande miraró, “Nañone, newondeke kondé yoní. Kenjo quhuríngge se rotoní.”

³ Nunde yiniqo, hutunjo mande njuro ino-ino uni‡ kumimbo newondeyembo ñande inangurí, “Uni ñako Anutu yesaráñoyote.”

⁴ Yesuko ino-inoye qene inoro ñande yaró, “Ye date koro ino-ino piyimi ñunde qu newondeyemo yote? ⁵ Inji, nondo, ‘Quhuríngge se rotoní,’ ye mirowano tiniqo, ñuko wuruwara mande peka, ye engé qenewero mepémo kini. Quko, ‘Ke otoqoya khete-khete uyare,’ ñunde yewano tiniqo, ñu quhurí, dokoro engé tunomo yoní ye qene inowanjo, hamómbe? ⁶ Quko ñande inji, Unindoro Nanuní§ ñundo nokono ñano unindoro quhuriye se rotowero quro wimbí tete.” Nunde yero uni khí piyimi ñu ñande miraró, “Ke otoqoya yakutíngge re korowoya, yakemo u.” ⁷ Yiniqo, otoqoro yayómo uyaró. ⁸ Uyariní unipare qambu ñundo qenero sasaro tanjurí. Anutuko wimbu ñunde

* **9:1:** “eneño yendéyó” ñuko Kaperneam (Matyu 4:13 weyo qembe). † **9:2:** “injondutu” ñuko ñandiro, asa unipareto ñande kondé ye inoyotenggo, ko Anutuko meté sopo yereweya. ‡ **9:3:** “hutunjo mande njuro ino-ino uni” ñundo Anutu koro mande ñu unipare rondage yunoyangurí. § **9:6:** “Unindoro Nanuní” ñuko Yesu nanje.

qu uni ka yunaró ñu qene iñoro Anutu seré te inañgurí.

Yesuko Matyu nekoní howaró

(Mak 2:13-17; Luk 5:27-32)

⁹ Asa Yesu uyaro, uni ka, owí muko Matyu qen-
iní takis rewero paseno** kunditeyaró. Kunditini
ñande miraró, “Ke maheya no nohowe.” Yini
otogoro Yesu howaró.

¹⁰ Imemonngo ta Yesu yano etero iño-iño rewero
uniyómboya o nañgurí.†† Nero takis re-re unin-
doya‡‡ quhurí unindoya§§ o nañgurí. ¹¹ Niqo,
Farisi unindo*** yiyoro iño-iño rewero uniyó
ñande osese yerenqurí, “Dokoro yeño rondaqe-
rondaqe uniyembo takis re-re unindoya quhurí
unindoya o kopo neyotenggo?”

¹² Quko Yesuko mandeye iñoro ñande yaró,
“Uni se khumoye moré kini quko dotako ñuno
kama uyareyotenggo. Kini. Se khumo unindo
nanqe dotako uyareyotenggo. ¹³ Ye uyareya iño-
iño rewero quro Anutuko mande yaró ñu weyoyi
qembe, ‘No o qa-qa te nunowero ñuro kama

** **9:9:** Uni ñunde qundo khe tapémo pase ñuno kunditero situwi
koro mone siyoro wiri yerete uni inoyara. †† **9:10:** Ñu naruko
ñuno uni kumimbo o neyañgo quno ñuno kama kunditanqurí.
Kini, enendo yakutímo piñoye etero kande tesina rondaqero
ñunde sañáqero kande kondésinambo o nañgurí. ‡‡ **9:10:** “takis
re-re uni” ñundo uniparetoro situwiye rondañero kimoyó sombé
rero Rom koro wiri yerete uni ñu inañgurí. §§ **9:10:** “quhurí
uni” ñundo Juda koro muriye okeyá ta kama howeyañgurí.
*** **9:11:** “Farisi uni” ñuko unindoro huru-huru ka Israel
mirako ñuno yañgurí. Enendo Anutu koro hutuño mande ñuro
okeyá ta howero uniparetoro tonqeyemo owéye parámi tanqurí.

inoteno. Kini, ye sikiye te yunowero njuro inoteno.’ ††† Ino-ino njuri qembe, dokoro uni ronenejowí‡‡‡ njuri neko yerewero quoro kama mahenowó. Kini. No quhurí uni njuri neko yerewero quoro mahenowó,” yaró.

*Kundiŋi tewero murí njuro oseseyangurí
(Mak 2:18-22; Luk 5:33-39)*

¹⁴ Njuri naruko njuro Jon§§§ koro ino-ino rewero uniyómbó Yesuko mahero njande oseseyangurí, “Date koro noreya Farisi unindoya* naru qambu quoro o newero njuro kundiŋi teyoteto,† quoko keŋo ino-ino rewero unike njuro o newero quoro kundiŋi kama teyotengo?”

¹⁵ Yiŋo, njande yimiraró, “Ko uni kato epe re-re tewero o ne-ne naruko njuro topé-topémbo newonde quhurí tewangope, ma kini? Kini. Quoko imemongo ta uni njuri ri tojeweja. Njuri naruko njuro nanje topé-topémbo kundiŋi tewango.

¹⁶ “Uni kato tuwi sombé keta quoro rero tuwi komo quoro wituyó mu kama tinjyoweya. Kini. Imemongo kowe punu-punu sonowoníŋo, tuwi keta njuri wosoníqota piyimi horé wuriweja. ¹⁷ Uni kato wain keta quoro meme kowí punje komo quoro njuro kama kusinjyote. Njunde tiníŋo, punje njuri

††† 9:13: Hosea 6:6 ‡‡‡ 9:13: “uni ronenejowí” njuro Anutuko qenero potó moré kini tiní enejo uniyó tunoqete. §§§ 9:14: “Jon” njuro sono re-re uni njuri nanje. * 9:14: “Farisi uni” njundo, nore Anutu koro hutunjo mande njuro okeyá ta howeyoteto, ye injangurí. † 9:14: “kundiŋi” teyangurí quoro njuro unipareto Anutu injoro enejo ri umbuní naru kanata, irisa njundiro o kama nanjuri.

wuríní wain sonoyó windoronoro nokono umbuweya, ko punge nyaya piyo teweya. Nunde nuroko wain keta nuko punge keta quno nanje kusíjyotengo. Nunde ti irisa-irisa meté yowari.”

‡

Yesuko pare parámi ka, pare keta ka yoriní meté tariyó

(Mak 5:22-43; Luk 8:41-56)

¹⁸ Asa Yesuko mande nu yeyoníqo, uni kembé ka mahero Yesu tanjímo kutaqemo potoruku te inoro nande yaró, “Neneño nambone itaka ka kindo khumote. Nuko keto maheya kandeke sananímó reka pitu ko yoto-yoto riní.” ¹⁹ Nunde yiní Yesu otoqoro howero tonjini ino-ino rewero uniyó nyaya howero tonjengurí.

²⁰ Pare ka nuno yora, kumima naru 12 nunde rotoro naru rokóño sitú ranoyara. Asa uyariyate pare nu Yesu huwósina mahero tuwiyó piru nu tapémo pekánaró. ²¹ Dokoro newondímbo nande yaró, “Tuwiyó pekánoroqota pitu ko meté tewano.”

²² Quko Yesuko rohoréño qenero nande miraró, “Nambone, newondeke kondé yoní. Keño injondutukepoš koriní meté tete.” Nu naruko njuno nanje pare nu meté taró.

‡ **9:17:** Nu naruko njuno unindo meme koro kowí rero khí kandi kusiyoro wain njuno kusíjyoyangurí. Kusíjyoyoyi wain njuko yuqa moré, ko yuqako kowe punge nu riní koñeweya. Koñini kowe punge komo qu ka wuriweya, dokoro koñewero mepémo kini. **§ 9:22:** “injondutu” njuko nandiro, asa unipareto nande kondé ye injoyotengo, ko Anutuko meté sopo yereweya.

23 Asa uyareyate Yesu uni kembé ηuro yano maheró. Mahini uni kumimbo kusí huwoyi unipare qambu niriye parámi teyaᅅguri.** 24 Yiyoro ηande yimitoyaró, “Ye otoqoya tonji. Dokoro pare tomó ta ηuko kama khuma. Kini, eteyote.” Yiníqo, iηoro kundo mande yero yomaᅅguri. 25 Quko unipare yohowiní mirako uyíqo, ya quroko oro pare tomó ta ηuro kandí towaró. Towoní ene otoqaró. 26 Nunde tiní mira soso ηuno Yesuko o taró ηuro piᅅa mande iᅅaᅅguri.

Yesuko uni toᅅeyari kiré mu, maᅅgó kakayiwi mu yorini meté taᅅguri

27 Asa Yesu yendé ηu roto tonini uni irisa toᅅeyari kiré mu ηuya howero ηande nekoyariyó, “Dewit koro nanuni,†† sikínari te nuno qembe.”

28 Yiri Yesu ya quroko oníqo, toᅅeyari kiré ηundo eneno oriyó. Ori Yesuko ηande osese yereró, “Yarindo nondope o ηa yarino meté tewanope, yero iᅅondutu titiripe,‡‡ ma kini?”

Yini mande topé yariyó, “Uni Parámi, iyo, iᅅondutu tetero.”

** 9:23: Nju naruko ηuno uni ka khumoníqo, eneηo suwi-sawiyómbó mahero kunditi uni kumimbo kusí huwori unipareto tendo parámi teyaᅅguri. †† 9:27: Komo suki “Dewitko” Juda unipare wiri yereró. Nju naruko ηuno Anutuko Dewit ηande miraró, imemoᅅgo keᅅo sowe qu ka mahero naru suki-suki unipare wiri yereweya yaró (2 Samuel 7:11-16 weyo qembe). Asa yate Juda unipare soso ηundo Dewit koro nanuni sopaᅅguri, ko uni ηuro sopaᅅguri ηu, “Mesaiya,” ma “Kristo,” ye nekoyaᅅguri. Ko Mande kondé ηundo uni toᅅeye kiré mu yorini meté tewaᅅgo, ηu ye iᅅaᅅguri (Aisaia 35:5 weyo qembe). ‡‡ 9:28: “iᅅondutu” ηuko ηandiro, asa unipareto ηande kondé ye iᅅoyoteᅅgo, ko Anutuko meté sopo yereweya.

²⁹ Arisa kandí rero toņeyarimo rero ñande yaró, “Yari inǝndutu titiri, ñunde ñuroko o ñu yarino tunoqeweya.” ³⁰ Yiníqo, toņeyari hiyóqaró. Ko Yesuko mande kondé ñande yunaró, “Ñaro uni ma yimirowero.” ³¹ Quko uni irisa ñundo uyaro mira soso ñuno Yesu ñuro piņa mande yimirariyó.

³² Asa uni irisa ñu roto toņiriqo, unipareto uni ka maņgó kakayiwí mu ko yuqa piyimi§§ ñuno yora qu, ñu re Yesuko mahenǝgurí. ³³ Mahi Yesuko yuqa piyimi ñu howiní maņgó kakayiwí ñu mande yaró. Ko unipare inǝndata parámi tero ñande yaņgurí, “Komo Israel koro mirako ñano o ka ñunde qu ñano kama tunoqeyara.”

³⁴ Quko Farisi*** ñundo ñande yaņgurí, “Eneko yuqa piyimi ñuro kembéye††† moņgo wimbí rero yuqa piyimi ñu yohoweyote.”

Kho uni enǝgé siyowero qu moré kini

³⁵ Asa Yesu uyaro yendé pará-paráwore ko yendé tomó-tomówore ñuya uyaró. Uyaro Juda koro huru-huru yano oro mande rondage yuno-yaró, ko sambo simburímbo unipareyó wiri yereyote naruyó‡‡‡ ñuro miti mande ñu yesoworo yimitoyaró, ko se khumo koweyewore ñuno qu yoriní meté taņgurí. ³⁶ Ñu naruko ñuno unipare parámi mahi yiyoro sikiye taró. Dokoro, quhurí

§§ 9:32: “yuqa piyimi” ñuko sambo simó ñunde qembe, quko Anutu koro saņgiri tero unipare rowore yereyotenǝgo. *** 9:34:

“Farisi uni” ñundo, nore Anutu koro hutuņo mande ñuro okeyá ta howeyoteto, ye inǝaņgurí. ††† 9:34: “yuqa piyimi ñuro kembéye” ñuko Monimbu naņge, owí kako “Satan.” ‡‡‡ 9:35:

“sambo simburímbo unipareyó wiri yereyote naruyómo” ñuno inǝndutu unipareko hamó Anutu kusunǝyoómo yowaņgo.

parámi korowaᅅguri, ko samaka-samakaye moré kini, asa sipsip ka sopo-sopoye moré kini ᅅunde qembe yaᅅguri. ³⁷ ᅅunde yiyoro iᅅo-iᅅo rewero uniyó ᅅande yimiraró, “O newero qu khono parámi eᅅgé tete, quko kho tero eᅅgé siyowero ᅅuro uniyó qambu kini. ³⁸ ᅅunde ᅅuroko kho simburí kirayoka kho uni asá yiriní uyaro o ᅅu se kopowaᅅgo.”

10

*Yesuko asá yerewí uni 12 ᅅu wimbu yunaró
(Mak 3:13-19; Luk 6:12-16)*

¹ Asa Yesuko iᅅo-iᅅo rewero uniyó* 12 ᅅu neko yiriní mahiqo, wimbu yunaró. Wimbu ᅅuko yuqa pusú† unipareko yoteᅅgo ᅅu yohowewero quro, ko se khumo kate-kate soso ᅅu yori meté tewero ᅅuro quya.

² Asá yerewí uni‡ 12 ᅅuro owéye muko ᅅandiro. Uni korete ᅅuko Saimon, owí kako Pita, koya koneyó Andru. Ko Jems, ᅅuko Sepeti koro naᅅuní, koya koneyó Jon. ³ Ko Filip koya Bartolomeyu, ko Tomas koya Matyu, ᅅuko takis re-re uni.§ Ko Jems, ᅅuko Alipeus koro naᅅuní, koya Tatus. ⁴ Ko

* **10:1:** “iᅅo-iᅅo rewero uni” ᅅundo Yesu koya uyaro iᅅo-iᅅo rondage yunoyaró. † **10:1:** “yuqa pusú” ᅅuko sambo simó ᅅunde qembe, quko Anutu koro sangiri tero unipare rowore yereyoteᅅgo. ‡ **10:2:** “asá yerewí uni” ᅅuko Yesuko rokó yerero asá yiriní eneᅅo khayó taᅅguri. § **10:3:** “takis re-re uni” ᅅundo uniparetoro situwiye rondaᅅero kimoyó sombé rero Rom koro wiri yerete uni ᅅu inaᅅguri.

Saimon, ηuko Selot koro wini ka,** koya Jutas Isikariot, imemonngo ηundo Yesu re uni piyimi kandeyemo rotaró.

Yesuko asá yerewí uni 12 ηu kho yunoro asá yereró

(Mak 6:7-13; Luk 9:1-5)

⁵ Asa Yesuko uni 12 ηu asá yerero ηande yimiraró, “Yeko uni wini meyowo†† quno ηuno ma uyarewero. Ko Samaria‡‡ koro yendéyemo ma uyarewero. Kini. ⁶ Yeko Israel koro wini guko, sipsip ka khe rotanḡurí qu qembe yotenḡo, ηuno nanḡe uyari qembe. ⁷ Ye tonḡeya mande ηande yesowoyi, ko sambo simburímbo unipareyó wiri yereyote naruyó§§ ηu tunoqewero tete. ⁸ Ye tonḡeya se khumo uni yorika meté ti, uni khumanḡurí mu yorika otoqi, koweye piyimi khumo uni ηu yorika sara ti, ko yuqa piyimi mu*** unipareko yotenḡo ηu yohowí. O komo kina tuwó siyanḡo ηu tuwó yunoyi. ⁹ Mone golpe ma

** **10:4:** “Selot koro wini” ηuko sanḡirí uni. Enendo Rom unindoya kuma teyanḡurí, dokoro Rom koro wiri yerete uni parámimbo ene sopo yerewero quro piyiminḡanḡurí. †† **10:5:** “uni wini meyowo” ηunde guko Juda unipare kini qu nanḡe. ‡‡ **10:5:** “Sa maria” ηuko mira ka, Judia mira koya Galili mira keweroyarimo yaró. Komo suki wini kato mira meyowo monḡo mahero ηuno kunditeyanḡurí. Kunditero hutunḡo mande koro sokome kandeka ηu (Murí Tero, Tonḡanḡurí, O Qa-qa Uni, Qambuye, Hutunḡo Mande) howeyanḡurí. Narune-narune Samaria koya Juda keweroyemo sanḡirí tanḡurí. §§ **10:7:** “sambo simburímbo unipareyó wiri yereyote naruyómo” ηuno inḡondu unipareko hamó Anutu kusunḡoyómo yowanḡo. *** **10:8:** “yuqa piyimi” ηuko sambo simó ηunde qembe, guko Anutu koro sanḡirí tero unipare rowore yereyotenḡo.

silwape ma kapa ŋu ma puŋgeyowero. ¹⁰ Puŋge ka ma rumo toŋewero. Ko ye kowe punu-punu irisa ŋuya ma siyowero, khe punu-punu ŋuya ma siyowero, tesan̄ga towo toŋewero qu ŋuya kama siyowero. Uni kho teyote ŋuko, o newero qu meté reyote.

¹¹ “Ye yate yendé parámimbe ma tomó quno ŋuno uroqo, do uni kato yeŋo mandeye meté in̄oweya ŋu seqayi qembe. Asa yendé ŋuno yotoroqo, eneya nan̄ge kunditi qembe. ¹² N̄andiro, ya ka quroyómo oroqo, “Naru meté,” yimiroyi qembe. ¹³ Ko ya ŋuro simburímbo ye yorewero niŋgu-niŋgu tiqo, newonde ime yuni qembe, quko yorewero piyimin̄oyiqo, newonde ime ŋu pitu ko ri qembe. ¹⁴ Ko uni kato yorero yayómo kama on̄iqo, ko yeŋo mandeye kama in̄on̄iqo, asa ye meté yape ma yendé ŋu rotoroqo, noko murutómi kheyemo ŋu siyoyi umbuweya.††† ¹⁵ Nondo mande hamó ye yimirowe teteno, naru Anutuko unipare soso ronda yereweya quno Sotom unindoya Gomora unindoya topé piyimi rewango.‡‡‡ Quko ŋu yendé yeya topo kama tewango qu ŋundo topé piyimi horé rewango.

Quhurí kate-kate tunoqeweya
(Mak 13:9-13; Luk 21:12-17)

¹⁶ “In̄oyi. Nondo ye sipsip ŋunde qembe yorewe yendo á sawa keweroyewore toŋewango. Nunde

††† **10:14:** “noko murutómi kheyemo ŋu siyoyi umbuweya” ŋuro murí muko n̄andiro: otete ŋuwore eneŋo newonde san̄giri uni ŋu witú yerero huwó yerewango. ‡‡‡ **10:15:** Komo suki yendé irisa ŋu, “Sotom” koya “Gomora” koya o piyimi horé tiqo, Anutuko won̄ga rambaruru yereró. (Murí Tero 19 weyo qembe.)

ɲuroko ye sire qembe do khe ka howewango ɲu kondé rondaɲi qembe, ko nú qembe murí piyimi ma howewero. ¹⁷ Ye unindoro inondataqi qembe. Enendo ye yorero uni kembémboro kandeyemo yorotiqo, Juda koro huru-huru yano haususu yerewango. §§§ ¹⁸ Yeko owéne towoyotengo, ɲu murí ɲuro uni ɲundo yorero wiri yerete uni parámi toɲeyemo ko uni kembé-kembé toɲeyemo yoroti kaɲewango. ɲunde tiqo, wiri yerete uni ko uni wini meyowo soso* ɲundo ye yiyoro neneɲo muríne qenewango. ¹⁹ Asa yate ye yorero mande khono yorotiqo, sasaro tero ɲande ma inowero, ‘Nore mande ka date yewato? Ko nore topé date yewato?’ Kini. ɲu naruko ɲuno naɲge mande date yewero ɲu witú yiriní yesowowango. ²⁰ Dokoro, yeɲombo mande ɲu kama yesowowango. Kini, Awayembo Yuqayómbó yeɲo maɲgoyembo mande yesowoweya.

²¹ “Payómbó koneyó mande piyimi ye inoníqo, uroyi khumoweya. Kowe iwímbo simómbóya ɲunde naɲge teweya. Kowe simómbó iwí-nimímboya ɲunde naɲge ti khumowari. ²² Ko uni soso newonde piyimi horé yeya inowango, dokoro neneɲo owéne muko yeno yorote. Quko dani kato kondé kaɲeyate rambaruru takaweya. ²³ Ko unipare yendé ka noɲgo qundo o piyimi te yunoyiqo, ye meté soreya yendé meyowomo tonji qembe. Dokoro no mande hamó ye yimiroteno,

§§§ **10:17:** Juda koro uni kembémbó uni piyimi huru-huru yayemo meté utómbó haususu yerengurí. * **10:18:** “uni wini meyowo” ɲunde quko Juda unipare kini qu naɲge.

yeko Israel koro yendéne-yendéne ηuno wati uyareyoní Unindoro Nanjuni[†] maheweya ηu.”

²⁴ “Injo-iño rewero unindo rondaqe-rondaqe uniye kama taka yereyotengo, ko sunará simómbo uni parámiye kama taka yereyotengo.

²⁵ Injo-iño rewero uni ηuko rondaqe-rondaqe uniyembo kiaróye tewero ηuro inoyotengo. Ko sunará simó ηuko uni parámiyembo kiaróye tewero ηuro inoyotengo. Unindo ya simburí owé, Belisipulu,[‡] ye nekoyotengo tiniqo, enendo simburímbo topé-topé ηuya owé piyimi neko yerewango.

*Yendo Anutu koro nanqe sasaro te inoyi qembe
(Luk 12:2-7)*

²⁶ “Nunde ηuroko uni karo ma sorewero. Dokoro o pokawí soso ηu tunomo tunoqeweya. Mande soso sóqeyote ηu unindo ηu inowango.

²⁷ Mande suwono yimiroteno ηuko ye kosano yi qembe. Mande mondó qu itaka kusumboyembo inotengo, ηuko ye ya umó mongo yesowo yimiri qembe. § ²⁸ Unindo kowenani uroyi khumoweya ηuko yuqanani uroyi khumowero mepémo kini.

Uni ηuro ma sorewero. Kini, Anutuko yuqaye, koweye irisa-irisa ranoní kewá piyimimo^{**} ηuno uweya ηuro nanqe sori qembe. ²⁹ Qeni, uni kato nú tomó ta ka wondo musiyó tomó ta qundo kimo

[†] 10:23: “Unindoro Nanjuni” ηuko Yesu nanqe. [‡] 10:25:

“Belisipulu” ηuko Monimbu nanqe, owí kako “Satan.” § 10:27:

Israel mirako ηuno “ya umó” ηuko surujo kini, papare nanqe. Uni kumimbo ηuno kanero piña mande meté yeyangurí. ^{**} 10:28:

“kewá piyimi” ηuko naru wenako ηuno quhurí unipareto topé piyimi rero kewáko ηuno naru suki-suki yoqaweya.

tetenjo, hamómbe? Ko nú ñu nokono rokaráño uweya tiníño, yeño awayemboko hamó inoweya. ³⁰ Ko enendo huye datiro kembayemo yote ñu soso inomukote. ³¹ Ñunde ñuroko ye ma sorewero. Yendo nú tomó ta-ta ñu taka yeretenjo.

*Yeko Yesu koro uni ñu ñuro yesowoyi qembe
(Luk 12:8-9)*

³² “Ñunde ñuroko uni kato unipare tonjeyemo yesoworo nono womoweya tiníño, no awane samboko yote ñuro tonjimo yesoworo eneya womowano. ³³ Uni kato unipare tonjeyemo huwó nereyote tiníño, no ñuya awane tonjimo ene huwónowano.

*Yesu ñuro surumí parámi ti qembe
(Luk 12:51-53; 14:26-27)*

³⁴ “Inji, nondo nokono ñano newonde ime yunowero guro kama umbunowó. Kini. Kiro kuma yunowero guro umbunowó. ³⁵ Hamó, nondo mahero

“ ‘nanjunímbo iwímboya epe usowo-sowo tewari,
nambunímbo nimímboya epe usowo-sowo
tewari,
nepímbo nepímboya epe usowo-sowo tewari,
³⁶ uni kato winiyómboya sanjirí tewango.’

³⁷ “Uni kato iwí-nimímboro surumí parámi teyote, quko neneño surumí tomó ta teyote, ñuko neneño topone kama yorote. Uni kato nambo-simómboro surumí parámi teyote, quko neneño surumí tomó ta teyote, ñuko neneño topone kama

yorote. ³⁸ Uni kato tipiririyó^{††} re koroworo no kama nohoweyote ηuko, ene nenejo topone kama yorote. ³⁹ Uni kato yoto-yotoyómboro injomukoyote ηuko yoto-yotoyó rotoweya. Quko uni kato nohowero yoto-yotoyó rotoweya ηuko yoto-yoto horé reweya.

*Samaka-samakayembo kimo meté rewango
(Mak 9:41)*

⁴⁰ “Uni kato ye yorero o meté te yunote ηuko no norero o meté te nunote. Njunde tero enendoko uni asá nereró ηuya o meté te inote. ⁴¹ Uni kato, ‘No ye-ye uni^{‡‡} samaka yerewe,’ ye injoro ye-ye uni ka o meté te inote, ηuko Anutu koro ye-ye unindoro kimoye ηu reweya. Uni kato, ‘No uni ronenejowí^{§§} samakanowe,’ ye injoro uni ronenejowí ka o meté te inote, ηuko uni ronenejowímboro kimoye ηu reweya. ⁴² Uni kato, ‘No Yesu koro injo-injo rewero uni samakanowe,’ ye injoro injo-injo rewero uni owé moré kini qu sono kiño inote quko, no mande hamó yimiroteno, uni ηuro kimoyó ηuko kama piyo teweya.”

^{††} **10:38:** “tipiriri” njunde quko wiri yerete uni kumimbo enejo uni sanjiríye yorero njuno uroyi khumoyangurí. Njuko tatá surunjo nokono ranoro piño papare ka sanjano yora. Naru rokóhoro uni tipiririko njuno khumoweya ηuko papareyó re koroworo khumowero quro mirayómo njuno uyarengurí. ^{‡‡} **10:41:** “ye-ye uni” ηuko Anutuko mandí yunoní unipare yunangurí. ^{§§} **10:41:** “uni ronenejowí” ηuko Anutuko qenero potó moré kini tiní enejo uniyó tunoqete.

11

Jonko Yesu njuro oseseyaró (Luk 7:18-35)

¹ Yesuko eneño ino-ino rewero uniyó 12 ñu mande yimironí kini tiní ñu nonngo tonjero uniparetoro yendéyemo mande rondaqe yunoro Anutu koro mandí yesowo yimitoyaró.

² Asa Jon* kusi-kusi yano yotoro Kristoko† kho taró njuro piña mande injaró. Nunde inoro ene ino-ino rewero uniyó asá yiriní uyarengurí.

³ Eneo uyaro ñande oseseyangurí, “Kepe uni maheweya njuro inatowó ñumbe‡ ma nore meyowo ka sopowato?”

⁴ Nunde yi Yesuko mande topé ñande yimiraró, “Ye uyareya o soso inoro qenetenngo ñu Jon miroyi. ⁵ Tonjeye kiré mu tonjetero o qeneyotenngo, kheyeye piyimi mu khete uyareyotenngo, koweye piyimi khumo qu sara teyotenngo, kusumboye tuwo qu mande inoyotenngo, uni khumowí mu otoqoyotenngo, ononoye moré kini qu miti mande inoyotenngo. ⁶ Kowe uni ka nenenjo inoro inondutuyó§ kama piyo teweya njuko purinjo ka rete.”

* **11:2:** “Jon” njuko sono re-re uni ñu nanqe. † **11:2:** “Kristo” njuko Yesu nanqe, asa Anutuko rokóñoní mahero wiri yerete uni parámi horé tunoqaró ñu. ‡ **11:3:** Komo suki ye-ye unindo Anutuko uni ka rokóñoní mahero wiri yerete uni parámi horé tunoqeweya qu karo yangurí. Juda unipareto uni maheweya ñu, “Kristo,” ma, “Mesaiya,” ye nekanjurí. Mande irisa njuro murí muko “uni rokóñowí” nanqe. § **11:6:** “inondutu” njuko ñandiro, asa unipareto ñande kondé ye inoyotenngo, ko Anutuko meté sopo yereweya.

7 Yiní inoro tonji Yesuko unipare qambu nu Jon nuro nande yimiraró, “Ye do ka qenewero mira wimbímo uyarengurí? Matúmbo tamá ka okokowoyote numbe qenewero nuno uyarengurí, peka? Kini. 8 Quko ye do ka qenewero nuno uyarengurí? Uni ka kowe punu-punuyó meté-meté mu teyonímbe nu qenewero uyarengurí, peka? Kini, uni kato tuwi meté-meté mu punuwooro nakayá enesó-enesó tero o meté-meté mu siyotengo qundo wiri yerete unindoro yayemo yotengo. 9 Quko ye do ka qenewero nuno uyarengurí? Ye-ye uni** ka qenewero uyarengurí, hamómbe? Iyo, ko no nande ye yimiroteno, nu ye-ye uni nundo ye-ye uni kumi taka yerete. 10 Nu uni nuro nanje sokomeko nuno nande nakayánaró,

“Ino, nondo uni ka mande yesowo yimitoy-
oweya qu asáhowe
koretero uro keño khe qu rongaruwoweya.’

11 “Ye hamó yimirowe, sono re-re uni nu, Jon koro owí nundoko nokono uni soso owéye takate. Quko sambo simburímbo unipareyó wiri yereyote naruyómo†† nuno uni ka owí tomó ta nundo Jon takate. 12 Sono re-re uni nu, Jon, nundo kho kimani tero mande yesowaró nu nongo yate itaka mahete na, sambo simburímbo unipareyó wiri yereyote naruyó nu quhurí korowote, ko

** 11:9: “ye-ye uni” nuko Anutuko mandí yunoní unipare yunangurí. †† 11:11: “sambo simburímbo unipareyó wiri yereyote naruyómo” nuno inondutu unipareko hamó Anutu kusunoyómo yowanjo.

unindo naruko ñuno owero quuro kuma tey-otenngo. ¹³ Dokoro Ye-ye Unindoro mandeyemboya Hutunjo Mande ñuyako^{‡‡} Anutu koro mande yeyuri nanje yate-yate Jon maheró. ¹⁴ Ko yendo injoweroqo, asa injoyi. Sokomeko ñande yaró, Elaija^{§§} ñundo kanuya maheweya. Asa ñuko Jon nanje. ¹⁵ Uni ka kusumbí moré tiníqo, mande ña injoweya.

¹⁶ “Ko nondo unipare itaka yotenngo ñuro muriyemboro tapara mande date yesowowano? Eneko simó ta-ta yendé keweroko kunditero simó ta-ta meyowo neko yerero ñande yeyotenngo,

¹⁷ “ ‘Nore kusí huwoyatowó,
quko ye kama quno ranjurí,
Nore sikí yambo yatowó,
quko ye kama tendoyanjurí.’

¹⁸ “Ñunde yeteno, dokoro Jonko mahero o parámi kama neyara, wain parámi kama neyara. Kowe unindo ñande yanjurí, ‘Yuqa piyimi^{***} quroyómo yote.’ ¹⁹ Unindoro Nanuní^{†††} mahero o qímboro neyote. Ko yendo ñande yeyotenngo, ‘Uni ñuko o nero qahí parámi tinditete, wain parámi nero kape-kape teyote. Eneko takis re-re

^{‡‡} **11:13:** “Ye-ye Unindoro mandeyemboya Hutunjo Mande ñuya” ñuko Anutu koro mande korete qu. ^{§§} **11:14:** “Elaija” ñuko Anutu koro ye-ye uni komo qu ka, komo suki kama khumoní Anutuko kina riní samboko oró (2 Wiri yerete Uni 2:11 weyo qembe). Malakai 4:5-6 ñande yete, ko Elaija pitu ko mahero o ka ronjaruwoníkata Anutuko unipare soso ronda yereweya. ^{***} **11:18:** “yuqa piyimi” ñuko sambo simó ñunde qembe, quko Anutu koro sanjirí tero unipare rowore yereyotenngo. ^{†††} **11:19:** “Unindoro Nanuní” ñuko Yesu nanje.

unindoya^{‡‡‡} quhurí unindoya topo teyote.’ Nunde yeyotenjo, quko ino-ino meté horé njundo enjé meté riní tunoqeweya.” §§§

Yesu kama inondutuwowanjo qundo topé piyimi rewanjo
(Luk 10:13-15)

²⁰ Yesuko njunde yero yendé pará-pará kumimboya kiro mande yimitoyaró. Dokoro yendé njuno o wimbí moré* teyaró, quko unipareto newonde rohoré kama tanjurí. ²¹ Asa njande yaró, “Ye Korasin, ininiyaqe, ye Betisaita,† ininiyaqe. Ye quhurí piyimi korowowanjo. Ko o wimbí moré keweroyemo tanowó njuko komo yendé meyoowo Tair, Saiton‡ njuno tunoqaró tiniqo, unipare njundo qenero newonde rohoré tero newonde surumí koro tuwi qu punuworó nombo kembaye sañano ranjanjurí, peka.§ ²² Hamó, quko njande ye yimiroteno, Anutuko unipare ronda

^{‡‡‡} **11:19:** “takis re-re uni” njundo uniparetoro situwiye ronanjero kimoyó sombé rero Rom koro wiri yerete uni njunanjurí.

§§§ 11:19: Juda unindo njande yeyanjurí, ko kepe mande ka inoro hamómbe ma kini qene inoweya tiniqo, koretero danimbo mande njun yaró, enejo khe u-uyó qene ronanje qembe. * **11:20:** “o wimbí moré” njuko o enesó-enesó tunoqiní Anutu koro wimbí njunde tunomo yoweya.

† **11:21:** “Korasin” koya “Betisaita” njuko Juda winiyembo yendéye nanje, Galili Sono Towo kutaqemo njuno yorariyó. ‡ **11:21:** “Tair koya Saiton” njuko kape unindoro yendéye, Juda koro miraye sumeyoro windi tapémo njuno yorariyó.

§ **11:21:** Nju naruko njuno Juda unipareto o parámi karo newonde surumí parámi tero tuwi piyimi horé ka punuworó nombo kembayemo sañano ranjojanjurí.

yereweya naruyómo ñuno yendé uniparetoro kimoye piyimi ñundo Tair, Saiton uniparetoro kimoye takaweya. ²³ Ko ye Kaperneam, ye yorini samboko ona owanjo, peka? Kini, uni khumowí ñuro yendéyemo** amuno uwanjo. Ko o wimbí moré ye keweroyemo tanowó ñuko komo Sotom yendémo†† ñuno tunoqaró tiníqo, yendé ñuko itaka yorote. ²⁴ Hamó, quko ñande ye yimiroteno, Anutuko unipare soso ronda yereweya quno ñuno yejo kimoye piyimi ñundo Sotom koro kimoye piyimi ñu takaweya.”

*Yendo Yesuko mahe imaqe-imaqe ri qembe
(Luk 10:21-22)*

²⁵ Ñu naruko ñuno Yesuko ñande yaró, “Awa, keko sambo koro, noko koro Uni Parámi. Kejo serénge teteno, dokoro ke komo o ña se tapunoyi injo-injo unindo kama injangurí. Kowe uni kumi oña qembe yotenjo qu witú yereró. ²⁶ Iyo, Awa, kejo nunjuringe howero ñunde taró.”

²⁷ Yero Yesuko ñande yaró, “Awanembo o soso re kandenemo raró. Iwímbo nanje Nanjuni injo inoyote, uni kato kama injote. Kowe Nanjúnimbo nanje Iwí injo inoyote, ko Nanjúnimbo uni ka Iwí witú yereyote ñu ñuyako Iwí injo inotenjo.

²⁸ “Ye soso koweyumu tero quhurí korowoyotenjo ñu nono mahi. Nondo newonde ime yunowano. ²⁹ Ye owéye re umbuya no

** 11:23: “uni khumowí ñuro yendéye” ñuko Juda unipareto ñande ye injangurí, ko uni soso khumoro yendé amuno ñuno uyangurí. †† 11:23: Komo suki “Sotom” koro unipareto o piyimi horé tiqo, Anutuko wonja rambaruru yereró (Murí Tero 19 weyo qembe).

kusuṅonemo yotoro mandene iṅoyi qembe. Dokoro no saṅgirí uni kini, ko owéne kama rewe oyote. Njunde tero yeṅo newondeye imaḡeweya. ³⁰ Hamó, ye no kusuṅonemo yoteṅgo tiníḡo, khe meté howewañgo, ko kho taṅo qu yunowano.”

12

*Yesuko Sapat naru ṅu sopoyote
(Mak 2:23-28; Luk 6:1-5)*

¹ Naru kano, Sapat naru* kanoko ṅuno, Yesuko wit koro kho ka kewerowore yateyaró. Yateyate iṅo-iṅo rewero uniyómbó o koro khumoro wit simó kumi siyoro neyaṅgurí. ² Niḡo, Farisi unindo yiyoro Yesu ṅande mirañgurí, “Hutuṅo mande ṅundo otete ṅu soréḡoro, Sapat naruko ṅuno ṅu ma tewero, yete. Do karo keṅo iṅo-iṅo rewero unikepo ṅunde teteṅgo?” †

³ Ko Yesuko mande topé ṅande yimiraró, “Yembe komo Dewit‡ o komo taró ṅuro sokome

* **12:1:** “Sapat naru” ṅuko sonda naru weṅa ṅu. Nju naruko ṅuno Juda unipareto huru-huru yayemo huruwooro Anutu koro mandí weyoyi iṅoro hariri teyaṅgurí. Nju naruko ṅuno kho ka tewero mepémo kini (Tonḡeṅgurí 20:8-11 weyo qembe). † **12:2:** Hutuṅo mande ṅuro iṅo-iṅo unindo ṅande yaṅgurí, ko Sapat naruko ṅuno uni kato kho kumi tewero mepémo kini. Enendo kho sewero mepémo kini, o yuwoyó rimiwero mepémo kini, engé siyowero mepémo kini, ko kho kumi meyowo ṅuya tewero mepémo kini. Anutu koro hutuṅo mandeko ore mande ṅunde qu kama yaró, iṅo-iṅo uni ṅu naṅḡe ṅunde kondé yero unipare soré yereṅgurí. ‡ **12:3:** “Dewit” - komo suki Dewitko Israel uniparetoro wiri yerete uni taró. Anutuko Dewit kondé iṅo inaró, ko yateyate Israel unipare ṅuyako Dewit kondé iṅo inaṅgurí.

ηumbeka kama weyaηguri?§ Eneya winiyómboya o koro khumaηguri. ⁴ Khumoro Dewitko hutuηo mande wendaqero Anutu koro yano oro bret ka Anutu koro toηίmo yote qu^{**} re umburo eneya topé-topémboya kopo naηguri. Bret ηuko enendo kama rewero qu, o qa-qa unindo nanje newaηgo qu. ⁵ Ko yendo peka Hutuηo Mande†† ηumbeka kama weyaηguri, ηundo ηande yete, asa Sapat naruko o qa-qa unindo Anutu koro Ya Surumίmo kho tewaηgo, quko potóye moré kini. ⁶ Asa nondo ηande ye yimirowe, oka ηano yote, ηundo Anutu koro Ya Surumί ηu takate. ⁷ Mande ka sokomeko ηande yete, ‘No o qa-qa te nunowero ηuro kama iηoteno. Kini, ye sikίye te yunowero ηuro iηoteno.’ ‡‡ Nunde yete, ko yendo mande ηuro murί okeyá ta iηaηguri tiniqo, mande kho uni potóye moré kini kama yunoweya. ⁸ Dokoro Unindoro Naηunί§§ ηundo Sapat naruyó ηu sopoyote.”

Sapat naruko ηuno Yesuko uni kandί piyimi mu rini meté taró
(Mak 3:1-6; Luk 6:6-11)

§ 12:3: 1 Samuel 21:1-6 weyo qembe. ** 12:4: O qa-qa uni ηundo bret toworo Sapat naru kano Anutu koro toηίmo yakutίmo rotaηguri. Sonda kanata quroko ηuno roti kini tini o qa-qa unindo naηguri. (O Qa-qa Uni 24:5-9 weyo qembe.) †† 12:5: “Hutuηo Mande” ηuko komo Anutuko Sainai purίmo Moses inonί Israel unipare yunaró. Mande ηuko Juda uniparetoro yoto-yotoye soso sopoyaró. ‡‡ 12:7: Hosea 6:6 §§ 12:8: “Unindoro Naηunί” ηuko Yesu nanje.

⁹ Nunde yero toṅero yendé kano uyaro huru-huru yaye^{***} guroko oró. ¹⁰ Oní uni ka kandí kasina khumaró qu ṅuno yora. Asa kumimbo Yesu mande kho inowero guro inṅurí, ṅunde ṅuroko ṅande oseseyanṅurí, “Uni kato Sapat naruko^{†††} ṅuno se khumo uni roṅgaruwoweya tiníqo, hutuṅo mande ṅu wendaqeweyape ma kini?”

¹¹ Yiṅo, ṅande yimiraró, “Ye keweroyemo uni kato sipsipyó moré, ko Sapat naruko sipsip ka meré kano uweya. Uni ṅundo kho tero sipsip toworo wosoní areweya, hamómbe? ¹² Quko sipsip ṅuko o tomó ta, uni kako o parámi. Nunde ṅuroko norendo Sapat naruko ṅuno murí meté te inowato tiníqo, hutuṅo mande kama wendaqewato.”

¹³ Nunde yero uni ṅu ṅande miraró, “Kandeke raṅo.” Yiní kandí raṅoní pitu ko meté taró, kandí kawore meté ṅunde naṅge. ¹⁴ Quko Farisi unindo^{‡‡‡} ya rotoro huruwo ro mande kusiyoro Yesu uroyi khumoweya ṅuro oreyó seqanṅurí.

Yesuko Anutu koro kho uni hamó

¹⁵ Yesuko Farisi koro inṅo-inṅoye qene inṅoro yendé ṅu roto toṅeró. Toṅiní unipare qambu qundo howero toṅenṅurí. Nunde howi enendo soso se khumoye moré mu yoriní meté ti ¹⁶ ṅande yiyo yaró, “No dani yero uni meyowo ṅu ma

^{***} **12:9:** “huru-huru ya” ṅuko Juda uniparetoro ya parámi mu. Sapat naruko ṅuno hu-hariri tero Anutu koro mandí weyoyi inṅoro hariri teyanṅurí. ^{†††} **12:10:** “Sapat naruko” ṅuno Juda unipareto kho ka tewero mepémo kini. ^{‡‡‡} **12:14:** “Farisi uni” ṅundo, nore Anutu koro hutuṅo mande ṅuro okeyá ta howeyoteto, ye inṅanṅurí.

yimirowero.” ¹⁷ Nunde taró nundo Anutu koro mande ka ye-ye uní Aisaia yaró nju riní hamó taró. Nande yaró,

¹⁸ “Ye neneño sunará simóne qeni. Neneñombo rokóñanowó.

Nuro surumí injoyoteno, nuro ninḡu-ninḡu hamó teyoteno.

Nondo Yuqane rero eneno rewanó,
ko enendo hamó moḡgo uní wini soso ronda yereweya.

¹⁹ Kiro mande ka kama yeweya, kama kiweweya, ko unipareto yendémo nuno maḡgó kama inḡowaḡgo.

²⁰ Tamá toqero rokoreḡoweya, nju soso kama toqeweya, ko te suru pukatutu teyote njuko kama winzumu-moweya.

Nunde teyate murí roneneḡowí mu riní o soso takaweya.

²¹ Kowe uní wini soso nundo owímo o meté siyowero nju ene sopowaḡgo.” \$\$\$

*Belisipuluko Yesu samakaḡoyote, peka
(Mak 3:20-30; Luk 11:14-23; 12:10)*

²² Asa nju naruko nuno naḡe uní ka yuqa piyimi mu* quroyómo yora qu rero Yesuko maheḡurí. Uní njuko maḡgó kakayiwi mu ko toní kiré mu. Ko Yesuko uní nju riní meté tiní mande yero tonetaró. ²³ Nunde tiní newondeye uroní

\$\$\$ 12:21: * 12:22: “yuqa piyimi” njuko sambo simó nunde qembe, quko Anutu koro sanḡirí tero unipare rowore yereyotenḡo.

unipare soso ninḡu-ninḡu tero ḡande yaḡurí, “Asa, uni ḡako Dewit koro naḡuní† ḡumbeka?”

24 Quko Farisi‡ unindo ḡuro qene inḡoro ḡande yaḡurí, “Uni ḡundo yuḡa piyimi ḡuro kembéye, Belisipulu,§ ḡuro wimbímo naḡe yuḡa piyimi ḡu yohoweyote.”

25 Yesuko inḡo-inḡoye ḡu inḡoro ḡande yimiraró, “Ko wiri yerete unindoro mira qu kato usoworo uni soso wini irisa tero kuma tewango tiníḡo, mira ḡuko piyo teweya. Ko yendé katope ma suwisawí kato usoworo wini irisa tero kuma tewango tiníḡo, irisa-irisa kondé kama kaḡewango. 26 Nunde naḡe, ko Monimbuko eneḡo winiyó yohoweweya tiníḡo, usoworo wini irisa teteḡo. Date tero ene wimbu rero winiyó wiri yereweya? 27 Ko hamó Belisipulu ḡundo samaka niriní yuḡa piyimi yohoweyoteno tiníḡo, asa dandoko yeḡo winiye ḡu samaka yiriní yuḡa piyimi yohoweyoteḡo? Nundiro naḡe yeḡo winiye ḡundoko ye ronda yerewango. 28 Quko Anutu koro Yuḡa qundo no samaka niriní yuḡa piyimi yohoweyoteno tiníḡo, Anutuko unipareyó

† 12:23: Komo suki “Dewitko” Juda unipare wiri yereró. ḡu naruko ḡuno Anutuko Dewit ḡande miraró, imemoḡo keḡo sowe qu ka mahero naru suki-suki unipare wiri yereweya yaró (2 Samuel 7:11-16 weyo qembe). Asa yate Juda unipare soso ḡundo Dewit koro naḡuní sopaḡurí, ko uni ḡuro sopaḡurí ḡu, “Me-saiya,” ma, “Kristo,” ye nekoyaḡurí. Ko Mande kondé ḡundo uni toḡeye kiré mu yoriní meté tewango, ḡu ye inḡaḡurí (Aisaia 35:5 weyo qembe). ‡ 12:24: “Farisi uni” ḡundo, nore Anutu koro hutuḡo mande ḡuro okeyá ta howeyoteto, ye inḡaḡurí. § 12:24: “Belisipulu” ḡuko Monimbu naḡe, owí kako “Satan.”

wiri yereyote naruyó** nuko yeno mahete.

29 “Date teroqo, uni kato uni kondémboro yayó guroko oro oyó siyoweya? Enendo uni kondé nuko kusiyoroqota yano oro oyó soso siyoweya.††

30 “Uni ka noya topo kama teweya nuko noya sangirí teyote. Uni ka noya kama kopoyote nuko yoriní wisikaraṅoyote. 31 Nunde nuro

no ye yimiroteno, Anutuko yeṅo quhuriye soso ko yesará yereyoteṅo qu soso se rotoweya. Quko uni kato Yuqa Surumí‡‡ yesaráṅoweya tiníqo, Anutuko nuko quhurí nuko kama re rotoweya.

32 Ko uni kato Unindoro Nanuní§§ yesaráṅoweya tiníqo, Anutuko nuko quhurí nuko re rotoweya. Quko uni kato Yuqa Surumí yesaráṅoweya tiníqo, Anutuko nuko quhurí nuko itaka ṅano ko imemoneṅo ṅuya kama re rotoweya.

Te piyimi kato enḡé piyimi teyote

(Luk 6:43-45)

33 “Ko te ka meté yoníqo, te koro enḡé ṅuya meté. Ko te ka piyimi yoníqo, enḡé ṅuya piyimi. Unindo te nuro enḡé qeneroqota inḡowaṅo, te nuko metembe ma piyimi. 34 Yeko sire piyimi nuro simó nuko. Ye uni piyimi, asa date tero mande meté qu yewaṅo? Dokoro okato newondeye riní maṅgore areyoní maṅgoyembo yeyote nanḡe. 35 Uni meté ṅundo inḡo-inḡo meté

** 12:28: “Anutuko unipareyó wiri yereyote naruyómo” ṅuno inḡondutu unipareko hamó Anutu kusunoyómo yowaṅo.

†† 12:29: Tapara mandeko ṅuno “uni kondé” nuko Monimbu nanḡe, ko uni meyowo nuko Yesu nanḡe. ‡‡ 12:31: “Yuqa Surumí” nuko Anutu koro Yuqa nanḡe.

§§ 12:32: “Unindoro Nanuní” nuko Yesu nanḡe.

qundo newondí riní maᅇgoriní murí meté teyote. Uni piyimi ᅇundo ino-ino piyimi qundo newondí riní maᅇgoriní murí piyimi mu teyote. ³⁶ Quko nondo ye yimiroteno, Anutuko unipare ronda yereweya naruko ᅇuno unipare soso mande wimbo-wimbo yaᅇgurí ᅇuro mande kho rewaᅇgo. ³⁷ Dokoro Anutuko mandeyewore ronda yereweya. Hamó, mandeyewore, roneneᅇowí mu, ye neko yereweya, peka, ko mandeyewore topé piyimi ka yunoweya, peka.”

Jona koro rokó qu qenewaᅇgo
(Mak 8:11-12; Luk 11:29-32)

³⁸ Asa hutuᅇo mande ᅇuro ino-ino uni kumimboya Farisi uni kumimboya^{***} Yesu ᅇande miraᅇgurí, “Rondaᅇe-rondaᅇe Uni, norendo keto rokó ka teka nore qene inᅇato, keko Anutu koro kho qu teyote.”

³⁹ Quko enendo mande topé ᅇande yimiraró, “Itaka unipare ᅇano quko unipare piyimi ko newondeye hamó rero Anutu kama inoyoteᅇgo. Naru rokóᅇoro rokó ka qenewero nekoyoteᅇgo. Quko rokó ka kama qenewaᅇgo. Kini. Rokó kanata na qenewaᅇgo, ᅇuko ye-ye uni Jona koro rokó qu. ⁴⁰ Jonako sono qare parámi qahí quroko ᅇuno kosa kapusa suwo kapusa ᅇunde yora.††† Nunde naᅇge Unindoro Naᅇuní ᅇuya kosa kapusa suwo kapusa noko quroyómo ᅇunde yoweya. ⁴¹ Komo suki Jonako mande yesowaró quno ᅇuno

*** 12:38: “hutuᅇo mande ᅇuro ino-ino uni” ᅇundo Anutu koro mande ᅇu unipare rondaᅇe yunoyaᅇgurí. “Farisi uni” ᅇundo, nore Anutu koro hutuᅇo mande ᅇuro okeyá ta howeyoteto, ye inᅇaᅇgurí. ††† 12:40: Jona 1:17; 2:10 weyo qembe.

Niniwe unindoko^{†††} newonde rohoré tanjuri. Njunde njuroko imemonjo, Anutuko unipare soso ronda yereweya quuno Niniwe unindoko unipare njano qu yorero mande khono yorotoyi topé piyimi rewanjo. Dokoro itaka uni kanata keweroyemo yote, owímbo Jona koro owí takate. ⁴² Komo suki wiri yerete pare kato mira kapiyamo amu nonjo^{§§§} arero Solomon koro injo-injo meté horé injowero maheró. Njunde njuroko imemonjo, Anutuko unipare ronda yereweya quuno njuno pare njundo otoqoro unipare njano qu yorero mande khono yorotoweya. Dokoro itaka uni kato keweroyemo yote, njuro owímbo Solomon koro owí takate.

Yuqa piyimi kato wimbo-wimbo uyare pitu ko mahete

(Luk 11:24-26)

⁴³ “Ko yuqa pusú* uni ka rotoroqo tonjero mira harimo wimbo-wimbo tonjero mira imaqewero qu njuno seqayote, quko qenewero mepémo kini. ⁴⁴ Ko ene njande yeweya, ‘No pitu ko uyareya pase komo yorano quuno njuno yorowano.’ Yero tonjero ya njuno qeniníqo, kina yoweya, ko unindo ya njuno murutó siyoyi tonjiní meté yote. ⁴⁵ Njunde njuro ene tonjero yuqa piyimi kande sanjyoro irisa yore mahewanjo. Yuqa kande sanjyoro irisa njuro muriye piyimi njuko enenjo murí takaweya. Mahero ya njuro quroyómo yowanjo. Koreteroroqo, piyimi

^{†††} 12:41: “Niniwe uni” njuko Juda uni kini, kape uni.
^{§§§} 12:42: Pare njuko Juda pare kini, kape pare qu ka. * 12:43: “yuqa pusú” njuko sambo simó njunde qembe, quko Anutu koro sanjirí tero unipare rowore yereyotenjo.

tomó ta yora, quko itakako hamó-hamó piyimi parámi horé yoweya. Njundiro nanje unipare piyimi itaka nokono njano yotenjo qundo njunde tunoqeweya.”

Yesu koro nimí-topé hamó nj dani?

(Mak 3:31-35; Luk 8:19-21)

⁴⁶ Yesuko unipare qambu nj mande yimitoy-oní, nimímboya kone-topémboya mahero eneya mande yewero koro yendémo kañeyangurí. ⁴⁷ Ko uni kato njande miraró, “Injo, keño nánje, kone-topoke kañero ke kiyowero yetenjo amu.”

⁴⁸ Quko Yesuko mande topé njande yaró, “Dani katoko nenenjo náme, one-topone?” ⁴⁹ Yero kandí ranoro injo-injo rewero uniyó kande supi yerero njande yaró, “Qeni, njako nenenjo náme, one-topone. ⁵⁰ Dokoro danimbo awane samboko yote njuro injo-injoyó howeyotenjo, njuko nenenjo one-topone, kuwone, náme.”

13

Uni kato o yuwoyó khono ranjaró njuro tapara mande

(Mak 4:1-20; Luk 8:4-15)

¹ Nju naruko njuno nanje Yesu ya nonjo mirako umburo Galili Sono Towo tapémo kunditaró.

² Kunditini unipare qambu parámi wuririyoyi wanjo tomó ta quroko uro sono sanjano kunditero mande yimiraró. Yimironi unipare soso sono towo tapémo njuno kañangurí. ³ Njuno kañeyuri tapara mande* yero o parámi yimi-

* 13:3: “tapara mande” njuko sowo mande nanje. Yesuko sowo mande njunde qu yero oka wítu yereró.

raró. Nānde yaró, “Injoi, naru kano uni kato o yuwoyó khono se kuriyaró. ⁴ Kuriyoníqo, kumi muko kheko umbuyi númbo mahero nemukanḡurí. ⁵ Kowe kumi muko noko wondo seqemo quno ḡuno umburo noko ḡuno waka ta toḡí raḡoro wotaḡurí. ⁶ Quko hurí meté kama uró. Nḡuroko wotiḡo, kosako qeniní asáqḡurí. ⁷ Kumi kakari keweroko umburo wotaḡurí, ko kakari muko noko kiruwó wosoro kosa saki riní enḡé kama taḡurí. ⁸ Kowe kumi muko noko meté muno ḡuno umburo wotiḡo, kumi enḡé 100, kumi 60, ko kumi 30 ḡundiḡo enḡé taḡurí. ⁹ Asa uni ka kusumbí moré tiníqo, mande ḡa inḡoní.”

¹⁰ Tukúko inḡo-inḡo reweru unindo mahero Yesu ḡānde oseseyaḡurí, “Ke date koro tapara mande yero mande ka unipare yimitoyote?”

¹¹ Yi mande topé ḡānde yaró, “Dokoro sambo simburímbo unipareyó wiri yereyote naruyó† ḡuro mande tapuḡowí‡ kumi rondaḡe ye yunanowó, unipare meyowo ḡu kama yunanowó.

¹² Uni ka o kumi towote tiníqo, Anutuko o kumi kaḡuya saḡanímbo rero inoní parámi towoweya. Ko uni oyó moré kini ḡuko, Anutuko o tomó ta qu towoyote ḡu siyoní kini teweya. ¹³ Na murí ḡaro nanḡe nondo tapara mande ene yimitoyoteno, asa

“toḡeyembo toḡeteyoteḡo,
quko oka kama qeneyoteḡo.

† 13:11: “sambo simburímbo unipareyó wiri yereyote naruyómo” ḡuno inḡondutu unipareko hamó Anutu kusunḡoyómo yowaḡo. ‡ 13:11: “mande tapuḡowí” ḡunde quko inḡo-inḡo ka Anutuko komo tapuḡoro itaka nanḡe wisiyo yunoyote.

Kusumboyembo injoyotenjo,
 guko mande inoro ino-ino kama reyotenjo.
 14 Nju unipare njuko, Aisaia koro mande ka njuno
 hamó tunoqaró. Ene njande yaró,

“ Yendo naru parámi mande injoyowanjo,
 guko mande njuro murí kama injoyi ton-
 danjeweja.

Naru parámi qeneyowanjo,
 guko kama injoyowanjo.

15 Dokoro unipare njando newondeye komo
 kondéraró,
 ko kusumboyembo meté mande kama
 injoyote,
 ko tonjeye wisumuñanjurí.
 Tonjeyembo oka qenewanjo koro,
 ko kusumboyembo oka inowanjo koro,
 ko newondeyembo mande murí inowanjo koro,
 ko rohoréjoro nono mahi
 nondo yorewe meté tewanjó koro.’

16 Quko yendo purinjo ka retenjo. Dokoro yejo
 tonjeyembo o qeneyote, kusumboyembo mande
 injoyote. 17 Mande hamó yimiroteno, komo quno
 ye-ye uni§ gambu njuya uni ronenejowí** gambu
 njuyako o itaka qeneyotenjo njuno qenewero surumí
 injoyanjurí, guko kama qeneñjurí. Ko enendo
 mande itaka ye injoyotenjo njuno injowero surumí
 injoyanjurí, guko kama inñanjurí.

§ 13:17: “ye-ye uni” njuko Anutuko mandí yunoní unipare
 yunanjurí. ** 13:17: “uni ronenejowí” njuko Anutuko qenero
 potó moré kini tini enejo uniyó tunoqete.

18 “Nunde nuroko tapara mande uni yuwoyó khono kuriyaró nuro murí injoyi. 19 Unipare soso qundo Anutuko unipareyó wiri yereyote naruyómboro mande injoyotenngo, guko kama injoyi tondanete, nuko yuwoyó kheko umbungurí nundiro. Nunde ti Monimbuko mahero mande newondeyemo kuriyaró qu nju supiyoyote. 20 O yuwoyó noko wondo segemo yote quno nuno umburó, nuko unipareto mandí nju inoro rero ninngu-ninngu teyotenngo. 21 Quko hurí noko quroko kama uyote. Asa ko quhuri korowoyotenngope ma unindo nju mande nuro o piyimi te yunoyotenngo quno nuno waka ta rotoyotenngo. 22 Ko yuwoyó kakari keweroko umbungurí nuko nandiro: uni mande nju injoyote. Quko naru kano noko koro o quro inanjawí teyote, ko mone parámi siyowero nuro murí nuko kanánjoyote. O enesó nundo Anutu koro mande nju wehejoní engé moré kini. 23 Kowe yuwoyó noko meté muno umbungurí nuko nandiro: uni nundo Anutu koro mande nju inoro murí hamó-hamó injoyi tondaneyote. Nuko engé teyotenngo, engé 100pe ma 60pe ma 30.”

Komó piyimi khono woteyote nuro tapara mande

24 Yesuko tapara mande†† kanjuya nande yimiraró, “Sambo simburímbo unipareyó wiri yereyote naruyó‡‡ nuko uni kato o yuwoyó meté mu khono rimiró nunde qembe. 25 Asa uni rimiro

†† 13:24: “tapara mande” nuko sowo mande nanje. Yesuko sowo mande nunde qu yero oka witú yereró. ‡‡ 13:24: “sambo simburímbo unipareyó wiri yereyote naruyómo” nuno injondutu unipareko hamó Anutu kusunjoyómo yowanngo.

eteyaró quno ηuno sanjirí kato mahero komó piyimi ηuro yuwoyó siyoro wit keweroko ηuno rimiro tojeró. ²⁶ Wit wotero engé tiníqo, komó piyimi ηu ηuya ηuno woteyaró.

²⁷ “Asa kho simburímbo sunará simó kato uyaro ηande miranğurí, ‘Awa, kepe o yuwoyó meté mu nanğe khokemo ranğarómbe, ma kini? Asa dokoro komó piyimi ηuya ηuno woteyote?’

²⁸ “Yi ηande yimiraró, ‘Sanjirí uni kato o ηu taró.’

“Yini oseseyanğurí, ‘Ke injoka nore uyareya komó piyimi ηu kumo rato?’

²⁹ “Yi ηande yimiraró, ‘Kini, ye komó piyimi ηu kumoro wit ηuya kumowaŋgo koro. ³⁰ Ye rotoyika irisa-irisa ηuno woteyori. Engé siyowero naruko ηunoqota engé siyowero uni ηu ηande yimirowano, “Koretero komó piyimi ηu kumoro witumoro tepo qawero. Wit ηu siyoro o newero yanemo ηuno ri qembe.” ’ ”

*Mastet yuwoyó ηuro tapara mande
(Mak 4:30-32; Luk 13:18-19)*

³¹ Tapara mande§§ kaŋuya ηande yimiraró, “Sambo simburímbo unipareyó wiri yereyote naruyó*** ηuko mastet koro musiyó ηunde qembe.††† Asa uni kato mastet koro musiyó ηu rero khoyómo rimiyoteŋgo. ³² Musiyó ηuko o khono woteyote kumi ηuro tanğurí ηunde kini.

§§ 13:31: “tapara mande” ηuko sowo mande nanğe. Yesuko sowo mande ηunde qu yero oka witú yereró. *** 13:31:

“sambo simburímbo unipareyó wiri yereyote naruyómo” ηuno inğondutu unipareko hamó Anutu kusunğoyómo yowaŋgo.

††† 13:31: “mastet” ηuro musiyó ηuko tambi koro musiyó ηunde qembe.

Kini, ηuko tomó ta horé. Quko wotero, yate parámi horé teweya ko o kate-kate khono woteyote ηu takaro te parámi tunoqeweya. Asa ko númbo mahero kambinímo ηuno ya reyotengo.”

Yis ηuro tapara mande

(Luk 13:20-21)

³³ Tapara mande⁺⁺⁺ kaηuya ηande yimiraró, “Sambo simburímbo unipareyó wiri yereyote naruyó^{\$\$\$} ηuko yis ηunde qembe. Asa pare kato yis* ηu rero plaua parámi ηuya huruwooro rohoréηoní koparó. Ko imemongo plaua ηu soso koηero parámi taró.”

Tapara mande ηuro murí

(Mak 4:33-34)

³⁴ Mande soso Yesuko unipare qambu yimiraró ηuko tapara mandeko[†] naηge yeyaró. Enendo mande kako tapara mande kini ηu kama yeyaró. ³⁵ ηu muríwore naηge ye-ye unindo[‡] mande ka komo yaró riní hamó tunoqaró. ηande yaró,

“Tapara mande naηge ye yimirowano,
mande ka komo suki-suki o quroko yora ηuro
yewano.”

⁺⁺⁺ **13:33:** “tapara mande” ηuko sowo mande naηge. Yesuko sowo mande ηunde qu yero oka witú yereró. **\$\$\$ 13:33:** “sambo simburímbo unipareyó wiri yereyote naruyómo” ηuno inondutu unipareko hamó Anutu kusunoyómo yowaηgo.

* **13:33:** “yis” ηuko musiyó tomó horé ηunde qembe, plaua, sono koya rohoréηoyi koηiní qayi bret tunoqete. † **13:34:** “tapara mande” ηuko sowo mande naηge. Yesuko sowo mande ηunde qu yero oka witú yereró. ‡ **13:35:** “ye-ye uni” ηuko Anutuko mandí yunoní unipare yunaηgurí.

Komó piyimi ŋuro tapara mande ŋuro murí

³⁶ Asa Yesuko unipare yorotoro ya quuroko oró. Ko iño-iño rewero uniyó eneno mahero ŋande yaŋgurí, “Komó piyimi mu khono wotaró ŋuro tapara mande ŋuro murí ŋu ye nimito,” yaŋgurí.

³⁷ Yi mande topé ŋande yimiraró, “Uni ŋu taŋgurí meté qu kuriyaró, ŋuko Unindoro Naŋuní. § ³⁸ Ko kho ŋuko noko parámi ŋa. Ko taŋgurí meté ŋu, ŋuko sambo simburímbo unipareyó wiri yereyote naruyómboro** unipare meté qu. Ko komó piyimi ŋuko Monimbu koro unipareyó. ³⁹ Uni saŋgirí ŋundo o yuwoyó piyimi ŋu kuriyaró, ŋuko Monimbu. O rewero naruyó ŋuko naru weŋa qu. Kho uni o rewaŋgo ŋuko sambo simó†† naŋge.

⁴⁰ “Ŋunde ŋuroko komó piyimi ŋu koporo kewá qayote quuno ŋuno qaŋgurí, ŋundiŋo naŋge naru weŋa quuno ŋunde naŋge tewaŋgo. ⁴¹ Unindoro Naŋunímbo sambo simóŋo asá yiriní enendo unindo unipare yowosoyi quhurí teyotenŋo ŋuya uni hutuŋo mande wendaqeyotenŋo ŋu soso wiri yereyote naruyó moŋgo se rotowaŋgo. ⁴² Enendo yore raŋi kewá piyimi‡‡ qayote quuno ŋuno uwaŋgo. Kewáko ŋunoko tendo piyimi tero

§ 13:37: “Unindoro Naŋuní” ŋuko Yesu naŋge. ** 13:38:

“sambo simburímbo unipareyó wiri yereyote naruyómo” ŋuno iŋondutu unipareko hamó Anutu kusunoyómo yowaŋgo.

†† 13:39: “sambo simó” ŋuko komo suki-suki Anutuko unipare kama yoriní tunoqi sambo simó yondowaró. Ko itaka eneŋo sunará teyotenŋo. ‡‡ 13:42: “kewá piyimi” ŋuko naru weŋako ŋuno quhurí unipareto topé piyimi rero kewáko ŋuno naru suki-suki yoqaweya.

metoye kindotowaᅅgo. §§ 43 Nju naruko ᅅuno unipare roneneᅅowi*** awayemboro wiri yereyote naruyómo kosa hiyóqeyote ᅅundiᅅo naᅅge hiyóqewaᅅgo. Uni ka kusumboye moré tiniqo, mande ᅅa iᅅoyi.

O meté parámi ka noko quroko yaró ᅅuro tapara mande

44 “Sambo simburímbo unipareyó wiri yereyote naruyó††† ᅅuko ᅅandiᅅo. Uni kato o meté parámi ka noko kano noko quroko qenero rero kaᅅuya tapuᅅaró. Tapuᅅoro hamó niᅅgu-niᅅgu tero uyaro onoᅅoyó soso soweyoro uya noko ᅅu kimaró.

Wondo sara meté horé karo tapara mande

45 “Asa sambo simburímbo unipareyó wiri yereyote naruyó‡‡‡ ᅅuko ᅅandiᅅo. Situwi uni kato wondo sara kimoyó parámi ka§§§ kimowero quro seᅅayote ᅅundiᅅo. 46 Seᅅayate wondo sara meté horé ᅅunde qu qeneró, ko uyaro onoᅅoyó soso soweyoro uya wondo sara ᅅu kimaró.

Tirí-tirí karo tapara mande

§§ 13:42: Uni ᅅundo metoye kindotowaᅅgo, dokoro surumí parámi tewaᅅgo. *** 13:43: “unipare roneneᅅowi” ᅅuko Anutuko yiyoro potó moré kini tini eneᅅo unipareyó tunoqetenᅅo. ††† 13:44: “sambo simburímbo unipareyó wiri yereyote naruyómo” ᅅuno iᅅondutu unipareko hamó Anutu kusuᅅoyómo yowaᅅgo. ‡‡‡ 13:45: “sambo simburímbo unipareyó wiri yereyote naruyómo” ᅅuno iᅅondutu unipareko hamó Anutu kusuᅅoyómo yowaᅅgo. §§§ 13:45: “wondo sara” ᅅuko wondo horé kini. Kini, windi quroko sono qare kato ri tunoqeyote. Nju kekere horé, ko kimoyó parámi. Pareto wondo ᅅu rero núsawa tero guᅅgute puᅅeyemo wuriri kusiyotenᅅgo.

47 “Asa sambo simburímbo unipareyó wiri yereyote naruyó* nuko nandiro. Unindo tirí-tirí† ka re uro windiko ranj uní sono gare murí-murí soso siyoyotenngo nundiro. 48 Tirí-tirí nju mangoriní wosi tapémo mahiní kunditero sono gare meté-meté mu se kondó parámimo kopotenngo. Ko sono gare piyimi mu se ranj ute. 49 Asa naru wenja quno nuno nunde nanje tunoqeweya. Imemonngo sambo simómbo‡ um-buro uni piyimi, uni roneneḡowí§ keweroyemo yotenngo nju yorewanngo. 50 Yorero ranj kewá piyimimo** uwanngo. Uro kewáko nuno tendo parámi tero metoye kindotowanngo.” ††

51 Nunde yero Yesuko injo-injo rewero uniyó nju nande osese yereró, “Yembe mande njaró murí sosope injotenngope ma kini?”

Yini mande topé yanḡurí, “Iyo.”

52 Yi nande yimiraró, “Nunde njuro uni ka hutunjo mande njuro injo-injoyó moré nundo sambo simburímbo unipareyó wiri yereyote naruyó‡‡

* 13:47: “sambo simburímbo unipareyó wiri yereyote naruyómo” nuno inḡondutu unipareko hamó Anutu kusunjoyómo yowanngo. † 13:47: “tirí-tirí” nuko sono gare siyowero qu ka. Nuko parámi, ko wanngo irisa keweroko kusiyanjurí. Nundiro tirí-tirí nju wosi sono gare parámi siyaró. ‡ 13:49: “sambo simó” nuko Anutuko yondowoní eneḡo sunará teyotenngo. § 13:49: “uni roneneḡowí” nuko Anutuko qenero potó moré kini tiní eneḡo uniyó tunoqete. ** 13:50: “kewá piyimi” nuko naru wenjako nuno quhurí unipareto topé piyimi rero kewáko nuno naru suk-i-suki yoqaweya. †† 13:50: Uni nundo metoye kindotowanngo, dokoro surumí parámi tewanngo. ‡‡ 13:52: “sambo simburímbo unipareyó wiri yereyote naruyómo” nuno inḡondutu unipareko hamó Anutu kusunjoyómo yowanngo.

ηuro iηo-iηo reyote, ηu uni ηuko ηandiro. Enendo situwi yayó mongo rero, asa o keta quya o komo quya siyoro yendémo umbuyote.”

*Nasaret unipareto Yesu huwónangurí
(Mak 6:1-6; Luk 4:16-30)*

⁵³ Yesuko tapara mande§§ ηu soso yesowoní kini temukoní yendé ηu roto tonjeró. ⁵⁴ Tonjero eneηo yendémo uyaro huru-huru yayemo*** ηuno oro mande rondaqe yunaró. Yunoní iηoro kondé yukuworo ηande yangurí, “Uni ηuko iηo-iηo ηu da nongo raró? Ene date teroqo, o wimbí moré††† ηu teyote? ⁵⁵ Nore iηoteto, uni ηuko o towo-towo uni‡‡‡ ηuro nanuní ka, Maria ηuko eneηo nimí. Ko Jems, Josep, Saimon ko Jutas ηuko eneηo kone-topé. ⁵⁶ Simó kuwí ηuko, soso noreya yotenqo. Ene date o ηunde qu teyote?” ⁵⁷ Nunde yero eneηo piyimiηoyangurí.

Quko Yesuko ηande yimiraró, “Yendé soso quno ηuno unipareto ye-ye uni ará te inoyotenqo. Quko eneηo mirayómo, yayó horémoko ará kama te inoyotenqo.” ⁵⁸ Nunde yero o wimbí moré qambu ηu yendémo ηuno kama taró, dokoro, ene kama iηondutuwoyangurí.

§§ 13:53: “tapara mande” ηuko sowo mande nange. Yesuko sowo mande ηunde qu yero oka witú yereró. *** 13:54: “huru-huru ya” ηuko Juda uniparetoro ya parámi mu. Sapat naruko ηuno hu-hariri tero Anutu koro mandí weyoyi iηoro hariri teyangurí. ††† 13:54: “o wimbí moré” ηuko o enesó-enesó tunoqini Anutu koro wimbí ηunde tunomo yoweya. ‡‡‡ 13:55: “o towo-towo uni” ηunde quko o kate-kate kewámbo ma wondopo towoyara.

14

Herotko Jon uroní khumaró

(Mak 6:14-29; Luk 3:19-20; 9:7-9)

¹ Nju naruko njuno Herot, uni kembé njundo* Yesuko o teyaró njuro piña mande injaró. ² Injoro sunará simóño nhande yimiraró, “Jon, sono re-re uni njundo uni tapu konngo pitu ko otoqaró. Nju murí njuro wimbu ka enewore kho teyote.”

³ Njunde yaró, dokoro komo Herot koya Herotias koya epe re-re tariyó. Quko Herotias njuko Herot koro payó Filip njuro parí. ⁴ Njunde njuroko Jonko Herot nhande mito yaró, “Keto pare njurará njundo hutunjo mande wendaqeyote.” † Njunde yeyoní Herotko Jon toworo kusiyoro rero kusikusi yano rotaró. ⁵ Rotoro, uroweka khumoní, ye injaró, quko unipare qambu quro soraró, dokoro, ene nhande injangurí, Jon njuko ye-ye uni ka, yero injangurí.‡

⁶ Naru kano Herotko naru nimímbo pisiyaró njuro rokóñoní uni kumi kato mahero o qoyembo kopo nanjurí. Kopo niqo, Herotias nambuní keweroyemo njuno qunoraró. Tiní Herotko qengeroningu-ningu taró. ⁷ Njunde njuroko mande kusiyoro nhande miraró, “Hamó horé yeteno, o karo no kira nereweya njuko, nondo ke

* **14:1:** “Herot,” owí kako “Antipas,” njundo Galili mira sopo yereró, quko enendo Rom koro wiri yerete uni parámi kasirayómo yora. Wiri yerete uni parámi njundo owé parámi ka Herot inaró. Komo Herot koro iwímbo Juda unipare soso wiri yiriníqo, Mariako Yesu pisiyaró. † **14:4:** O Qa-qa Uni 18:16; 20:21 weyo qembe. ‡ **14:5:** Unipare soso njundo Jon hamó injo inoyangurí, dokoro nhande ye injangurí, eneko Anutu koro ye-ye uni hamó njuro.

kunowano.” ⁸ Asa pare njundo nimímboro ino-inoyó howero Herot njande miraró, “Sono re-re uni, Jon, njuro kembé njuko rero kondómoro mahero no nuno qembe.” ⁹ Njunde yini Herotko newondí surumí parámi taró. Quko uni o kopo nanjurí njuro tonjeyemo mande kondé kusi-yaró. Njunde njuroko enendo pare njuro mandí howaró. ¹⁰ Howero uni ka asáñoni kusi-kusi yano uyaro Jon puñi tonjaró. ¹¹ Tonjoro kembé rero kondómoro mahero pare keta nj inaró. Ko pare njundo rero nimímo uyaró. ¹² Asa Jon koro ino-ino rewero uniyómbo mahero ukúnjo nj rero tapunanjurí. Tapunoyi kini tini tonjero Yesu miranjurí.

*Yesuko uni 5,000 o qoyembo yunaró
(Mak 6:31-44; Luk 9:10-17; Jon 6:1-13)*

¹³ Yesuko piña mande nj inoro yendé nj rotoro wanjo ka rero mira kano uni njuno kama yanjurí quno njuno tonjeró. Ino-ino rewero uniyómboya nanje uyarenjurí. Uyari unipare qambu qundo, Yesu tonjete, ye inoro yendé kumi rotoro khendo uyare howanjurí. ¹⁴ Asa wanjo roto arero unipare qambu njuno yiyaró. Yiyoro sikíye te yunoro unipare se khumoye moré mu ronjaru yirini meté tanjurí.

¹⁵ Yate suwo tiniqo, ino-ino rewero unindo Yesuko mahero njande yanjurí, “Nore mira uni kinimo yorato suwo tete. Njunde njuro unipare yoroti tonji. Meté yendéwore njuno tonjero o kimo ti.”

¹⁶ Yi njande yimiraró, “Do karo tonjewanjo? Yendo o qoyembo yunoyi.”

17 Yiní mande topé ñande yañgurí, “Nore ñuya o parámi ñano kama yote. Bret kandeka ko sono gare irisa ñunde nanje yotiri ña.”

18 Yi ñande yaró, “Bret ñuya sono gare ñuya se nono mahi,” yaró. 19 Ñunde yero unipare yimironí komó sañano o newero quro kunditeyañgurí. Kunditi bret, sono gare ñu siyoro samboko toñetero Anutu yuñgunañoro bret ñu romboñero iño-iño rewero uniyó se yunoní unipare se yunañgurí. 20 Se yunoyi o ni qahuye tinditaró. Ko o sombé kumi yora. O sombé kumi ñu siyoro toñgo kome puñge 12 ñunde puñgeyañgurí. 21 Uni o nañgurí ñuko uni 5,000 ñundiro. Ko pare-simó kumi ñuya nañgurí. §

*Yesuko sono sañano khete uyaró
(Mak 6:45-52; Jon 6:16-21)*

22 Asa Yesuko iño-iño rewero uniyó** ñande yimironí wañgowore sono towo andusina Betisaita yendémo uyari unipare qambu ñu “Ye toñi,” ye yimiraró. 23 Ñunde yiní uyari unipare yimironí toñiqo, ene hariri tewero purímo oró. Oní kosa pusujiní enemata purímo yora.

24 Asa iño-iño rewero unindo wañgo wosoro kapiyamo toñeñgurí.†† Toñiqo, matú parámi mahero sono towo huwoní tambi-tambi toqero

§ 14:21: Asa urumuni ñuro qambuye muko 5,000, ñundiro nanje uni, pare, simóye soso ñuro qambuye muko parámi horé, 20,000 peka. ** 14:22: “iño-iño rewero uni” ñundo Yesu koya uyaro iño-iño rondaqe yunoyaró. †† 14:24: Galili Sono Towo ñuko parámi ta. Tapésinañgo anduwore qenewero mepémo kini, kapiyamo. Piruyó muko kilomita 20, ko papareyó muko kilomita 9.

mahero waŋgo uroní uyarewero rukusuwaŋgurí.
²⁵ Saraŋowero teyoní Yesu sono towo saŋawore khete-khete maheró. ²⁶ Mahiní iŋo-iŋo rewero uni ŋundo qenero sasaro parámi horé tero kiwero ŋande yaŋgurí, “Nuko kapo ka.” Tonjiqo, matú parámi mahero sono towo huwoní tambitambi toqero mahero waŋgo uroní uyarewero rukusuwaŋgurí.

²⁷ Quko Yesuko waka ta ŋande yimiraró, “Newondeye kondé yoní. Nako no. Sasaro ma tewero.”

²⁸ Nunde yiní Pitako mande topé ŋande yaró, “Kepe Uni Parámi, ke nimitoka no sono saŋawore keno uyarewe.”

²⁹ Yiní yaró, “Ke mahe.”

Yiní Pita waŋgo rоторo sono saŋawore khetero Yesuko uyaró. ³⁰ Uyaro matú wimbí qenero sasaro tero sono quroko soŋga ta uró. Nunde tero ŋande nekaró, “Uni Parámi, samaka nere.”

³¹ Waka ta Yesuko kandí raŋoro Pita toworo ŋande yaró, “Ke iŋondutuke^{‡‡} tukuni, ke dokoro newonde irisa towote?”

³² Asa waŋgo saŋano oriyó. Ori matú kini taró.

³³ Quko uni waŋgo saŋano ŋundo Yesu potoruku te inoro ŋande yaŋgurí, “Hamó horé, keko Anutu koro Naŋuní.”

*Yesuko Genesaret ŋuno se khumo uni qambu yoriní meté taŋgurí
 (Mak 6:53-56)*

^{‡‡} **14:31:** “iŋondutu” ŋuko ŋandiro, asa unipareto ŋande kondé ye iŋoyotenjo, ko Anutuko meté sopo yereweya.

³⁴ Asa Galili Sono Towo karóhoro tapémo, mira Genesaret ñuno, wanjo kusiyanğurí. ³⁵ Uni ñusina ñundo Yesu gene inğanğurí, ñunde tero mande ri yendé soso kutaqe quwore toñeró. Ñunde ti se khumo uni soso yorero eneno mahenğurí. ³⁶ Yoroti mahiní ñande kirayanğurí, “Meté tuwike toworo meté tewano,” yanğurí. Ko towanğurí muko meté tanğurí.

15

Anutu koro hutunjo mande ñundo usisambatoro hutunjo mandeye takate
(Mak 7:1-13)

¹ Ñu naruko ñuno nanje Farisi uni* kumimboya hutunjo mande ñuro injo-injo uni kumimboya† Yerusalem rotoro Yesuko mahenğurí. Mahero ñande oseseyanğurí, ² “Date koro keño injo-injo rewero unikepo‡ usi-sinanimbo muriye§ yunanğurí ñu wendaqeyotenjo? Qeno, o neweroqo, kandeye kama sonowoyotenjo.”

³ Yesuko mandeye topé ñande yaró, “Date koro yenjo muriye ñu howeyotenjo, ko Anutu koro mande kondé ñu wendaqeyotenjo? ⁴ Dokoro

* **15:1:** “Farisi uni” ñundo, nore Anutu koro hutunjo mande ñuro okeyá ta howeyoteto, ye inğanğurí. † **15:1:** “hutunjo mande ñuro injo-injo uni” ñundo Anutu koro mande ñu unipare rondaqe yunoyanğurí. ‡ **15:2:** “injo-injo rewero uni” ñundo Yesu koya uyaro injo-injo rondaqe yunoyaró. § **15:2:** Komo suki Anutuko hutunjo mande ñu Moses inoní Israel unipare yunaró. Yate-yate enenjo usi-siye hutunjo mande horé ñu qene inoro hutunjo mande kanjaya sowe tanğurí. Asa Yesu koro naruyómo ñuno Juda unindo ñande ye inğanğurí, ko hutunjo mande soso ñunde qu wimbí moré.

Anutuko ñande yete, ‘Awa-náñgeporo ará te yuno qembe,’ ** ko ‘Uni kato iwí-nimí yesará yereweya ñu urika khumoní.’ †† ⁵ Quko yendo ñande yey-oteño, ko uni kato ñande yeweya, ‘Awa-náme, no samaka yerewano, quko komo o yunowano ñuko Anutu inowano qu ñaṅge, yeño qu kini,’ yeweya tiníqo, enina, enendo meté ará kama te yunoweya. ⁶ Asa uni ñundo ñundiyo ñaṅge iwímboro ará kama te inoweya. Ñu muríwore ñaṅge yendo Anutu koro mandí ri umbuní usi-siyembo murí ñu howeyoteño. ⁷ Yeko uni maṅgoye irisa ñu. Aisaiako ye ñuro hamó ye-ye mande ka ñande yaró,

⁸ “ ‘Wini ñako maṅgoyembo neneño ará te nunoyoteño,
quko newondeye muko nono kini, kapiyamo horé yote.

⁹ Enendo unindoro hutuño mandeye ñaṅge ron-
daqe yunoro
potoruku kota qu re nunoyoteño.’ ”

*Do kato uni riní Anutu toṅímo pusú teyote?
(Mak 7:14-23)*

¹⁰ Asa Yesuko unipare gambu ñu neko yerero ñande yimiraró, “Injika tondañiní. ¹¹ Oka uni ka maṅgówore quroyómo uyote, ñundo uni ñu riní Anutu toṅímo pusú kama teyote. Kini, oka maṅgó

** 15:4: Toṅṅurí 20:12; Hutuño Mande 5:16 †† 15:4: Toṅṅurí 21:17; O Qa-qa Uni 20:9

monjo areyote, njundo uni nu riní Anutu tonjimo pusú teyote.” ‡‡

¹² Yiníqo, iño-iño rewero unindo§§ mahero njande miranjurí, “Farisi unindo*** kenjo mandeke injoro newonde piyimi tetenjo. Njuro injotepe?”

¹³ Yi njande yaró, “Awane samboko yote njundo o soso enenjombo khono kama rimiró nu soso kumoro rotoweya. ¹⁴ Ye uni njunde qu yorotoyi qembe. Enendo khe witú yereyotenjo, quko eneko tonjeye kiré mu nanje. Ko tonj kiré kato tonj kiré meyowo ka khe witúnjoweya, njuko irisa-irisa rokaranjoro meréko uwari.”

¹⁵ Ko Pitako Yesu njande miraró, “Keto tapara mande yete njuro murí nimitoka injowato.”

¹⁶ Yiní njande yaró, “Do ka? Ye njuya kama injoyi tondanjeyote, peka? ¹⁷ O soso manjonani qurowore uyote, njuko qahímo nanje uro, yate qosimbino uyote. Njuro injotenjope ma kini? ¹⁸ Quko o piyimi manjonani monjo areyote, njuko newondenani monjo areyote. Ko o njunde qundo uni riní Anutu tonjimo pusú teyote. ¹⁹ Dokoro newondenani monjo o piyimi ka areyote njuko

‡‡ **15:11:** Anutu koro sokomeko njande yaró, ko o kate-kate Anutu tonjimo pusú yora, ko uni ka murí kate-kate taró qundo pusú tunoqaró. Asa ko Juda unindo njande yanjurí, ko uni ka murí pusú njunde qu tarómbe ma o pusú ka towaró qundo Anutuko kutage njuno uyarewero mepémo kini. Koretero enendo o qa-qa tero sara tunoqeroqota kutage njuno meté uyareweya. §§ **15:12:** “iño-iño rewero uni” njundo Yesu koya uyaro iño-iño rondage yunoyaró. *** **15:12:** “Farisi uni” njundo, nore Anutu koro hutunjo mande njuro okeyá ta howeyoteto, ye injanjurí.

ɲandiro: ino-ino piyimi, uni yurowero murí, se simbururu tewero murí, momo tewero murí, mande khono kota mande yewero murí, ko yesará yerewero murí. ²⁰ O soso ɲundo uni riní Anutu tonjimo pusú teyote. Quko uni kato kandí kama sonoworo o neweya, ɲundo uni ɲu riní pusú kama teyote.”

Kenan pare kato inɲondutu meté taró
(Mak 7:24-30)

²¹ Asa Yesu roto tonjero yendé irisa Tair koya Saiton††† sumeyoro ɲuno uyaró. ²² Uyareyate Kenan pare kato‡‡‡ yendé ka roto mahero ɲande nekaró, “Uni Parámi, Dewit koro Naɲuní,§§§ sikíne te nuno. Yuqa piyimi* kato nambone roworemoyote.” ²³ ɲunde yaró, quko Yesuko mande topé kama yaró.

Ko ino-ino rewero uniyó tanjimo mahero ɲande miranɲurí, “Enendo mande parámi yero nore nohoweyote. Mitoka roto tonjiní.”

²⁴ Yiɲo, Yesuko ɲande yaró, “Israel koro wini ɲuko sipsip ka khe rotanɲurí qu qembe. Eneɲo nanɲe samaka yerewero kho teteno.”

²⁵ Pare ɲundo mahero potoruku tero ɲande yaró, “Uni Parámi, samaka nere.”

††† 15:21: “Tair koya Saiton” ɲuko kape unindoro yendéye, Juda koro miraye sumeyoro windi tapémo ɲuno yorariyó. ‡‡‡ 15:22: “Kenan pare” ɲuko kape pare ka. Asa komo suki Israel koro wini ɲu kama maheyoní Kenan koro wini ɲu mirako ɲuno kunditanɲurí. §§§ 15:22: Owé ɲu, “Dewit koro Naɲuní,” ɲuko Mesaiya ɲumbe ma Kristo ɲuro owí kako (ino-ino mande Matyu 9:27 tapémo ɲuno qeno). * 15:22: “yuqa piyimi” ɲuko sambo simó ɲunde qembe, quko Anutu koro sanɲiri tero unipare rowore yereyotenɲo.

26 Yiní mande topé n̄ande yaró, “Simó koro o newero qu re isa yunowero n̄uko meté kini.”

27 Yiní yaró, “Iyo, quko isa n̄uyako simburí o rombonero rotoní umbuní neweya.”

28 Yesuko n̄ande yaró, “Pare, keto in̄ondutu† parámi tete. Keto n̄uro kira nerete n̄uko tuno-qeweya.”

Asa ko n̄u naruko n̄uno nan̄ge nambuní meté taró.

Yesuko se khumo unipare qambu yoriní meté tan̄gurí

29 Asa Yesuko yendé n̄u rotoro, yate-yate Galili Sono Towo sumeyoro uyaró. Uyareyate mira purímo oro kunditaró. 30 Ko unipare qambu parámi eneno mahero kheye piyimi mu ko ton̄eye pokamowí mu ko wimbuye wakawí mu ko man̄goye kusiyowí mu ko se khumo uni kumi parámi n̄uya yore mahen̄gurí. Yore mahero Yesu khí sumeyo yoroti yoriní meté tan̄gurí.

31 Man̄goye kusiyowí mu mande yan̄gurí, ko wimbuye iri-erá mu meté tero khete-khete ton̄en̄gurí, ko ton̄eye kiré qu meté ton̄etan̄gurí. N̄unde tero unipare qambu qundo in̄ondata parámi tero Israel koro Anutu qu seré te inan̄gurí.

*Yesuko uni 4,000 o qoyembo yunaró
(Mak 8:1-10)*

32 Yate-yate Yesuko in̄o-in̄o rewero uniyó neko yiriní eneno mahi n̄ande yimiraró, “No unipare qambu n̄aro sikiye teteno. Enendo kosa naru

† 15:28: “in̄ondutu” n̄uko n̄andiro, asa unipareto n̄ande kondé ye in̄oyoten̄go, ko Anutuko meté sopo yereweya.

kapusa noya n̄ano yotoro o qoyemboro khumoy-oten̄go. Asa ko kina yorotowe ton̄ero kheko wimbuye kini tiní umbu ran̄owan̄go n̄u meté kini.”

³³ In̄o-in̄o rewero uniyómbó n̄ande miran̄gurí, “Mira n̄asina n̄ako uni kini. Nore bret da non̄go siyoro unipare qambu n̄a wutu yerewato?”

³⁴ Ko Yesuko osese yereró, “Yendo bret date towoyoten̄go?”

Yini n̄ande yan̄gurí, “Bret kande san̄iyoro irisa ko sono qare tomó ta-ta kumi nan̄ge.”

³⁵ Asa Yesuko unipare yimironí nokono kunditan̄gurí. ³⁶ Kunditi bret kande san̄iyoro irisa n̄u siyoro ko sono qare tomó ta-ta n̄u siyaró. Siyoro Anutu yun̄gunan̄oro rombon̄ero in̄o-in̄o rewero uniyó se yunoní unipare se yan̄gurí. ³⁷ Unipare soso ni qahuye tinditaró. O sombé-sombé yoní huruworó ton̄go kome pun̄ge parámi kande san̄iyoro irisa n̄unde pun̄geyan̄gurí. ³⁸ Uni o nan̄gurí n̄uko uni 4,000 n̄undiro. Ko pare-simó kumi n̄uya nan̄gurí.† ³⁹ Yesuko unipare yorini ton̄i wan̄go tomó ta quno n̄uno oro Makadansina uyaró.

16

*Rokó ka qenewero Yesu oseseyan̄gurí
(Mak 8:11-13; Luk 12:54-56)*

† 15:38: Asa urumuni n̄uro qambuye muko 4,000, n̄undiro nan̄ge uni, pare, simóye soso n̄uro qambuye muko parámi horé, 16,000 peka.

1 Asa Farisi unindoya Sadyusi unindoya* towonjowero Yesuko mahero nhande miranjurí, “Sambo koro rokó† ka teka nore qene injato, keko Anutu koro kho qu teyote.”

2 Quko mandeye topé nhande yaró, “Suwoya teyoní sambo mando tiní ye nhande yeyotenjo, ‘Kuyepo mira meté tewero teweya,’ yeyotenjo.

3 Ko ita sarañoní koporé iriyó mahiní sambo iriqiní nhande yeyotenjo, ‘Itakako mira piyimi, matú piyimi tewero tete,’ yeyotenjo. Yendo sambo koro rokó nu qenero do ka mirako tuno-qeweya nu injoyi tondañeyote. Asa do karo naru njaro rokó nu qeni rondañewero mepémo kini?

4 Itaka unipare nãno quko unipare piyimi ko newondeye hamó rero Anutu kama inoyotenjo. Njundo rokó njuro kira nereyotenjo, quko rokó njunde qu kama witú yerewano. Kini, Jona koro rokó nu‡ nanje qenewango.” Njunde yero yoro-toro tonjeró.

*Farisi, Sadyusi koro yis njuro yaró
(Mak 8:14-21)*

* **16:1:** “Farisi uni, Sadyusi uni” njuko unindoro huru-huruye Is-rael mirako njuno yanjurí. Nju Farisi uni njundo Anutu koro hutunjo mande njuro okeyá ta howero uniparetoro tonjeyemo owéye parámi tanjurí. Sadyusi uni njuko wondo uni kumi owéye parámi tero unipare soso sopo yereyanjurí. † **16:1:** “sambo koro rokó” njuro murí muko nãndiro: naru rokóño Juda unindo Anutu koro owí hamó nu kama ye nekanjurí. Kini, mande meyowo rohoréño yeyanjurí. Njundiro, “sambo,” ye nekanjurí. “Rokó” njuko o wimbí moré ka peka. ‡ **16:4:** “Jona” njuko ye-ye uni ka. Naru kano sono qare parámi horé kato Jona riní quroko uro kosa suwo kapusa njuno yaró (Jona 1:17; 2:10 weyo qembe). Asa Yesuko o tunoqaró njuro yaró, “Jona koro rokó nu,” yaró.

⁵ Uyaro Yesu koya iño-iño rewero uniyómboya§ sono towo andusina uyarenḡurí. Quko uniyómbo bret koro kape tero kama siyanḡurí. ⁶ Asa Yesuko ḡande yimiraró, “Ye Farisi, Sadyusi** ḡuro yisiyembo kaware ti.”

⁷ Ḥunde yiniḡo, ḡande keweroyemo epe mitomito taḡurí, “Ḥunde yete, dokoro norendo bret koro kape tero kama siyato.” ††

⁸ Yesuko newondeye qene iḡoro ḡande yimiraró, “Ye iḡondutuye‡‡ tukuni! Do karo bret koro kape taḡo ḡuro epe mitomito teyoteḡo? ⁹ Yembe watí kama iḡoyi tondaḡeyote? Komo, uni 5,000 bret kandeka naḡe niḡo, yendo sombé rotaḡurí qambu ḡu toḡo kome puḡe datiro puḡeyaḡurí? Ḥuro kape teyoteḡo, peka? ¹⁰ Ko imemoḡo uni 4,000 bret kande saḡiyoro irisa naḡe niḡo, yendo sombé rotaḡurí qambu ḡu toḡo komeko puḡeyaḡurí. Ḥu ḡuya kape teyoteḡo, peka? ¹¹ Nondo bret ḡuro kama yeteno. Do karo yendo kama iḡoyi tondaḡete? Ḥande yeteno, Farisi, Sadyusi ḡuro yisiyembo kaware ti.” ¹² Ḥunde yiniḡo, ḡande iḡaḡurí,

§ 16:5: “iño-iño rewero uni” ḡundo Yesu koya uyaro iño-iño rondaḡe yunoyaró. ** 16:6: “Farisi, Sadyusi” ḡuko unindoro huru-huruye Israel mirako ḡuno yaḡurí. Ḥu Farisi uni ḡundo Anutu koro hutuḡo mande ḡuro okeyá ta howero unipareto roḡeyemo owéye parámi taḡurí. Sadyusi uni ḡuko wondo uni kumi owéye parámi tero unipare soso sopo yereyaḡurí. †† 16:7: Yesuko “yis” ḡuro yaró, ko pareto yis koya plaua, sono rohoréḡoyi yis ḡuko plaua riní koḡini qayiḡo, bret tunoḡaró. Ḥundi naḡe iño-iño rewero uniyómbo “yis” iḡoro, “bret” ḡuro yete, ye iḡaḡurí. ‡‡ 16:8: “iḡondutu” ḡuko ḡandiḡo, asa unipareto ḡande kondé ye iḡoyoteḡo, ko Anutuko meté sopo yereweya.

enendo bret koro yis ηuro kama yaró, kini, Farisi, Sadyusi koro ino-ino rondaqe yunoyanğurí ηuro yaró.

Pitako Yesu ηu dani ye yesowaró
(Mak 8:27-30; Luk 9:18-21)

¹³ Asa Yesuko Sisaria Filipai yendé sumeyoro ηuno uyaró. Uyaro ino-ino rewero uniyó ηande osese yereró, “Unipareto Unindoro Nanuní ηu dani ka yero yeyotenğo?”

¹⁴ Yiní ηande yanğurí, “Kumimboko ηande yeyotenğo, ηuko sono re-re uni, Jon ηu. Kumimboko, Elaija,§§ yeyotenğo. Ko kumimboko, Jeremaiape ma Anutu koro ye-ye uni meyowo ka, yeyotenğo.”

¹⁵ Yiğo, ηande osese yereró, “Yeηomboko nen-emboro dani yeyotenğo?”

¹⁶ Saimon-Pitako mande topé ηande yaró, “Keko Kristo*** ηu, Anutu Yoto-yotoyó Moré ηuro Nanuní.”

¹⁷ Nunde yini Yesuko mande topé ηande yaró, “Saimon Bar-Jona, ke puriño ka rete. Uni ka nokono ηano qundo ino-ino ηu kama kuna. Kini. Awane samboko yote ηundo ino-ino ηu ke kuna. ¹⁸ Asa ko nondo ke ηande kimiroteno. Owéñge Pita, ko nondo uniparene huru yereyoteno††† ηu wondo ηunde qembe

§§ 16:14: “Elaija” ηuko komo suki Anutu koro ye-ye uni yora.

*** 16:16: “Kristo” - komo suki ye-ye unindo Anutuko uni ka rokóñoní mahero wiri yerete uni parámi horé tunoqeweya qu karo yanğurí. Juda unipareto uni maheweya ηu, “Kristo,” ma, “Me-saiya,” ye nekanğurí. Mande irisa ηuro murí muko “uni rokóñowí” nanqe. ††† 16:18: “uniparene huru yereyoteno” ηuko unipare soso Yesu inğonduworo nokone-nokone ηuno huruwoyotenğo qu.

saŋano rewe kondé kaŋewaŋgo.‡‡‡ Uni khumowí ŋuro yendéye ŋundo§§§ uniparene ŋu kama yoriní umbuwaŋgo. ¹⁹ Nondoko sambo simburímbo unipareyó wiri yereyote naruyómo* ŋuno owé parámi ke kunowano. Keto o kumi nokono ŋano kusiyoweya tiníqo, Anutuko samboko o ŋu kusiyoweya, ko o kumi ŋano rotoweya tiníqo, Anutuko samboko o ŋu rotoweya.” ²⁰ Njunde yero Yesuko injo-injo rewero uniyó kondé soré yerero ŋande yaró, “Noko Kristo ye ma yewero,” yaró.

*Yesuko khumoro otoqoweya ŋuro yaró
(Mak 8:31–9:1; Luk 9:22-27)*

*Uni khumowí ŋuro yendéye ŋundo † uniparene
ŋu kama yoriní umbuwaŋgo.*

²¹ Asa ŋu naruko ŋu nonŋo Yesuko kimani tero injo-injo rewero uniyó ŋande yimiraró, ko enendo Yerusalem oní Juda koro uni kembé-kembéyemboya o qa-qa unindoro tapá unin-doya hutuŋo mande ŋuro injo-injo unindoya soso

‡‡‡ **16:18:** Komo suki Matyu sokome ŋa Grik mandewore nakayáŋaró. Imemoŋgo nore mande rohoréjoro owé irisa ŋu, “Pita,” “wondo” nakayáŋatowó. Quko Grik mandeko “Pita” koro niriyó “wondo” koro niriyó ŋunde qembe. §§§ **16:18:** “uni khumowí ŋuro yendéye” ŋuko Juda unipareto ŋande ye inŋaŋurí, ko uni soso khumoro yendé amuno ŋuno uyaŋgurí.

* **16:19:** “sambo simburímbo unipareyó wiri yereyote naruyómo” ŋuno inondutu unipareko hamó Anutu kusunoyómo yowaŋgo. † **16:20:** “uni khumowí ŋuro yendéye” ŋuko Juda unipareto ŋande ye inŋaŋurí, ko uni soso khumoro yendé amuno ŋuno uyaŋgurí.

ηundo‡ kowe surumí parámi inoro uri khumoweya. Ko naru kapusayómo ηuno pitu ko otoqoweya.

²² Nunde yini Pitako Yesu rero tapémo uyaro kimani tero ηande qene yaró, “Uni Parámi, kini horé. O ηuko keno kama tunoqoweya.”

²³ Yesuko rohoréjoro Pita ηande miraró, “Monimbu, ke tupunesina uyare,” yaró. “Keto khene kusiyowero yete. Keto Anutu iño-iñojó kama howete. Kini. Unindoro iño-iñoje nanje howete.”

²⁴ Ko Yesuko iño-iño rewero uniyó ηande yimiraró, “Uni kato no nohoweweroqo, ene eneño re umburoqota, tipiririyó§ koroworo no nohowini. ²⁵ Dokoro, dani kato eneño yoto-yotojó kondé towowero ye iñote qu, yoto-yotojó ηu piyo teweya. Quko dani kato no iño nunoro yoto-yotojó rotoweya tiníqo, ene yoto-yotojó ηu reweya. ²⁶ Qeni, ko uni ka noko koro o soso ηu reweya, quko ene piyo tero kini teweya, asa o soso ηundo date samakanoweya? Ko yoto-yotojó date kimoweya? ²⁷ Unindoro Nanuni** ηuko iwímboro sine parámimo ηuno yoweya, ene sambo simómboya†† mahewango.

‡ **16:21:** Uni soso ηundo Juda koro huru-huru parámi ka, owi Sanedrin, tanjurí. Enendo Juda unipare ronda yereyangurí.

§ **16:24:** “tipiriri” ηunde quko tatá suruño nokono ranjoro piño papare ka koreko kusiyoro uni ηuno porowoyangurí. Naru rokóñoro uni tipiririko ηuno khumoweya ηuko paparejó re koroworo khumowero quro mirayómo ηuno uyarengurí. ** **16:27:**

“Unindoro Nanuni” ηuko Yesu nanje. †† **16:27:** “sambo simó” ηuko komo suki-suki Anutuko unipare kama yorini tunoqi sambo simó yondowaró. Ko itaka eneño sunará teyotengo.

Ŋu naruko ŋunoko unipare soso o murí tey-oteŋgo ŋu kanaramimo kimoye kanata-kanata yunoweya. ²⁸ No ye hamó yimiroteno, uni kumi ŋano kaŋeteŋgo qundo kama khumoyuri Unindoro Naŋuní ŋundo wiri yerete uni ŋunde te mahiní qenewaŋgo.”

17

*Yesuko umu-kembé rohoréŋoro enesó tunoqaró
(Mak 9:2-13; Luk 9:28-36)*

¹ Asa naru kande saŋiyoro kanata ŋunde kini tiní Yesuko Pita, Jems koya koneyó Jon koya yorero mira purí ka koreko horé ŋuno enemata oŋgurí. ² Asa toŋeyemo ŋuno Yesu kiraró enesó ka taró. Ŋunde tero umu-kembé muko kosa hiyó qembe hiyóqaró. Ko kowe punu-punuyó ŋuya hiyóqaró. ³ Ko Moses koya Elaija koya* ŋuno tunoqiri yiyoyi Yesu koya mande taŋgurí.

⁴ Pitako ŋu genero Yesu ŋande miraró, “Uni Parámi, nore ŋano yoteto, ŋu meté horé. Asa ko keto ŋuro inote tiníqo, asa nondo yamaru kapusa ŋano rewano. Kako keŋo, ka Moses koro, ka Elaija koro.”

⁵ Ene yeyoní naŋge koporé ka hiyó parámi tero poka yereró. Ko maŋgo ka koporé quro koŋgo ŋande yaró, “Ŋako neneŋo naŋone, eneŋo surumí

* **17:3:** Komo suki “Mosesko” Israel unipare yorero Isip mira rotoro eneŋo mirayemo ŋuno uyareŋgurí. Ŋu naruko ŋuno Anutuko Moses hutuŋo mande inoní unipare yunaró. Imemongo ta “Elaijako” Anutu koro ye-ye uni parámi taró. Komoko uni irisa ŋundo Yesu kama tunoqeyoní khumariyó.

inoyoteno. Nuro metéjyoteno. Manjó howeyuri qembe.”

⁶ Nunde yini ino-ino rewero uni nu inoro sasaro tero umu-kembaye re nokono ranjuri. ⁷ Ri Yesuko mahero yondoworo yimiraró, “Ye otoqi. Ma sorewero.” ⁸ Yini tojetero uni meyowo nu kama yijanuri. Kini, Yesu nu nanje qenenjuri.

⁹ Asa mira puri rоторо umbuyate Yesuko kondé nande yimiraró, “Ye o tojeyembo qenetenjo naro unipare ma yimirowero. Yate-yate Unindoro Nanjuni† uni tapu konjo otoqoniqota meté yimiroyi qembe.”

¹⁰ Yiniqo, ino-ino rewero unindo nande osesyanjuri, “Nunde nuroko do muri karo hutunjo mande nuro ino-ino uni‡ njundo nande yeyotenjo, Elaija njuko korete maheweya?”

¹¹ Yi mande topé nande yaró, “Mande njuko hamó. Koretero Elaija mahero o soso piyo taró mu ronjaruwote.§ ¹² Quko nondo ye nande yimirowe, Elaija pitu ko mahini unindo nu qene kama inanjuri. Kini. Enejo ino-inoye howero muri piyimi te inanjuri. Uni njundo njundiro nanje Unindoro Nanjuni nu o piyimi te inoyowanjo.” ¹³ Yesuko njunde yiniqo, ino-ino rewero uniyombo nande inoyi tondanaró, asa sono re-re uni, Jon, nuro yaró.

† 17:9: “Unindoro Nanjuni” njuko Yesu nanje. ‡ 17:10: “hutunjo mande nuro ino-ino uni” njundo Anutu koro mande nu unipare rondaje yunoyanjuri. § 17:11: Malakai 4:5-6 nande yete, ko “Elaija” pitu ko mahero o ka ronjaruwonikata Anutuko unipare soso ronda yereweya.

Yesuko yuqa piyimi simó quroko yaró ñu howiní toñeró

(Mak 9:14-29; Luk 9:37-42)

¹⁴ Asa purí mongo umbuyiqo, uni kato Yesu tanjímó mahero potoruku tero ¹⁵ ñande yaró, “Uní Parámi, keto nanone sikí te ino. Ene se khumo tero khe kandí yukuwoní kowe surumí parámi teyote. Naru parámi nombono ñuno rokaráño uyote, ko sonono ñuno ñuya uyote. ¹⁶ Ñunde tiní nondo rero ino-ino rewero unikeno** maheno, quko enendo ri meté tewero mepémo kini.”

¹⁷ Ko Yesuko mande topé ñande yaró, “Ye unipare itaka nokono yotenngo qundo inondutu†† kama reyotenngo! Naru date yeya yowano? Naru date quhuriye korowoyowano? Simó ñu nono re mahi.” ¹⁸ Re mahi Yesuko yuqa piyimi‡‡ ñu qene yiní yuqa piyimimbo simó ñu roto toñeró. Ñu naruko ñuno nanje se khumoyó kini taró.

¹⁹ Imemonngo ino-ino rewero uni ñundo tapémo mahero Yesu ñande oseseyangurí, “Date koro norendo yuqa piyimi ñu howewero mepémo kini?”

²⁰ Ko enendo ñande yimiraró, “Dokoro inondutuye muko tomó ta nanje. No mande hamó ye yimirowe, ko ye inondutuye muko tomó

** **17:16:** “ino-ino rewero uni” ñundo Yesu koya uyaro ino-ino rondage yunoyaró. †† **17:17:** “inondutu” ñuko ñandiro, asa unipareto ñande kondé ye inoyotenngo, ko Anutuko meté sopo yereweya. ‡‡ **17:18:** “yuqa piyimi” ñuko sambo simó ñunde qembe, quko Anutu koro sangirí tero unipare rowore yereyotenngo.

ta nanġe, asa mastet taġguri^{§§} nunde qembe tiníqo, asa yendo mira purí ña, ‘Ke otoqoya anduno uyare,’ yiġo, uyareweya. Ko yendo kho soso nanġe temukowero wimbí moré tewanġo.”
21 (-)***

*Yesuko khumoro otoqoweya nuro kanjuya yaró
(Mak 9:30-32; Luk 9:43-45)*

²² Asa Yesu koya iġo-iġo rewero uniyómboya^{†††} Galili mirako huruwanġurí. Huruwoyi Yesuko nande yimiraró, “Kumimbo Unindoro Nanjuni^{‡‡‡} re saġgiri uni kandeyemo rotowe tetenġo.
²³ Enendo uroyi khumoweya, guko naru kapusayómo pitu ko otoqoweya.” Iġo-iġo rewero uni nundo mande nro iġoro newonde quhurí parámi taġguri.

Yesuko Ya Surumíboro takis taró

²⁴ Asa Kaperneam yendémo mahiqo, Ya Surumíboro^{§§§} takis re-re unindo Pitako mahero nande oseseyanġurí, “Asa yeġo rondaġe-rondaġe

§§ 17:20: “mastet” nuro yuwoyó nuko tambi koro yuwoyó nunde qembe. *** **17:21:** Komo suki Matyuko mande soso ña nakayáñaró, ko imemonġo uni meyowo peka mande kanjuya nãno sowe taró. Mande nuko nãndiro: 21 “Guo yendo hariri tero kundiñi kama tewanġo tiníqo, o nunde qu yohowewero mepémo kini.” ††† **17:22:** “iġo-iġo rewero uni” nundo Yesu koya uyaro iġo-iġo rondaġe yunoyaró. ‡‡‡ **17:22:** “Unindoro Nanjuni” nuko Yesu nanġe. §§§ **17:24:** “Ya Surumí” nuko Anutu koro ya qu, nunoġo Juda unipareto Anutu koya huruwowero quro hu-hariri teyanġurí.

uniye ṅundope Ya Surumíboró takis* ṅu inoyotepe ma kini?”

²⁵ Ko Pitako ṅande yaró, “Iyo, inoyote.”

Yero ya quroko oro mande ka kama yeyoní nanḡe, Yesuko ṅande oseseyaró, “Saimon, ke date inḡote? Wiri yerete uni nokono ṅano yoteṅgo qundo takis kate-kate ṅuko da nonḡo reyoteṅgo? Eneḡo nanḡo-simóye monḡo reyoteṅgope ma uni meyowo monḡo reyoteṅgo?”

²⁶ Yiní ṅande yaró, “Uni meyowo monḡo.”

Yiní Yesuko ṅande miraró, “Asa ko eneḡo nanḡo-simóyembo takis kama yunoyoteṅgo. ²⁷ Nunde quko norendo tewaro, newonde piyimi tewanḡo ṅuro. Asa ke sono towoko toṅeya utó ranḡo. Sono qare korete wosoweya ṅuko, ṅu rero manḡó koso qembe, mone ka sono qare quroyómo ṅuno yoní gene qembe. Mone ṅu rero uni ṅu yuno qembe, ṅundoko noya keya takisinari ṅu rokóḡoweya.”

18

Danimbo owé parámi reweya?

(Mak 9:33-37; Luk 9:46-48)

¹ Nḡu naruko ṅuno inḡo-inḡo rewero unindo* Yesuko mahero ṅandiro oseseyanḡurí, “Dani katoke sambo simburímbo unipareyó wiri yereyote naruyómo ṅuno owé parámi reweya?” †

* **17:24:** Kumima naru kanata-kanata quno Juda urumuni pará-pará soso wondo musiyó ka takis tero Ya Surumíboró takis re-re uni yunanḡurí. * **18:1:** “inḡo-inḡo rewero uni” ṅundo Yesu koya uyaro inḡo-inḡo rondage yunoyaró. † **18:1:** “sambo simburímbo unipareyó wiri yereyote naruyómo” ṅuno inḡodontu unipareko hamó Anutu kusunḡoyómo yowanḡo.

² Asa Yesuko simó ta ka nekoní mahiní re keweroyemo rotoní kanjaró. ³ Enendo nñande yimiraró, “Nondo ye hamó yimiroteno, ko yendo simó ta nñande qembe kama tunoqewaᅅgo tiníqo, yeko sambo simburímbo unipareyó wiri yereyote naruyó nñuro quroko kama owaᅅgo. ⁴ Uni enenñomboro inñoní umbuní simó tomó ta nñande qembe tunoqeweya, uni nñundo sambo simburímbo unipareyó wiri yereyote naruyómo nñuno owé parámi horé reweya.

*Otete piyimi nñundo inñondutuye roworemoyote
(Mak 9:42-48; Luk 17:1-2)*

⁵ “Uni kato neneᅅo inñoro simó ta ka nñande quya topo teweya nñuko noya topo teweya. ⁶ Quko enendo simó tomó ta qu ka inñondutu nereyote nñu‡ riní o piyimi teweya tiníqo, topé piyimi horé reweya. Meté koretero unindo wondo parámi ka enenño puñímo kusiyoro re windi quroko rañi khumorogota o piyimi nñunde qu kama teweya.

⁷ “Ye nokono nñano uni qu, ininiyaqe, quhurí piyimi korowowaᅅgo. Yendo uni yowosoyi o piyimi teyotenᅅgo. Hamó, yeᅅo muriye piyimi nñunde qu tunoqeweya. Quko ye dando o piyimi nñu tewaᅅgo, ininiyaqe, quhurí piyimi korowowaᅅgo.

⁸ “Ke kandekepo, khenᅅepo kowosoní o piyimi teroqo, wesane rañi uweya. Nñunde kini tiníqo, asa kandeke irisa-irisa nñunde teweyape, ma khenᅅe irisa-irisa nñunde teweya, quko imemoᅅgo

‡ **18:6:** “inñondutu” nñuko nñandiro, asa unipareto nñande kondé ye inñoyotenᅅgo, ko Anutuko meté sopo yereweya.

te suki-suki qayote[§] quuno ηuno uweya. Quko keto kandeke kanata na, khenje kanata na yoweya, keto meté yoto-yoto suki-suki ηuno oweya. ⁹ Ko toņengepo kowosoni o piyimi teroqo, kumo raņo qembe. Nunde kini tiniqo, asa toņenge irisa-irisa ηunde teweya, quko imemoņgo kewá piyimimo ηuno uweya. Quko toņenge kanata na yoweya, keto meté yoto-yoto suki-suki ηuno oweya.

¹⁰ “Ye meté inoyi. Simó tomó ta-ta ηande quro ma yesará yerewero. Dokoro no hamó yimiroteno, sambo simó^{**} kumimbo sopo yerero naru rokōņoro awane samboko yote ηuro toņimo kaņeyotenjo. ¹¹ (-)††

Sipsip ka toņeró ηuro tapara mande

(Luk 15:3-7)

¹² “Ye date inotenjo? Ko uni kato sipsip 100 ηunde sopo yereyote, ko sipsip kanata na toņeweya tiniqo, enendo sipsip 99 ηu yorotoni purimo yuriqo, toņero sipsip toņeró ηu seqaweya, hamómbe? ¹³ No ye hamó yimiroteno, ko ene sipsip ηu qeneroqo, asa niņgu-niņgu parámi horé teweya. Sipsip 99 kama toņengurí ηuro metéņoyote, quko kanata toņeró ηu qeneró ηuro niņgu-niņgu parámi teweya. ¹⁴ Nunde naņge

§ 18:8: “te suki-suki qayote” ηuko naru weņako ηuno quhurí uni-pareto topé piyimi rero kewáko ηuno naru suki-suki yoqaweya.

** 18:10: “sambo simó” ηuko komo suki-suki Anutuko yon-downoni eneņo sunará teyotenjo. †† 18:11: Komo suki Matyuko mande soso ηa nakayāņaró, ko imemoņgo uni meyowo peka mande kaņuya ηano sowe taró. Mande ηuko ηandiro: 11 “Dokoro Unindoro Naņuni ηuko uni soso piyo taņguri qu seqa yere rambaruru koņgo yorewero quro maheró.” (Luk 19:10 weyo qembe).

Awane samboko yote ɲundo simó na-na ɲande quro kanata ka kama piyo teweya, yero inoyote.

Topo kato o piyimi tiníqo, roɲgaruwoyi qembe

¹⁵ “Ko ke topokepo o piyimi te kunoweya tiníqo, yarimata naɲge roɲgaruwoyi qembe. ɲunde ti mandeke inoníqo, topoke ri meté yoweya.

¹⁶ Quko enendo mandeke kama inoníqo, uni kanata, irisa ɲuya yorero topokepoya mande kaɲuya yi qembe. Dokoro uni irisa, kapusa qundo mande ɲu ri kondéreweya. ¹⁷ Ko enendo yeɲo mandeye ɲu ɲuya kama inoníqo, inondutu koro huru-huruko^{‡‡} unipare soso yi qembe. Ko enendo eneɲo mandeye kama inoníqo, asa ke uni ɲu qenero, kape uni qembe, takis re-re uni qembe^{§§} naɲge, ye ino qembe.

¹⁸ “No ye hamó yimiroteno, o kumi nokono kusiyowaɲgo tiníqo, Anutuko o ɲu samboko kusiyoweya. Ko o kumi nokono rotowaɲgo tiníqo, Anutuko o ɲu samboko rotoweya.

¹⁹ “Ko no ye hamó yimiroteno, ko keweroye moɲgo irisa qundo newonde kanata tero Anutu kirayoriqo, asa awane samboko yote ɲundo te yunoweya. ²⁰ Ko uni irisa, kapusa qundo neneɲo owénemo mahe kopowaɲgo, nondo keweroyemo yowano.”

^{‡‡} **18:17:** “inondutu koro huru-huru” ɲuko unipare soso Yesu inondutuworo nokone-nokone ɲuno huruwoyoteɲgo qu.

^{§§} **18:17:** “kape uni” ɲuko Israel koro Anutuye ɲu kama ino howeyoteɲgo, ko “takis re-re uni” ɲuko Rom koro wiri yerete uni parámi ɲundo unipare soso wiri yereró ɲu nonɲo takis siyaró. Asa Juda unindo uni ɲunde qu hamó piyimi yereyaɲguri.

Kho uni kato sikíño kama te inote ηuro tapara mande

²¹ Nju naruko ηuno Pitako Yesu ηande oseseyaró, “Uni Parámi, toponembo naru kumimo nono o piyimi te nunoyote, ηu yate-yate naru datiro quhuríño ηu re rotowano? Naru kande sanjyoro irisa ηunde?”

²² Yiní Yesuko ηande miraró, “Nondo ηande ke kimiroteno, naru kande sanjyoro irisa kini, naru 77 ηunde se roto qembe.

²³ “Injoyi, sambo simburímbo unipareyó wiri yereyote naruyó*** ηuko ηandiro: nokono wiri yerete uni kato sunará simóηomboya utatáye roŋgaruwowero ye injaró. ²⁴ Ene utatáye ηu roŋgaruwowero kimani tiní uni ka rero eneno mahengurí. Uni ηuro utatáyó muko mone 10 miliyon††† ηundiro. ²⁵ Quko enendo utatáyómboro topé ηu mepémo tewero mepémo kini. Asa ko uni parámi ηundo mande ka yero uni ηuya parísimómboya ononjoyó soso siyoní wondo uni kato kimo yiriní wondo unindoro kho simó tunoqewanjo. Nju muríwore wondo siyoro utatá topé teweya.

²⁶ “Nunde ηuroko sunará simó ηundo mande ηu injoro potoruku tero ηande miraró, ‘Sikíne teya rotoka. Imemonjo nondo utatá tanowó ηu soso ta te kunowano.’ ²⁷ Yiní uni parámíyómbo sunará simóño sikí tero utatá ηu re rotoní tonjeró.

*** **18:23:** “sambo simburímbo unipareyó wiri yereyote naruyómo” ηuno inondutu unipareko hamó Anutu kusunoyómo yowanjo. ††† **18:24:** “mone 10 miliyon” ηuko mone parámi horé, keto weyowero mepémo kini.

28 “Asa sunará simó ñuno qundo mirako uro kho kopo topé ka qeneró. Topémbo eneya utatáyó wondo musiyó 100⁺⁺⁺ nanje taró. Nunde qenero kondé horé puñimo toworo ñande miraró, ‘Keto utatá noya taró ñuno qu soso ta topé te nuno qembe.’

29 “Nunde ñuroko kho kopo topé ñunde mande ñu ñoro potoruku tero ñande miraró, ‘Sikíne teya rotoka. Imemongo nondo utatá tanowó ñu soso ta te kunowano.’

30 “Quko sunará simó ñundo ñuro piyimiñaró. Kini, enendo kho kopo topé ñu rero topé tewero guro kusi-kusi yano rotaró. 31 Nunde ñuroko kho kopo meyowombo ñu qenero newonde quhurí parámi tero toñero uni parámiye kho uni ñundo o soso taró ñuro mirañgurí.

32 “Asa uni parámi ñundo sunará simó ñu nekoní mahiní ñande miraró, ‘Keko sunará simó piyimi. Keto kondé kira niriqo, utatánge soso se rotano. 33 Nondo sikínge te kunano. Asa ke date koro kho kopo topoke ñuro sikíño kama te ina?’

34 Nunde yero uni parámiyómbó newonde tiwi tero utatáyó soso ñuro topé tewero guro kusi-kusi ya koro sopo-sopo kandeyemo riní kowe surumí inañgurí.

35 “Asa ko yendo topoyembo o piyimi te yunoyote ñu quhuríño hamó kama re rotowanjo tiníqo, awane samboko yote ñundo ñunde nanje teweya.”

⁺⁺⁺ 18:28: “wondo musiyó 100” ñuko mone parámi ta, asa wondo musiyó kanata quko kho unindoro kosa naru kanata guro khoyómboro kimoyó.

19

*Pare rotowero murí ñuro yaró
(Mak 10:1-12; Luk 16:18)*

¹ Yesuko mande ñu soso yiní kini tiní Galili rotoro Jotan Sono andusina Judia mirako uyaró.

² Ko unipare qambu howi ñusina ñuno se khumo uni yoriní meté taṅguri.

³ Asa Farisi uní* kumimbo Yesuko mahero towonowero ñande oseseyañguri, “Ko uni kato murí kate-kate soso koro parí howeweya tiníqo, hutuño mande wendaqeweyape ma kini?”

⁴ Yi mande topé ñande yaró, “Yeko Anutu koro mande qu sokomeko yote ñu kama weyoyotenḡo, peka? Komo suki Anutuko o soso towaró quno enendo ‘urumuni kaya, pare kaya yondowaró.’

† ⁵ Yondoworo ñande yaró, ‘Ñunde ñuroko uni iwí-nimí yorotoro parímboya womowari, ko irisa ñundo kowe kanata tewari.’ ‡ ⁶ Asa Anutuko mande ñunde yiní kowe irisa kama yorari. Kini. Irisa ñu kowe kanata tariyó. Ñunde ñuroko Anutuko o irisa siyoro kopo yiriníqo, ye ñu ma usowowero.”

⁷ Yiní ñande yaṅguri, “Asa ko date koro Mosesko hutuño mande ka yiní unindo sokome ka epe re-re toṅowero qu nakayáṅoro pare inoro howi toṅeweya?” §

⁸ Yi ñande yimiraró, “Yendo newondeye kusiyoyotenḡo, ñunde ñuroko Mosesko yiyo rotoní pare yohowewaṅgo. Quko komo ñu murí ñu kama

* **19:3:** “Farisi uní” ñundo, nore Anutu koro hutuño mande ñuro okeyá ta howeyoteto, ye inañguri. † **19:4:** Murí Tero 1:27

‡ **19:5:** Murí Tero 2:24 § **19:7:** Hutuño Mande 24:1-4

yora. ⁹ Nondo n̄ande yimiroteno, ko uni kato parí se simbururu kama teyoní howero pare meyowo rete n̄uko se simbururu tete.”

¹⁰ Nunde yinī iño-iño rewero uniyómbó** Yesu n̄ande miran̄gurí, “Ko uni kato murí n̄unde n̄u howero parímboya yowari, asa meté uni n̄undo kama kame teweya, kina yoweya.”

¹¹ Nunde yi n̄ande yimiró, “Uni soso mande n̄u rewero mepémo kini. Anutuko wimbu kondé uni kumi nan̄ge yunaró. ¹² In̄oyi. Uni kate-kate qundo pare kaya yowero mepémo kini.†† Kumimboko námbó pisi yereró quño n̄uno koweye piyo taró. Ko kumimboko unindo yondoñoyi koweye piyo taró. Ko kumimboko sambo simburímbo unipareyó wiri yereyote naruyó n̄uro in̄oro koweye rukikiñoro pare kama rewango. Asa dani kato mande n̄a in̄oweroqo, meté in̄oyi.”

*Simó ta-ta meté Yesuko uyarewango
(Mak 10:13-16; Luk 18:15-17)*

¹³ N̄u naruko n̄uno unipareto simó ta-ta yorero, Yesuko kandí rero kembayemo rero harirī yiriní, yero in̄oro yore mahen̄gurí. Quko in̄o-iño rewero uniyómbó‡‡ unipare n̄u yiyo yan̄gurí. ¹⁴ Ko Yesuko n̄ande yaró, “Ye simó ta-ta tomó ta-ta n̄u yorotika nono mahi, ma soré yerewero. Dokoro sambo

** **19:10:** “in̄o-iño rewero uni” n̄undo Yesu koya uyaro in̄o-iño rondaqe yunoyaró. †† **19:12:** Uni n̄unde qundo koweye piyo taró, n̄unde n̄uroko pare kaya yowero mepémo kini. ‡‡ **19:13:** “in̄o-iño rewero uni” n̄undo Yesu koya uyaro in̄o-iño rondaqe yunoyaró.

simburímbo unipareyó wiri yereyote naruyó§§
 ηuko simó ηunde quro na.”¹⁵ Ko kandí kem-
 bayemo riní kini tiní yoroto tojeró.

*Onoηo uni kato yoto-yoto suki-suki rewero ηuro
 Yesu oseseyaró*

(Mak 10:17-31; Luk 18:18-30)

¹⁶ Asa uni kato Yesuko mahero ηande miraró,
 “Rondaqe-rondaqe, no do murí meté ka tero yoto-
 yoto suki-suki ηu rewano?”

¹⁷ Yiní ηande miraró, “Ke do karo no murí meté
 ηuro osese nerete? Uni kanata nanjeko meté. Ko
 ke yoto-yoto suki-suki ηuno oweya, ye injoroqo,
 asa Anutu koro mande kondé ηu meté ta howe
 qembe.”

¹⁸ Yiní ηande oseseyaró, “Keto hutuηo mande
 date quro yete?”

Ko Yesuko yaró, “Uni ma yuri khumowero,
 se simbururu ma tewero, momo ma tewero,
 mande khono ηuno kota mande ma yewero,
¹⁹ awa-nánge ará te yuno qembe. Ko kenjomboro
 injoyote ηunde nanje topokeporo ηunde nanje
 injo qembe.”

²⁰ Ko uni keta ηundo Yesu ηande miraró,
 “Nondo hutuηo mande ηu soso howeyano. Do o
 meyowo ka tewano?”

²¹ Ko Yesuko ηande miraró, “Ko ke uni meté
 horé teweroqo, asa kenjo situwi soso soweyoya
 mone ηu rondaηe uni oye moré kini ηu yuno.

§§ 19:14: “sambo simburímbo unipareyó wiri yereyote
 naruyómo” ηuno injondutu unipareko hamó Anutu kusunoyómo
 yowanjo.

Ke ɲunde teroqo, o meté samboko reweya. Asa ɲunde teya ke mahe nohowe.”

²² Uni keta ɲundo mande ɲu iɲoro newonde quhurí tiní roto toɲeró, dokoro, ene onoɲoyó qambu taró.

²³ Ko Yesuko iɲo-iɲo rewero uniyó ɲande yimiraró, “Nondo ye hamó yimiroteno, onoɲo unipare kato sambo simburímbo unipareyó wiri yereyote naruyómo^{***} ɲuno owero ɲuko taɲo kini, quhurí. ²⁴ Ko ɲande ye yimirowe, kamelko tuwí tinjowero tisi wituyó quowore uwero rukusuwoweya.^{†††} Ko ɲunde naɲge onoɲo uni ɲundo Anutuko unipareyó wiri yereyote naruyómo ɲuno owero hamó rukusuwowaɲgo.”

²⁵ Iɲo-iɲo rewero unindo mande ɲu iɲoro kondé yukuworo ɲande yaɲguri, “Asa ko danimboko rambaruru takawaɲgo?”

²⁶ Yesuko kondé yiyoro ɲande yaró, “Unindoko tewero mepémo kini. Quko Anutuko o soso meté teweya.”

²⁷ Asa Pitako mande topé ɲande yaró, “Qeno, norendo onani soso rotoro ke kohowatowó. ɲunde ɲuro nore do ka rewato?”

²⁸ Ko Yesuko ɲande yimiraró, “Nondo ye hamó yimiroteno, o soso keta tunoqeweya quno ɲuno Unindoro Naɲuní^{‡‡‡} ɲundo owé parámi rero eneɲo yakutiɲo meté horé quno ɲuno kunditeweya. ɲu naruko ɲunoqota ye dani kato no

^{***} **19:23:** “sambo simburímbo unipareyó wiri yereyote naruyómo” ɲuno iɲondutu unipareko hamó Anutu kusunoyómo yowaɲgo. ^{†††} **19:24:** “kamel” ɲuko númbowe parámi ka, ko tuwí tinjowero tisi wituyó ɲuko tomó horé. ^{‡‡‡} **19:28:** “Unindoro Naɲuní” ɲuko Yesu naɲge.

nohoweyotenggo, ye nuya wiri yerete unindoro yakutiye 12 nuno kunditero Israel koro wini 12 nu ronda yerewango. ²⁹ Ko dani kato no owéne injoro yayó, kumuní, kuwí, iwí, nimí, simó, khoyó nu rotoweya, eneko 100 kañuya rewango, ko yoto-yoto suki-suki nu rewango. ³⁰ Quko uni gambu itaka korete yotenggo, nuko tukú tewango. Ko uni gambu itaka wenja yotenggo, nuko koretewango.

20

Wain kho koro kho uni nuro tapara mande

¹ “Qeni, sambo simburímbo unipareyó wiri yereyote naruyó* nuko ya simburí nunde gembe. Ita sarañoní ya rotoro uni kumi yoriní wain khoyómo kho tiqo, kimo yereweya. ² Simburímboya kho unindoya kimoye nuro newonde kanata tero kosa kanata quro kimoye nuko wondo musiyó kanata siyowango. Newonde kanata teroqo, asá yiriní wain khono uyaro kho tanjurí.

³ “Asa ita sarañoní 9 kilok nunde quno simburímbo ya rotoro uni kumi yendémo kinañge kañeyanjurí nu ⁴ yiyoro nande yimiraró, ‘Ye nuya uya wain khono kho tiqo, nondo khoyem-boro topé meté tewano.’ ⁵ Yiní injoro toñejjurí. Nundiro nanje uni parámimbo kosa keweroko ko suwoya 3 kilok nunde quno ya rotoro o korete taró nu nanje taró.

* **20:1:** “sambo simburímbo unipareyó wiri yereyote naruyómo” nuno injondutu unipareko hamó Anutu kusunjoyómo yowango.

6 “Asa suwoya 5 kilok ηunde quno ya rotoní uni kumi kinaŋge kaŋeyuri yiyoro ηande osese yereró, ‘Ye date koro ηande ita saraŋoní kinaŋge kaŋaŋgo qu kaŋeyuri suwoya tete?’

7 “Yiní mande topé ηande yaŋgurí, ‘Uni kato nore kho kama yunote.’

“Yiqo, ηande yimiraró, ‘Ye ηuya uyare neneŋo wain khonemo kho ti.’

8 “Asa suwo tewero tiníqo, kho simburímbo eneŋo kho uniyó korete ηu ηande miraró, ‘Keto kho uni soso neko yereka mahika kimo yuno. Koretero uni tukú maheteŋgo quro kimoye yunoro, yate-yate korete qu yuno.’

9 “Nunde yiní uni 5 kilok ηuno kho kimani taŋgurí ηu mahero kanata-kanata wondo musiyó kanata raŋgurí. 10 Yate-yate uni ita saraŋoní kho kimani taŋgurí ηu mahero ηande ye iŋaŋgurí, mone parámi rewe teteto, ye iŋaŋgurí. Quko kini. Ene ηuya kanata-kanata wondo musiyó kanata naŋge raŋgurí. 11 Nunde rero kho simburí ηuya kiro mande yero 12 ηande yaŋgurí, ‘Norendo naru piru koweyumu tato kosako nore hamó nutoyote. Quko ηa uni ηando tukú mahero naru tukuni naŋge kho teteŋgo, quko noreŋo kimonani ηunde naŋge siyoteŋgo. Nηu piyimi.’

13 “Nunde yiqo, kho simburímbo kho uni ηunde yaŋgurí qu ka ηande miraró, ‘Topone, no keno o piyimi ka kama teteno. Koretero nore irisa keto wondo musiyó kanata reweya ηuro newonde kanata taro, hamómbe? 14 Asa, kimoke reya toŋe. Neneŋo iŋo-iŋonemo naŋge kimo ηunde naŋge uni tukú maheteŋgo ηuya yunoteno. 15 Nuko

nenejo na. Asa nenejombó meté o nenejomboro sopoyowano, hamómbe? Ko o meté te yunowero tewego, ke date koro newonde piyimi tete? ”

¹⁶ Yesuko njunde yero yaró, “Njunde nanje uni weja yotenjo njuko koretewango. Ko uni korete yotenjo, njuko tukú tewango.”

*Yesuko khumoro otoqoweya njuro pitu ko yaró
(Mak 10:32-34; Luk 18:31-33)*

¹⁷ Asa Yesuko Yerusalem oyate iño-iño rewero uni 12 ñu† yorero enemata yotoro njande yimiraró, ¹⁸ “Injoyi, itaka nore Yerusalem owé teteto. Ko unindo Unindoro Nanjuni‡ ñu rero o qa-qa unindoro tapá uni kandeyemo ko hutunjo mande njuro iño-iño uni kandeyemo rotowango. § Njunde riqo, topé piyimi rero, uratoka khumoní, ye injowango. ¹⁹ Njunde yero rero uni wini meyowomboro kandeyemo rewango. Njuro tero ñu uni njundo huwó mande yero haususuworo tipiririko** porowowango. Ko naru kapusayómo pitu ko otoqoweya.”

*Jems, Jon uni parámi tewero njuro injariyó
(Mak 10:35-45)*

† **20:17:** “iño-iño rewero uni 12” njuko Yesu rokó yirini topé-topé horé tunoqanguri. ‡ **20:18:** “Unindoro Nanjuni” njuko Yesu nanje. § **20:18:** Uni soso njundo Juda koro huru-huru parámi ka, owí Sanedrin, tanjuri. Enendo Juda unipare ronda yereyanguri. ** **20:19:** “tipiriri” njunde quko wiri yerete uni kumimbo enejo uni sanjiriye yorero njuno uroyi khumoyanguri.

20 Yiní Sepeti koro simó irisa^{††} koya náyarimboya Yesuko mahero potorku tero pare nundo o karo kirayaró.

21 Yiní nande oseseyaró, “Ke do karo inoyote?”

Yiní nande miraró, “Nande inoteno, asa keto unipareke wiri yereyote naruyómo nuno meté neneño simóne irisa na nuya unipare wiri yere-wari, kato kandeke kondéwore kunditiní kato kandeke tesina kunditeweya.”

22 Yesuko mande topé nande yaró, “Yeko kira nuro kama inoyi tondanete. Asa yarindo peka nondo topako nuno sono newano nunope yari nuya meté nuno newari?”

Ko enendo nande mirariyó, “Nore meté.”

23 Ko Yesuko nande yimiraró, “Hamó, yarindo neneño topako newari. Quko dandoko kandene kondésina ko kandene tesina kunditewari, o nuko nondo rokónowero qu kini. Kini. Kundite-kundite yakutí nuko awando uni nuro yero rokónaró nu yunoweya.”

24 Asa ino-ino rewero uni kande irisa qundo yerepasa nu Yesu kirayariyó nuro inoro eneya sangirí tanjurí.

25 Quko Yesuko neko yiriní mahiqo, nande yaró, “Ye inotenngo, ko wini mey-owomboro uni kembéye nundo eneño winiye piyimi sopo yereyotenngo. Kowe uni parámiyembo enenombo owé parámi rewero guro inoyotenngo.

26 Quko ye nunde ma tewero. Kini, ye keweroye mongo uni kato uni parámi tewero ye inoyote tiníqo, sunará simó nunde teweya. 27 Ko uni kato

^{††} 20:20: “Sepeti koro simó irisa” nuko Jems koya Jon, ino-ino rewero uni qu.

owé parámi rewero ye inoyote tiníqo, yeño kho simóye ñunde yoweya. ²⁸ Ñunde nanje Unindoro Nañuní^{‡‡} ñundo unipareto eneño sunará tewero quro kama maheró. Kini, enendo uniparetoro sunará tewero maheró, ko yoto-yotoyó rotoro kimo yerewero^{§§} koro maheró.”

Yesuko uni irisa toñeyari kiré mu yoriní meté tariyó

(Mak 10:46-52; Luk 18:35-43)

²⁹ Asa Yesu koya ino-ino rewero uniyómboya Jeriko rotoro oyi unipare qambu horé yohowanğurí. ³⁰ Uni irisa toñeyari kiré mu khe tapémo kunditeyari. Asa Yesu maheró ñuro piña mande inoro kondé ñande neko kiwariyó, “Uni Parámi, Dewit koro nañuní,^{***} sikínari te nuno.”

³¹ Kondé nekoru kiwiri unipare qambu ñundo gene yero ñande yanğurí, “Ñunde roto!” yanğurí.

Uko watí-watí nekoru ñande kiwariyó, “Uni Parámi, Dewit koro nañuní, sikínari te nuno.”

^{‡‡} **20:28:** “Unindoro Nañuní” ñuko Yesu nanje. **§§ 20:28:** “kimo yerewero” ñuro murí muko ñandiro: unipareto o piyimi kusunoyómo kusiyowí yotenjo. Ñandiro nanje Anutuko kimo tero yoriní kina yowanjo. ^{***} **20:30:** Komo suki “Dewitko” Juda unipare wiri yereró. Ñu naruko ñuno Anutuko Dewit ñande miraró, imemonjo keño sowe qu ka mahero naru suki-suki unipare wiri yereweya yaró (2 Samuel 7:11-16 weyo qembe). Asa yate Juda unipare soso ñundo Dewit koro nañuní sopenğurí, ko uni ñuro sopenğurí ñu, “Mesaiya,” ma, “Kristo,” ye nekoyanğurí. Ko Mande kondé ñundo uni toñeye kiré mu yoriní meté tewanjo, ñu ye inanğurí (Aisaia 35:5 weyo qembe).

³² Njunde yiriqo, Yesu kaŋero uni irisa ŋu neko yerero ŋande yaró, “Yarindo nondo yari do ka te yunowe?”

³³ Ko enendo mande topé ŋande mirariyó, “Uni Parámi, norendo, keto toŋenari reka hiyóqiní, ye inotero.”

³⁴ Yesuko sikíyari te yunoro kandí toŋeyari saŋano raró. Riníqo, waka ta toŋeyari meté tiní pitu ko toŋetero Yesu howero toŋeriyó.

21

Yesuko wiri yerete uni qembe Yerusalem ŋuno oró

(Mak 11:1-11; Luk 19:28-40; Jon 12:12-19)

¹ Asa kutage Yerusalem owero oro Betipake yendémo mira purí Oliv saŋano mahengurí. Mahero Yesuko ino-ino rewero uni* irisa asá yerero ² ŋande yimiraró, “Yendé andusina ŋuno uyareya dóki† ka kusiyangurí qu qenewari, ko dóki simó ŋu ŋuya yowari. Asa utó ŋu orosoyero siyoro nono mahiri. ³ Ko uni kato mande ka yariya yimitoro yiníqo, asa ŋande yiri qembe, ‘Uni Parámimbo ŋuno kho ka teweya.’ Yari ŋunde yiriqo, waka ta enendo dóki nimí, simó ŋu se rotoní nono mahewari.”

⁴ O ŋu tunoqaró ŋuko ye-ye unindo‡ mande ka yangurí ŋu riní hamó taró. Mande ŋuko ŋandiro,

* **21:1:** “ino-ino rewero uni” ŋundo Yesu koya uyaro ino-ino rondage yunoyaró. † **21:2:** “dóki” ŋuko númbowe parámi ta, hosi ŋunde qembe uni kato meté saŋano kunditini uyareweya. ‡ **21:4:** “ye-ye uni” ŋuko Anutuko mandí yunoní unipare yunangurí.

⁵ “Mande ka Saion[§] unipareko yesowoyi,
 ‘Qeni. Wiri yerete uniye mahete ŋa.
 Newonde imemoŋgo dóki saŋano kunditero ma-
 hete,
 dóki simó saŋano mahete.’ ”

⁶ Asa iŋo-iŋo rewero uni ŋundo Yesuko yimi-
 raró ŋu ŋunde naŋge tariyó. ⁷ Iriŋa ŋundo
 nimímboya simómboya siyo mahero tuwi piruyari
 se dóki saŋayarimo rariyó. Ko Yesuko ŋuro saŋano
 kunditaró. ⁸ Ko unipare qambu horé qundo tuwi
 piruye ŋu wendaŋero se khewore raŋgurí. Ko
 kumimboko te kambini toŋoro khewore raŋgurí.
⁹ Ko unipare Yesu taka koretanŋurí ko unipare
 tukú uyarenŋurí, soso ta ŋande kiweyanŋurí,

“Dewit koro Naŋunímboro owí hokoyi!
 Uni Parámimboro owímo mahete ŋundo puriŋo
 rini!
 Anutu owí koreko horé hokoyi!”

¹⁰ Ko Yerusalem quroyómo oníqo, yendé uni-
 pare soso ŋundo yukuworo epe osese-osese ŋande
 taŋgurí, “Uni ŋu dani?”

¹¹ Ŋunde yiqo, unipare khewore uyanŋurí
 ŋundo ŋande yanŋurí, “Ŋuko Yesu, ŋu ye-ye uni**
 ŋu Nasaret yendé Galili mira koŋgo mahete.”

*Yesuko mone rewero uni ŋu Ya Surumí moŋgo
 yohowaró*

(Mak 11:15-19; Luk 19:45-48; Jon 2:13-22)

§ 21:5: “Saion” ŋuko Yerusalem naŋge, dokoro Yerusalem Saion
 purímo saŋano yora. ** 21:11: “ye-ye uni” ŋuko Anutuko
 mandí yunoní unipare yunanŋurí.

12 Asa Yesuko Ya Surumí†† nuro honḡo guroko oro uni soso mone rewero kho teyaḡo ḡuno qu‡‡ yohowaró. Yohowero uni moneye rohoréḡoyaḡo nuro wasaye koya uni nú soweyaḡo nuro yakutíye soso se windoroḡaró. 13 Nunde tero ḡande yimiraró, “Sokomeko ḡuno ḡande nakayáḡaró, ‘Neneḡo yane muko hariri koro ya qu.’ §§ Quko yendo ri ‘kuma tero momo teyoteḡo unindoro ya qu teyote.’ ” ***

14 Asa Yesu Ya Surumí guroko yoníḡo, toḡeye pokamowí mu, kheye piyimi mu eneno mahi yor-iní meté taḡguri. 15 Ko Ya Surumímo simó ta-tako ḡande kiweyaḡo, “Dewit koro nanḡunímboro††† owí hokoyi!” O qa-qa unindoro tapá uni ḡuya hutuḡo mande nuro iḡo-iḡo uni‡‡‡ ḡundo o wimbí moré teyaró ḡu ḡenero simó ta-ta ḡundo mande yero kiweyaḡo ḡu iḡoro newonde piyimi

†† 21:12: “Ya Surumí” ḡuko Anutu koro ya qu, ḡunoko Juda unipareto Anutu koya huruwowero guro hu-hariri teyaḡguri.

‡‡ 21:12: Nḡu naruko ḡuno Juda uni mira kapiya moḡḡo Ya Surumí ḡuno mahero yambo hariri tero o qa-qa teyaḡguri. Asa ko mone rewero uni kumi mira meywomboro moneye ḡu rohoréḡoro Judia mira koro moneye teyaḡguri, ko kumi nú-qare o qa-qa tewero guro soweyaḡguri. §§ 21:13: Aisaia 56:7

*** 21:13: Jeremaia 7:11 ††† 21:15: Komo suki “Dewitko” Juda unipare wiri yereró. Nḡu naruko ḡuno Anutuko Dewit ḡande miraró, imemoḡo keḡo sowe qu ka mahero naru suki-suki unipare wiri yereweya yaró (2 Samuel 7:11-16 weyo ḡembe). Asa yate Juda unipare soso ḡundo Dewit koro nanḡuní sopanguri, ko uni nuro sopanguri ḡu, “Mesaiya,” ma, “Kristo,” ye nekoyaḡguri. ‡‡‡ 21:15: “o qa-qa unindoro tapá uni” ḡundo Ya Surumímo hu-hariri sopoyaḡguri. “hutuḡo mande nuro iḡo-iḡo uni” ḡundo Anutu koro mande ḡu unipare rondaḡe yunoyaḡguri.

taᅅguri.

¹⁶ Nunde tero Yesu ᅅande oseseyanᅅuri, “Kepe mande yeteᅅgo ᅅumbe iᅅotepe?”

Yi mande topé ᅅande yimiraró, “Iyo, no iᅅoteno. Quko yendo mande ka kama weyanᅅuri, peka? Mande ᅅuko ᅅandiro:

“ ‘Keto ᅅande ye iᅅaró,
simó ta-ta maᅅgoyemboya
oᅅa maᅅgoyemboya
seré te kunowaᅅgo.’ ”

¹⁷ Nunde yini kini tini yorotoro yendé ᅅu rotoro Betani yendémo ᅅuno etaró.

*Te ka owí fik ᅅu Yesuko yini asáqaró
(Mak 11:12-14,20-24)*

¹⁸ Ita saraᅅoní yendé parámimo pitu ko uyarewero taró. Tero o qímboro khumaró. ¹⁹ Ko kewá fik ka khe sumeyoro yoní qenero taᅅgimo uyaró. Quko taᅅguri ka ᅅuno kama yora, komiri naᅅe. Nunde qenero kewá ᅅu ᅅande miraró, “Keko naru kaᅅuya taᅅguri kama teweya. Kini horé.” Ko waka ta kewá ᅅu asáqaró.

²⁰ Asáqini iᅅo-iᅅo rewero uni ᅅundo ᅅu qenero iᅅondata parámi tero ᅅande yanᅅuri, “Date tero kewá fik ᅅa waka ta asáqete?”

²¹ Ko Yesuko mandeye topé ᅅande yaró, “Nondo hamó ye yimiroteno, yendo iᅅondutu^{§§§} hamó tero iᅅo-iᅅo irisa kama towoyoteᅅgo tiniᅅo, asa ye ᅅuya nondo kewá fik ᅅuro puᅅomo o teteno

§§§ 21:21: “iᅅondutu” ᅅuko ᅅandiro, asa unipareto ᅅande kondé ye iᅅoyoteᅅgo, ko Anutuko meté sopo yereweya.

ɲunde naɲge tewango. Ko yendo murí kanata ɲu naɲge kama tewango. Kini, ko mira purí ɲa, ‘Otoqoya windi quroko u,’ ɲunde miroy-iqota ɲundi-ro tunoqeweya. ²² Ko ye inɲodutu tero hariri tewango quno o soso siyowero hariri tewango ɲuko yendo siyowango.”

Yesu da nonjo owé parámi raró?

(Mak 11:27-33; Luk 20:1-8)

²³ Asa Yesuko Ya Surumíboro* honjo quroyómo uro unipare ino-ino yunaró. ɲunde yunoyoní o qa-qa unindoro tapá unindoya uniparetoro uni kembé-kembéyemboya† kopo mahero ɲande oseseyangurí, “Do owé ka moré o soso ɲa mepémo teyote, ko danimbo owé ɲu re kunaró?”

²⁴ ɲunde yi mande topé ɲande yaró, “Asa no ɲuya o karo osese yerewe teteno. Ko neneɲo osesene ɲu topé yiqota do owé ka moré o soso ɲa mepémo teyoteno ɲuro yimirowano. ²⁵ Asa ye date inɲotenjo, Jonko unipare sono re yunaró ɲuro owé ɲu, da nonjo raró? ɲuko sambo‡ koro qumbe ma unindoro qu?”

Yini keweroyemo epe mito-mito ɲande tanjurí, “Ko norendo, ‘ɲuko sambo koro qu,’ yewato tiníqo, ɲande osese nereweya, ‘Asa ye date koro

* **21:23:** “Ya Surumí” ɲuko Anutu koro ya qu, ɲunoko Juda unipareto Anutu koya huruwowero quro hu-hariri teyangurí.

† **21:23:** Uni soso ɲundo Juda koro huru-huru parámi ka, owí Sanedrin, tanjurí. Enendo Juda unipare ronda yereyangurí.

‡ **21:25:** “sambo” ɲuro murí muko ɲandiro: naru rokoɲoro Juda unindo Anutu koro owí hamó kama ye nekanjurí. Kini, mande meyowo rohoréno yeyangurí. ɲundi-ro, “sambo,” ye nekaró.

mandí inoro inondutu kama tanğurí?’ ²⁶ Quko norendo, ‘Njuko unindoro qu,’ yewato tiníqo, asa nore unipare qambu quro sorewato, dokoro, enendo Jonko Anutu koro ye-ye uniŞ hamó qu ka, nunde yero inoyotenğo.”

²⁷ Asa ko eneño mandí topé nande yanğurí, “Nore kama inoteto.”

Yiqo, nande yimiraró, “Asa ko no nuya da nonğo owé na rero o soso teyoteno nuro ye kama yimirowano.”

Uni karo simó irisa nuro tapara mande

²⁸ Yero nande yaró, “Ye date inotenğo? Asa uni ka simó irisa. Enendo nanuní korete quno nuno uyaro nande miraró, ‘Nanone, itakako ke toneya wain khono kho te.’

²⁹ “Yini simómbo yaró, ‘No ma.’ Quko imemonğo ino-inoyó rohorénoni toneró.

³⁰ “Ko iwímbo nanuní meyowo mande nu nanğe yaró. Ko nanunímbo, ‘Iyo, awa,’ yaró, quko kama toneró.

³¹ “Asa nu simó irisa nu, dandoko iwímboro ino-inoyó howaró?”

Yini nande yanğurí, “Korete nundo.”

Ko Yesuko nande yimiraró, “Nondo ye hamó yimiroteno, takis re-re unindoya ore paretoya ye taka yerero Anutuko unipareyó wiri yereyote naruyómo nuno korete oyotenğo. ³² Dokoro Jonko** khe roneneñowíwore yeno maheró, ko ye mandí inoro inondutu kama tanğurí. Quko

Ş 21:26: “ye-ye uni” njuko Anutuko mandí yunoní unipare yunanğurí. ** 21:32: “Jon” njuko sono re-re uni nu nanğe.

takis re-re unindoya ore pare njuya injoro injondutu tanjurí. Nunde tiqo, ye nu qenenjurí, quko ye newondeye rohoréjoro injondutu kama tanjurí.

*Wain koro sopo-sopo uni njuro tapara mande
(Mak 12:1-12; Luk 20:9-19)*

³³ “Asa tapara mande^{††} kanjuya injoyi. Naru kano ya simburí kato wain kho ka tero honjo rero wuririyoro nu quroko njuno wain engémboro sonoyó rewero quro meré parámi ka sero rotoro ya piru kho qene sopoyowero qu ka towaró. Nu soso toworo kho nu rero kho sopo-sopo uni kumi kandeyemo rotoro^{‡‡} mira kapiyamo njuno tonjeró. ³⁴ Yate-yate engé siyowero naru tukuni tiniqo, sunará simónjo asá yiriní enejo wain engé mandumi nu siyowero uyarenjurí.

³⁵ “Uyari kho sopo-sopo uni njundo sunará simó nu yorero kako haususuwanjurí, kako uri khumaró ko kako wondo sanjanimo ranjanjurí.

³⁶ Imemonjo simburímbo kho uni meyowo qambu asá yereró. Ko uni tukú asá yereró quro qambuye njundo uni korete asá yereró njuro qambuye taka yereró. Ko sopo-sopo uni njundo komo o murí piyimi tanjurí nu nanje eneno njuya tanjurí. ³⁷ Naru wenjako simburímbo enejo nanjuni asájoro njande yaró, ‘Enendo nanjone nu ará te inowanjo.’

³⁸ “Quko kho sopo-sopo uni njundo simburímbo nanjuni mahini genero

^{††} 21:33: “tapara mande” njuko sowo mande nanje. Yesuko sowo mande njunde qu yero oka witú yereró. ^{‡‡} 21:33: Kho simburímbo njande ye injaró, ko uni njundo kho sopro engé kumi simburí inoro kumi towowanjo.

keweroyemo nande yanğurí, ‘Simó nundo iwímboro o soso nako imemongo siyoweya. Uratoka khumoníka o na soso norendo siyowato.’
³⁹ Nunde yero re rañoyi kho tapémo uní uroyi khumaró.

⁴⁰ “Asa ye date inotenjo? Imemongo wain kho simburímbo mahero kho sopo-sopo uni nuro do ka te yunoweya?”

⁴¹ Yesu nunde yini nande miranğurí, “Enendo uni piyimi nu o piyimi horé te yunoro kho nu pitu rero uni meyowo yunoní sopowanjo. Ko enge siyowero naruko nuno enenjo enge nu inowanjo.”

⁴² Ko Yesuko nande osese yereró, “Yeko peka sokomeko nuno mande na kama weyoyotenjo?”

“Ya re-re unindo wondo ka rero piyimi, yero inoro re rotanğurí,
 guko itakako wondo nundo ya soso rini kondérewero wondo ka tunoqete.

Uni Parámi enenjombo o nu rini nunde tunoqini genero niñgu-niñgu parámi teteto.’

⁴³ “Nunde nuroko nondo ye yimiroteno, Anutuko unipareyó wiri yereyote naruyómo§§ yowero ye soré yereweya. Ye soré yerero uni wini meyowo naru nuro khayó ti enge teweya nu yorini nuno owanjo. ⁴⁴ Uni soso wondo nuro sanano ranowanjo guko kosanewanjo. Guko wondo nundo uni ka sanano umbuníqo, uni nu uso-soworo murutómi teweya.”

§§ 21:43: “Anutuko unipareyó wiri yereyote naruyómo” nuno inondutu unipareko hamó Anutu kusunjoyómo yowanjo.

45 O qa-qa unindoro tapá unindoya Farisi unindoya*** Yesuko tapara mande yaró ñu inoro ñande inangurí, ene nore rokó nerete, ye inangurí. 46 Nunde ñuroko Yesu towo kusiyowero yero inangurí, quko unipare qambu quro so-rangurí, do karo unipareto ñande inangurí, Yesu ñuko Anutu koro ye-ye uni††† ka, ye inangurí.

22

Epe re-re tewero ñuro o ne-ne ñuro tapara mande

(Luk 14:16-24)

1 Yesuko tapara mande* kanjuya ñande yimiraró, 2 “Sambo simburímbo unipareyó wiri yereyote naruyó† ñuko ñandiro. Naru kano wiri yerete uni kato eneño nanjuni epe re-re tewero ñuro o ne-ne naruyó rokónaró. 3 Koretero topé-topé o ne-neko ñuno mahewango, yero neko yereró. Ko o newero naruko ñuno sunará simónjo asá yirini neko yerero yore mahewero tonangurí. Quko topé-topé ñundo mahewero piyiminangurí.

4 “Ko ene sunará simó kumi kanjuya asá yerero ñande yimiraró, ‘Yendo uni neko yerenowó quno ñuno nanje tonjeya ñande yimiroyi, “Inoyi.

*** 21:45: “o qa-qa unindoro tapá uni” ñundo Ya Surumímo hu-hariri sopoyangurí. “Farisi uni” ñundo, nore Anutu koro hutunjo mande ñuro okeyá ta howeyoteto, ye inangurí.
 ††† 21:46: “ye-ye uni” ñuko Anutuko mandí yunoní unipare yunangurí. * 22:1: “tapara mande” ñuko sowo mande nanje. Yesuko sowo mande ñunde qu yero oka witú yereró. † 22:2: “sambo simburímbo unipareyó wiri yereyote naruyómo” ñuno inondutu unipareko hamó Anutu kusunjoyómo yowango.

Nondo o ne-ne ŋu roŋgaruwoteno. O ŋandiro qu makao urumuni qu ko númbowe koweye tindi-tiwí mu urowe khumoyi se o soso roŋgaruwano. Ye epe re-re koro o ne-neko ŋano mahi.” ’ ’ ”

⁵ “Sunará simómbó uyaro ŋunde yimiroyi iŋaŋgurí, quko huwóŋaŋgurí. Kini, kako khoyómo toŋeró, ko kako mone re-re khoyó tewero quro toŋeró. ⁶ Ko meyowo ŋundo sunará simóŋo yondoworo o piyimi te yunoro yuri khumáŋgurí. ⁷ Ŋunde tiqo, wiri yerete uni ŋundo saŋgirí parámi tero kuma uni asá yiríní uyareŋgurí. Uyaro uni sunará simóŋo yuraŋgurí ŋu yore hamó rambaruru yerero yendéye ŋuya qayi qaró.

⁸ “Asa wiri yerete uni ŋundo sunará simóŋo ŋande yimiraró, ‘Epe re-re koro o qu komo roŋgaruwowí mu yote, quko uni neko yerenowó ŋu, eneko uni meté kini, ŋuroko o newero naruyómo mahewero mepémo kini. ⁹ Ŋunde ŋuroko ye khe saŋa-saŋako uyaqo, uni ka ŋuno yiyoyaqo, neko yirika epe re-re koro o ne-neko ŋano mahi.’ ¹⁰ Ŋunde yini sunará simó khe-wore toŋero unipare yiyoro uni piyimi muya uni meté quya yorero soso huru yerēŋgurí. Unipare qambu qundo yano mahero o naŋgurí.

¹¹ “Asa wiri yerete uni ŋundo yayómo oro unipare o neyaŋgo ŋu yiyaró. Yiyoro uni ka qeneró muko epe re-re tewero tuwi meté qu ka kama re taró. ¹² Ko wiri yerete unindo ŋande oseseyaró, ‘Topo, ke date koro tuwi meté qu ka kama re tero ŋano arete?’ Quko uni ŋundo mande topé ka kama yaró.

13 “Asa wiri yerete uni ṅundo sunará simó ṅande yimiraró, ‘Yendo khí kandí kusiyoya re ranjika mirako uya huriri yendémo ṅuno yoweya. Huriri yendémo ṅunoko tendo piyimi tero metoye kindotowaṅgo.’ ‡

14 “Qeni, Anutuko uni parámi neko yereyote, quko kanatape ma irisa ṅunde naṅge rokó yirini quroyómo uyarewaṅgo.”

Juda unindo Sisa takis meté inowaṅgope ma kini?

(Mak 12:13-17; Luk 20:20-26)

15 Asa Farisi unindo§ huruworo Yesu eneṅo mandíwore kusiyowaṅgo ṅuro khe ka seqaṅguri.

16 Enendo iṅo-iṅo rewero uniyemboya Herot koro topé kumi** ṅu asá yiri Yesuko uyaro ṅande miraṅguri, “Rondaṅe-rondaṅe uni, nore ṅande iṅoyoteto, ko keto Anutu koro kheyó hamó moṅgo naṅge rondaṅe yunoyote. Ko keto uni karo owé morémbe ma kini ṅuro kama iṅoyote.

17 Asa ko ke date iṅote? ṅu meté norendo Sisa†† takis re inowato ṅuko hutuṅo mande wendaṅeyotepe, ma kini?”

‡ 22:13: Uni ṅundo metoye kindotowaṅgo, dokoro surumí parámi tewaṅgo. § 22:15: “Farisi uni” ṅundo, nore Anutu koro hutuṅo mande ṅuro okeyá ta howeyoteto, ye iṅaṅguri. ** 22:16: “iṅo-iṅo rewero uniye” muko unindo Farisi uni ṅuro iṅo-iṅoye howeyaṅguri. “Herot,” owí kako “Antipas,” ṅundo Galili mira sopo yereró. †† 22:17: “Sisa” ṅuko Rom koro wiri yerete uni parámi ṅu. Rom unindo mirane-mirane wini soso sopo yerero ene moṅgo takis siyaṅguri. Juda uni kumimbo takis ṅuro hamó piyimiṅoyaṅguri, dokoro Sisa kasirayómo yowero ṅuro piyimiṅoyaṅguri.

18 Quko Yesuko komo ino-inoye piyimi nu qenero nhande yaró, “Ye uni manḡoye irisa, ye date koro towo neretenḡo? 19 Yendo takis tewero wondo musiyó ka re witú nirika qenewe.” Yiní denarius‡‡ ka rero Yesuko mahenḡurí. 20 Ko Yesuko nhande osese yereró, “Wondo musiyó nḡano kapo-kapo nḡaya owí nḡako daniro qu?”

21 Yiníqo, “Sisa koro qu,” yanḡurí.

Ko enendo nhande yimiraró, “O kumi Sisa koro qu, nu Sisa se inoyi qembe. Ko o kumi Anutu koro qu, nu Anutu se inoyi qembe.”

22 Nunde yiníqo, mande nu inḡoro inḡondata parámi tero roto tonenḡurí.

Sadyusi unindo uni khumowí otoqowaḡo nḡuro Yesu oseseyanḡurí

(Mak 12:18-27; Luk 20:27-40)

23 Nu naruko nanḡe Sadyusi uni§§ kumi Yesuko mahenḡurí. Uni nundo nhande yeyanḡurí, ko unipare khumanḡurí qundo pitu ko kama otoqowaḡo. 24 Asa mahero Yesu nhande oseseyanḡurí, “Rondaḡe-rondaḡe uni, komo Mosesko*** nhande yaró, ‘Uni kato pare rero simó moré kini yate khumoníqo, eneḡo koneyómbó pare nu riní simó pisiyoníqota payómboro sowe qu tunoḡiní.’ ††† 25 Asa inḡo. Naru kano uni

‡‡ 22:19: “denarius” nḡuko Rom koro wondo musiyó ka, asa Rom koro takis tewero wondo qu. §§ 22:23: “Sadyusi uni” nḡuko unindoro huru-huru ka Israel mirako nḡuno yanḡurí. Eneko wondo uni kumi owéye parámi tero unipare soso sopo yereyanḡurí.

*** 22:24: Komo suki “Mosesko” uni parámi tero Israel unipare sopo yereró. Anutuko Sainai purímo hutuḡo mande inoní mande nu rondaḡe unipare yunaró. ††† 22:24: Hutuḡo Mande 25:5-6

kato naŋo-simó kande saŋiyoro irisa pisi yiriní keweronanimo yoraŋgo. Simó korete ŋundo pare rero, yate-yate simóyari moré kini tero khumaró. Njunde ŋuroko simó irisayó ŋundo payómboro parí ŋu raró. ²⁶ Ko ene ŋuya simóyari moré kini khumaró, ko simó kapusayó ŋuya ŋunde naŋge taró. Yate-yate soso ŋunde naŋge taŋgurí. ²⁷ Soso ta khumomukaŋgurí, ko imemoŋgo pare ŋu ŋuya khumaró. ²⁸ Asa yeka iŋowato, unipare khumaŋgurí qundo pitu ko otoqowaŋgo quro naruyómo ŋuno, pare ŋu, danimboro yoweya? Dokoro uni kande saŋiyoro irisa qundo pare kanata ŋu raŋgurí.”

²⁹ Asa Yesuko mandeye topé ŋande yaró, “Yendo mande sokomeko ŋuno nakayaŋaŋgurí ŋuya Anutu koro wimbí ŋuya kama iŋoyi ton-daŋete. Njunde ŋuroko ye mande koroqe yeteŋgo. ³⁰ Unipare khumaŋgurí qundo pitu ko otoqowaŋgo quro naruyómo ŋuno ŋu unipare ŋuko epe re-re kama tewajaŋgo. Kini, eneko sambo simó^{‡‡‡} ŋunde qembe yowaŋgo. ³¹ Quko unipare khumaŋgurí qundo pitu ko otoqowaŋgo quro yeweka iŋoyi. Yendo peka Anutuko mande yeno yaró ŋumbeka kama weyo iŋaŋgurí? Njuko ŋandiro, ³² ‘Nondo Abraham koro Anutuyó, Aisak koro Anutuyó, Yakop koro Anutuyó.’ Asa qeni, Anutu ŋuko uni kindo khumaŋgurí ŋuro Anutuye

^{‡‡‡} **22:30:** “sambo simó” ŋuko komo suki-suki Anutuko unipare kama yoriní tunoqi sambo simó yondowaró. Ko itaka eneŋgo sunará teyoteŋgo.

kini. Uni yoto-yotoye moré nuro Anutuye.” §§§

³³ Unipare gambu nundo Yesu koro mandí nū inoroqo kondé yukuwanḡurí.

*Anutu koro hutuḡo mande korete qu
(Mak 12:28-31; Luk 10:25-28)*

³⁴ Asa Farisi unindo Yesuko Sadyusi* manḡoye kusiyaḡó nū inoro pitu ko huruwanḡurí.

³⁵ Keweroyemo nūnoko hutuḡo mande nūro ino-ino uni† kato Yesu towonḡowero otoqoro ḡande oseseyaró, ³⁶ “Rondaḡe-rondaḡe uni, do hutuḡo mande‡ nundoko mande kondé kumi taka yerete?”

³⁷ Ko Yesuko ḡande miraró, “ ‘Keto Uni Parámi, Anutuke nū, newondekepo, yuḡakepo, ino-inoḡe hamó surumí ino inoyoto qembe.’ §

³⁸ Mande kondé nundoko parámi, ko hamó korete horé yote. ³⁹ Ko mande kondé irisayó nūko nunde nanḡe. Nūko ḡandiro, ‘Keḡomboro inoyote nunde nanḡe topokeporo nūya inoyoto qembe.’ ** ⁴⁰ Nū

§§§ 22:32: Anutuko mande nū Moses miraró (Tonḡḡurí 3:6 weyo qembe). Quko yaró quno Abraham, Aisak, Yakop komo suki khumanḡurí. * 22:34: “Farisi uni, Sadyusi uni” nūko unindoro huru-huruye Israel mirako nūno yanḡurí. Nū Farisi uni nundo Anutu koro hutuḡo mande nūro okeyá ta howero uniparetoro tonḡeyemo owéye parámi tanḡurí. Sadyusi uni nūko wondo uni kumi owéye parámi tero unipare soso sopo yereyanḡurí. † 22:35: “hutuḡo mande nūro ino-ino uni” nundo Anutu koro mande nū unipare rondaḡe yunoyanḡurí. ‡ 22:36: “hutuḡo mande” nūko komo suki Anutuko Sainai purímo Moses inoní Israel unipare yunaró. Mande nūko Juda uniparetoro yoto-yotoye soso sopoyaró. § 22:37: Hutuḡo Mande 6:5 ** 22:39: O Qa-qa Uni 19:18

mande kondé irisa ηuko Hutuηo Mande koya Ye-ye Unindoro mandeye soso^{††} koro murí.”

Kristo ηuko danimboro naηuní?

(Mak 12:35-37; Luk 20:41-44)

⁴¹ Asa Farisi uni^{‡‡} ηundo ηuno huruwoyuriqo, Yesuko ηande osese yereró, ⁴² “Yendo Kristo ηuro date iηoteηgo, ηuko danimboro naηuní?”

Yini ηande yaηgurí, “Dewit koro naηuní.”

⁴³ Yi ηande osese yereró, “Asa date tero Dewit eneηombo Yuqa Surumíwore uni ηuro ‘Uni Parámi,’ ye nekaró? Enendo ηande yaró,

⁴⁴ “ ‘Uni Parámi ηundo uni parámíne ηu ηande miraró,

“Kandene kondésina kunditeka nondo saηgiríηge soso yorewe keηo kusuηokemo yowaηgo.” ’

⁴⁵ Dewitko uni ηuro ‘Parámíne,’ yero nekaró. Asa date tero uni ηuko Dewit koro naηuní?” ⁴⁶ Nunde yiniqo, uni kato topé tewero mepémo kini. Ko ηu naruko yate uni soso sasaro tero Yesu oka karo kaηuya kama oseseyaηgurí.

23

Unindo oteteye piyimi ηundo topé piyimi rewaηgo

(Mak 12:38-40; Luk 11:39-52; 20:45-47)

¹ Asa Yesuko unipare qambu ηuya iηo-iηo rewero unindoya yimitoro ² ηande yaró, “Hutuηo mande ηuro iηo-iηo unindoya Farisi

^{††} 22:40: “Hutuηo Mande koya Ye-ye Unindoro mandeye” ηuko Anutu koro mande korete qu. ^{‡‡} 22:41: “Farisi uni” ηundo, nore Anutu koro hutuηo mande ηuro okeyá ta howeyoteto, ye iηaηgurí.

uni* ηundoko Moses† koro meté ranğurí. ³ Nunde ηuroko mande soso yimirotenğo ηuko yendo iño howeyuri qembe. Quko eneño muriye ma howewero. Dokoro enendo eneño mandeye kama howeyotenğo. ⁴ Enendo oka quhurí piyimi uni sanğayemo kusiyoyi korowoyotenğo.‡ Quko samaka-samaka ka kama yunoyotenğo.

⁵ “O soso teyotenğo ηuko, unindo niyowañoğo yero teyotenğo. Enendo pusi§ pará-pará kembayemo kusiyoyotenğo, ko tuwiye muko masi-masi piru moré.** ⁶ Enendo o ne-ne naruko yakutí korete quño ηuno etewero hamó iñoyotenğo,†† ko huru-huru yano kundite-kundite korete quño ηuno kunditewero iñoyotenğo. ⁷ Yendémo ηuno enendo unipareto eneya naru meté yewañoğo ηuro hamó

* **23:2:** “hutunjo mande ηuro iño-iño uni” ηundo Anutu koro mande ηu unipare rondaqe yunoyanğurí. “Farisi uni” ηundo, nore Anutu koro hutunjo mande ηuro okeyá ta howeyoteto, ye iñanğurí. † **23:2:** Komo suki “Mosesko” uni parámi tero Israel unipare sopo yereró. Anutuko Sainai purímo hutunjo mande inoní mande ηu rondaqe unipare yunaró. ‡ **23:4:** “o quhurí” ηuko oresaka mande enesó-enesó nanğe. § **23:5:** “pusi” ηuko punğe makao kowímbo toworo Anutu koro mande kumi nakayáñoro sokome tomó-tomó ηu pusi quroko rero umu-kembayemo kandímo kusiyoyanğurí. Komo suki Anutu koro hutunjo mande ηande yaró, ko uni soso ηunde tewanğo (Tonğenğurí 13:9; Hutunjo Mande 6:8; 11:18 weyo qembe). ** **23:5:** “masi-masi” ηuko Juda unindo Anutu koro hutunjo mande howero tuwiyemo kusiyanğurí (Qambuye 15:37-38 weyo qembe). †† **23:6:** Nηu naruko ηuno uni kumimbo o neyanğo quño ηuno kama kunditanğurí. Kini, enendo yakutímo piñoye etero kande tesina rondaqero ηunde sanğaqero kande kondésinambo o nanğurí.

inoyotenjo, ko unindo, ‘Rapi,’ ‡ ye neko nerewanjo, yero inoyotenjo.

8 “Nunde njuroko unindo yeya, ‘Rapi,’ yero kama neko yerewanjo. Dokoro kanata na yejo rondaqe-rondaqe uniye, ko yeko soso topo njunde nanje. 9 Ko nokono njano uni ka ‘Awanani’ ye ma nekowero. Kanata njundo nanje yejo awaye, ko enendo samboko yote. 10 Ko yeya, ‘Uni Kembé,’ yero kama neko yerewanjo. Yeko uni kembéye kanata na, njuko Kristo§§ ju. 11 Yejo uni parámiye njundoko yejo sunará simóye yoweya. 12 Uni ka enejo owí hokoyoweya, njuko owí muko umbuweya. Ko uni ka owí riní umbuyoweya, njuko owí parámi reweya.

13 “Ye hutujo mande njuro ino-ino unin-doya ye Farisi uni njuya, yeko uni manjoye irisa. Ininiyaqe, quhurí piyimi korowowanjo. Yeko sambo simburímbo unipareyó wiri yereyote naruyómboro*** makoyó wisumujoyotenjo. Yeñomboko quroyómo kama oyotenjo. Ko unipare quroyómo owero tiqo, yendo oreye kusiyoy-

‡ 23:7: “Rapi” njuro murí muko njandiro, “Rondaqe-rondaqe Uni.” §§ 23:10: “Kristo” njuko Yesu nanje, asa Anutuko rokóhoni mahero wiri yerete uni parámi horé tunoqaró ju. *** 23:13: “sambo simburímbo unipareyó wiri yereyote naruyómo” njuno inondutu unipareko hamó Anutu kusujoyómo yowanjo.

otenggo. ¹⁴ (-)†††

¹⁵ “Ye hutunjo mande njuro injo-injo unindoya ye Farisi uni njuya, yeko uni manjogye irisa. Ininiyaqe, quhurí piyimi korowowanjo. Yeko windi soso andusina quno njuno uyaro mirane-mirane soso uyaro Juda koro muriye rondaqe yunoyotenggo. Ko uni njundo inoro howero taka yerero o piyimi horé teyotenggo.

¹⁶ “Yeko tonjeye pokamowí mundo uni khe witú yereyotenggo. Ininiyaqe, quhurí piyimi korowowanjo. Yendo njande yeyotenggo, ‘Ko uni kato, “Ya Surumímbo††† mandene riní kondérete,” §§§ yeweya tiníqo, mandí njuko kondé horé kini. Quko, “Gol njuko Ya Surumí njuno yote qundo mandene riní hamó kondérete,” yeweya tiníqo, mandí njuko kondé tiní njuro rotowero mepémo kini.’ ¹⁷ Yeko kape tonjeye pokamowí. Qeni, Ya Surumímbo gol njuro riní Anutu tonjimo meté horé tete, hamómbe? Asa ko Ya Surumímbo gol njuro takayote.

††† **23:14:** Komo suki Matyuko mande soso njuro nakayáharó, ko imemonggo uni meyowo peka mande kanjuya njano sowe taró. Mande njuko njandiro yaró: ¹⁴ “Ye hutunjo mande njuro injo-injo unindoya ye Farisi uni njuya, yeko uni manjogye irisa. Ininiyaqe, quhurí piyimi korowowanjo. Yendo wapu koro ya qu siyotenggo. Kowe owé rewero quro hariri piru sanja teyotenggo. Imemonggo o soso njuro kimoyó piyimi rewanganjo.” ††† **23:16:** “Ya Surumí” njuko Anutu koro ya qu, njunoko Juda unipareto Anutu koya huruwowero quro hu-hariri teyanjurí. §§§ **23:16:** Njuro naruko njuno uni kato enejo mande kusiyaró njuro kondérewero quro mande kanjuya yaró. Mande kanjuya njuko enejo mandí wimbí inoní uni meyowo njande ye inowanjo, peka, “Enendo mande hamó nanje yete.”

18 “Ko yendo n̄ande yeyoten̄go, ‘Ko uni kato, “Wondo yakutí* n̄undo mandene riní kondérete,” yeweya tiníqo, mandí n̄uko kondé horé kini. Quko, “O qa-qa† wondo yakutí sañano yote qundo mandene riní hamó kondérete,” yeweya tiníqo, mandí n̄uko kondé tiní n̄u rotowero mepémo kini.’”

19 Yeko ton̄eye pokamowí. Qeni, wondo yakutí n̄undo o qa-qa n̄u riní Anutu ton̄ímo meté horé tete, hamómbe? Asa ko wondo yakutí n̄undo o qa-qa n̄u takayote. 20 N̄unde n̄uroko uni ka wondo yakutí n̄undo mandí riní kondéreyote n̄undo wondo yakutí n̄uya o qa-qa sañano yote n̄undo mandí riní kondéreyote. 21 Ko uni ka Ya Surumímbo mandí riní kondéreyote n̄undo Ya Surumí n̄uya Anutu n̄uno yote n̄undo mandí riní kondéreyote. 22 Ko uni ka sambo n̄undo mandí riní kondéreyote n̄undo Anutu koro yakutí n̄uya Anutu n̄uno kunditeyote n̄undo mandí riní kondéreyote.

23 “Ye hutun̄o mande n̄uro in̄o-in̄o unindoya ye Farisi uni n̄uya, yeko uni man̄goye irisa. Ininiyaq̄e, quhurí piyimi korowowan̄go. Yendo o tomó ta khono woteyote n̄u siyoro rondan̄i kande irisa tiní kanata rero Anutu inoyoten̄go. Quko hutun̄o mande‡ pará-pará kumi rotoyoten̄go. Mande n̄uko n̄andiro, murí roneneñowí mu te

* **23:18:** “wondo yakutí” n̄uko o qa-qa unindo n̄u yakutímo n̄uno o qa-qa tan̄gurí. † **23:18:** “o qa-qa” n̄unde qu unipareto Anutu in̄oro potorku te inoro nú-qare ka o qa-qa uni inoyi uroní khumoní wondo yakutímo n̄uno qaró. ‡ **23:23:** “hutun̄o mande” n̄uko komo suki Anutuko Sainai purímo Moses inoní Israel unipare yunaró. Mande n̄uko Juda uniparetoro yoto-yotoye soso sopoyaró.

yunoyi qembe, sikíye te yunoyi qembe, mande komo kusiyangurí ñu howi qembe. Asa ye meté ñu hutuño mande pará-pará ñu teya mande tomó ñuya ma rotowero. ²⁴ Yeko toñeye pokamowí mundo uni khe witú yereyotenngo. Yendo topa kano kuni tomó ta-ta qenero koweyumu tero se rotoyotenngo. Quko ñu kamel§ parámi ñuno yote ñu kama qenero kinange neyotenngo.

²⁵ “Ye hutuño mande ñuro iño-iño unindoya ye Farisi uni ñuya, yeko uni mangoye irisa. Ininiyaqe, quhurí piyimi korowowañgo. Yeko topa sañanimo ko kondó sañanimo sonowoyi kekere ta sara memeri teyote ñundiro. Quko quroyómo ñunoko murí piyimi, asa situwiye ta yerewero murí ko eneñomboro iñoyowero murí, ñu mangozeyote. ²⁶ Ye Farisi uni, yeko toñeye pokamowí. Koreterogo, topa quroyómo ñu sonowoyi sara tiníqo, sañanimo ñu ñuya sara teweya.

²⁷ “Ye hutuño mande ñuro iño-iño unindoya ye Farisi uni ñuya, yeko uni mangoye irisa. Ininiyaqe, quhurí piyimi korowowañgo. Yeko uni khumañgurí tapu yerewero ya qu^{**} sañanimo sono sara-sara qundo sonowoyotenngo ñunde qembe. Sañanimo ñuko qenewero meté horé, quko quroyómo ñunoko uni khumowímboro wimbuye quya o pusú piyimi mu mangozeyote. ²⁸ Ye ñuya ñunde nanqe yotenngo. Unindo

§ 23:24: “kamel” ñuko númbowe parámi ka, ko tuwi tinjiyowero tisi wituyó ñuko tomó horé. ^{**} 23:27: Ñu naruko ñuno Juda uni kumimbo uni khumañgurí ya kano tapu yerengurí. Ya ñuko ya horé kini, uni khumowímboro nanqe.

kowe ye qeneyotenjo, enendo yembeka uni ronenejowí,^{††} ye injoyotenjo. Quko yejo quroyemoko manjogye irisawore yewero murí ko hutunjo mande wendaqewero quro murí njuno yote.

²⁹ “Ye hutunjo mande njuro injo-injo unindoya ye Farisi uni njuya, yeko uni manjogye irisa. Ininiyaqe, quhurí piyimi korowowanjo. Yeko ye-ye unindoro^{‡‡} tapu yerewero ya qu njuro reyotenjo, ko uni ronenejowí njuro tapu yerewero ya njuro núsawa te ronjaruwoyi kekere teyote. ³⁰ Njunde tero njande yeyotenjo, ‘Nore usisambatoro naruko njuno yoratoró tiníqo, asa nore ye-ye uni kama jurato khumowanjo.’ ³¹ Njuro mande njundoko yejo njande witú yerete, yeko unido ye-ye uni yuroyi khumanjurí njuro nanjo-simóye. ³² Asa njundiroko ye tonjeya usisambayembo murí piyimi njuro mepémo siyomukoyi.

³³ “Ye sire piyimi njuro simó. Ye date kewá piyimimo^{§§} njuno kama uwanjo? ³⁴ Injoi. Njuro murí njuro nondo ye-ye uni ko uni injo-injoiye meté qu ko hutunjo mande rondaqe yunowero uni asá yerewe yeno uyarewanjo. Uyaríqo, kumi yuroyi khumoyi yorero tipiririko^{***} poro yerewanjo. Ko kumi yejo huru-huru yaye quroko haususu yerero yendéye monjo yohowewanjo. ³⁵ Njunde

^{††} 23:28: “uni ronenejowí” njuro Anutuko qenero potó moré kini tiní enenjo uniyó tunoqete. ^{‡‡} 23:29: “ye-ye uni” njuro Anutuko mandí yunoní unipare yunanjurí. ^{§§} 23:33: “kewá piyimi” njuro naru wenjako njuno quhurí unipareto topé piyimi rero kewáko njuno naru suki-suki yoqaweya. ^{***} 23:34: “tipiriri” njunde quko wiri yerete uni kumimbo enenjo uni sanjiríye yorero njuno uroyi khumoyanjurí.

teroqo, uni roneneḡowí mu soso nokono yuroyi khumaḡurí ḡuro sitúye ye saḡayemo yoweya. Ḥu sitú ḡuko uni roneneḡowí soso koro sitúye, asa Apel koro sitú windoroḡaró ḡu nonḡo yate-yate Sekaraia rero wondo yakutí koya Wembó Surumí koya keweroyarimo uroyi sitú windoroḡaró.†††
³⁶ Ye hamó yimiroteno, o soso ḡuro kimoyó piyimi ḡu unipare itaka ḡano yoteḡo qu saḡayemo umbuweya.

*Yesuko Yerusalem ḡuro newonde surumí taró
 (Luk 13:34-35; 19:41-44)*

³⁷ “Yerusalem, Yerusalem, yendo ye-ye uni‡‡‡ yuri khumoteḡo, ko uni Anutuko asá yiriní maheyoteḡo ḡu wondo saḡayemo raḡoyoteḡo. Naru qambu nondo kotoriko simó se wire quroko poka yereyote ḡunde qembe simóḡe se kopo yerewero inoyano. Quko yendo ḡuro piyimiḡoyanḡo. ³⁸ Inoyi, itakako yaye hamó piyo tiní ye kina yowanḡo. ³⁹ Dokoro, nondo ḡande yimirowe, ye no kaḡuya kama niyowanḡo, yate yendo ḡande yewanḡo, ‘Uni Parámimboro owímo mahete ḡundo puriḡo riní!’ ”

24

*Naru weḡa ḡuro rokó ḡu
 (Mak 13:1-13; Luk 21:5-19)*

††† 23:35: 2 Sowo Mande 24:20-22 weyo qembe. ‡‡‡ 23:37: “ye-ye uni” ḡuko Anutuko mandí yunoní unipare yunḡurí.

1 Yesuko Ya Surumímboro* honḡo ḡu roto toḡiní inḡo-inḡo rewero uniyómbó† mahero Ya Surumímboro pase tomó-tomó soso witúnḡoyi qeneró. 2 Qenero ḡande yimiraró, “Ye sosopo pase keke-kekere ḡa qeneyotengope? No hamó horé ye yimiroteno, imemḡoḡo wondo itaka epe saḡa-saḡa rero towaḡgurí mu soso raḡi umukoweya.”

3 Yero oro mira purí Oliv ḡuno kunditaró. Kunditiní inḡo-inḡo rewero uniyómbó naḡḡe mahero mondó ta ḡande oseseyaḡgurí, “Keto nimitoka inḡato, do naruko tunoḡeweya? Ko tunoḡewero tete ḡuro do rokó ka teweya?”

4 Asa Yesuko mandeye topé ḡande yimiraró, “Ye kondé toḡeteyuri. Kota uni kato mahero ye kaná yereweya koro. 5 Dokoro, uni qambu qundo mahero no owéne nekoró ḡande yewaḡḡo, ‘Kristo‡ ḡuko no,’ yewaḡḡo. ḡunde yero unipare qambu kaná yerewaḡḡo. 6 Yeko kuma parámi teyotengḡo ḡuro piḡa mande inḡowaḡḡo, ko kuma parámi tunoḡeweya ḡuro piḡa mande inḡowaḡḡo. Asa ye kondé toḡeteyuri qembe. Ma yukuwowero. O soso ḡuko hamó maheweya, takawero mepémo kini. Quko naru maheweya ḡuko naru weḡa qu kini. 7 Uni wini kato asa uni wini enesó-enesó kaya kuma ri otoḡoweya. Asa wiri yerete unindoro kuma uni qundo otoḡoro wiri yerete uni enesó-enesómboro kuma uni quya

* 24:1: “Ya Surumí” ḡuko Anutu koro ya qu, ḡunoko Juda unipareto Anutu koya huruwowero quro hu-hariri teyaḡgurí.

† 24:1: “inḡo-inḡo rewero uni” ḡundo Yesu koya uyaro inḡo-inḡo rondaḡe yunoyaró. ‡ 24:5: “Kristo” ḡuko Anutuko rokóḡoni maheweya ḡu.

kuma tewango. Mirane-mirane korare koya kunduru parámi ñu ñuya tunoqeweya. ⁸ O soso ñuko pare qahu soso qundo simó pisiyowero tero kowe surumí tete ñunde qembe.

⁹ “Ñu naruko ñunoko ye yondoworo uni piyimi kandeyemo yorotoyi o quhurí ye yunoro yuri khumowango. Ko uni wini soso ñundo yeño kondé piyimiño yunowango, dokoro yendo neneño owéne nekoyotenjo. ¹⁰ Ñu naruko ñunoko inondutu unipare qambu qundo inondutuye rotoro eneño topoye ñuro kondé piyimiñoro uni piyimi kandeyemo yorotowango. ¹¹ Kowe ye-ye uni kota-kota wata otoqoro unipare qambu kaná yerewango. ¹² O piyimi kate-kate parámi horé tunoqeweya, asa ko uni qambu qundo topotoya newonde meté yunowero murí ñu roti toñeweya. ¹³ Quko dani kato kondé kañeyate rambaruru takaweya. ¹⁴ Asa ñundo mira enesó-enesómo unindo Anutuko unipareyó wiri yereyote naruyó ñuro miti mande ña uni wini enesó-enesó yesowoyiqota naru wenja qu tunoqeweya.

*O piyimi horé ka tunoqeweya
(Mak 13:14-23; Luk 21:20-24)*

¹⁵ “Asa ko naru kano o piyimi horé ka komo ye-ye uni Danielko ñuro yesowaró ñuno qu§ mahero yendé meté horé muno ñuno yoweya. (Ye sokome ña weyotenjo qu, weyo injika tondanini.) ¹⁶ Asa ñu naruko ñuno ye soso Judia mirako yotenjo quko yendéye rotoya mira purímo waka ta tonji

§ 24:15: Daniel 9:27; 11:31; 12:11 weyo qembe.

qembe. ¹⁷ Uni ka ya umómo** yoweya quko oyó siyowero quro ya quroko ma uwero. ¹⁸ Kowe uni ka khono yote tiníqo, tuwi ka tapémo rota nju nyaya ma rewero. ¹⁹ Nju naruko njuno ye pare qahu tete, ko simó susu yunoyotenjo qu, ininiyaqe, quhurí piyimi korowowaŋgo. ²⁰ Yeko njande hariri ti qembe, asa sorewero naru njuko seno matú mopowímo njuno kama tunoqeweya, ko Sapat naruko†† njuno kama tunoqeweya. ²¹ Dokoro nju naruko njuno o quhurí parámi horé qu tunoqeweya. Hamó, Anutuko noko towaró nju nonjo yate arero naru njanoko, o quhurí ka njunde qu komo kama tunoqaró. Kowe imemonjo o quhurí ka njunde qu pitu ko kama tunoqeweya.

²² “Asa Anutuko naru piyimi nju riní tukuni kama tiníqo, unipare soso piyo temukowaŋgo. Quko enendo unipareyó rokó yereró njuro injoro naru nju riní tukuni ta teweya. ²³ Nju naruko njuno nanje, ko uni kato yeya njande yeweya, ‘Qeni, Kristo‡‡ njuno qu njano yote,’ ma ‘Andu yote anduqe,’ ye njuro injondutu ma tewero. ²⁴ Dokoro, Kristo kota-kota koya ye-ye uni kota-kota koya mahero Anutuko unipare rokó yereró nju kaná yerewero o parámi wimbí moré qu tewaŋgo. ²⁵ Asa nondo itaka o soso njuro yimiroweqota tunoqeweya quno njuno yendo inji tondaŋeweya.

²⁶ “Njunde njuroko ko uni kato njande yewaŋgo,

** **24:17:** Nju naruko njuno “ya umó” soso njuko surujo kini, papare nanje, ko unipare meté owero kunditeyaŋgo. †† **24:20:** “Sapat naruko” njuno Juda unipareto khe piru khetewero mepémo kini, hutujo mandeko sore yereró. ‡‡ **24:23:** “Kristo” njuko Anutuko rokójoní maheweya nju.

‘Kini, enendo andu mira wimbímo andu yote anduqe,’ asa ye ɲuwore ɲuno ma uyarewero. Kowe enendo ɲande yewaŋgo, ‘Kini, uni ɲuko ya quoko ɲano naŋge yote,’ asa ye iɲondutu ma tewero. ²⁷ Dokoro Unindoro Naɲuní§§ maheweya ɲuko kusiro rowá ɲuko kosa aretewore nonɲo sineqero kosa pusunetewore uyote ɲunde qembe. ²⁸ Ukúŋo dano yote quno ɲuno nú saŋgirí parámi ɲundo ɲuno mahero kopoyoteŋgo.

*Unindoro Naɲuní ɲundo pitu ko maheweya
(Mak 13:24-31; Luk 21:25-33)*

²⁹ “Naru piyimi ɲuko kini tiníqo, imemoŋgo ta

“ ‘kosa ɲuko huriri tiní
kombo ɲuko kama hiyóqini
tutu soso ɲuko sambo koŋgo umbuyi
o soso wimbí moré mu samboko yote qu
yukuwowaŋgo.’

³⁰ “Nu naruko ɲuno Unindoro Naɲunímboro rokóŋo samboko aweno tunoqeweya. Kowe uni wini soso mira soso quno ɲuno tendo mukuru tero toɲetero qenewaŋgo. Unindoro Naɲuní koporé kewerowore wimbí moré tero sine parámi*** horémo mahini unipare soso qenewaŋgo. ³¹ Mahero ungu yini eneɲombo sambo simó††† asá yirini toɲero unipare rokó yereró qu soso ta roŋgopo yerewaŋgo. Sambo simó ɲundo

§§ 24:27: “Unindoro Naɲuní” ɲuko Yesu naŋge. *** 24:30: “sine parámi” ɲuko eneɲo owé parámi ɲunde qembe, eneɲo o soso meté horé mu. ††† 24:31: “sambo simó” ɲuko komo suki-suki Anutuko unipare kama yorini tunoqi sambo simó yondowaró. Ko itaka eneɲo sunará teyoteŋgo.

mira kawore-kawore nonḡo roḡgopo yereyate uro mira weḡawore qu yore mahemukowaḡo.”

³² “Yeḡombo naḡe kewá fik ḡu qenero iḡondutu rero qeni qembe. Naru kano kambinímbo sono woso remukoní komiri keta qu woti qeneroqo, yeḡombo, kosa naru meté tewe tete, ye iḡowaḡo. ³³ Nḡndiro naḡe o soso yeteno ḡako tunoqiníqo, ḡande iḡowaḡo, Unindoro Naḡuní ḡuko woso kutaqemo mahete, mako rorowo ḡano kaḡete, ye iḡi qembe. ³⁴ Nondo hamó horé ye yimiroteno, unipare itaka yorotenḡo quko toḡeye watí yoníqo, o soso ḡa tunoqeweya. ³⁵ Sambo koya noko koya kini tewari, quko mande yeteno ḡako kama kini teweya.

*Do naru pitu ko maheweya ḡu kama iḡoteto
(Mak 13:32-37; Luk 17:26-30,34-36)*

³⁶ “Uni kato o ḡu tunoqeweya naruyó ḡu kama iḡote. Hamó, sambo simó^{‡‡‡} ḡuya Naḡuní^{§§§} ḡuya kama iḡotenḡo. Iwímbo^{*} enesó naḡe naruyó ḡu iḡote. ³⁷ Qeni, Unindoro Naḡuní[†] maheweya quro naru ḡuko Noa koro naruyó ḡunde qembe. ³⁸ Asa sono riru parámi kama tunoqeyoní unipareto o ne-ne parámi tero epe re-re teyuri, yate Noako waḡo quroko uró. ³⁹ O eneno tunoqeweya ḡu kama iḡi tondaḡiní sono riru parámi

^{‡‡‡} **24:36:** “sambo simó” ḡuko komo suki-suki Anutuko unipare kama yoriní tunoqi sambo simó yondowaró. Ko itaka eneḡo sunará teyotenḡo. ^{§§§} **24:36:** “Naḡuní” ḡuko Anutu koro Naḡuní, asa Yesu naḡe. ^{*} **24:36:** “Iwí” ḡuko Anutu naḡe. [†] **24:37:** “Unindoro Naḡuní” ḡuko Yesu naḡe.

tunoqero unipare soso ta rambaruru yereró.‡ Unindoro Nanuní maheweya nuko nunde nanqe tunoqeweya. ⁴⁰ Naruko nuno uni irisa khono yoriqo ka rewango, ka rotowango. ⁴¹ Pare irisa kandeto wit musiyó rumuniñori ka rewango, ka rotowango.

⁴² “Nunde nuroko ye kondé tojetyuri. Do naruko yeño uni parámiye maheweya nuko ye nu kama inotenjo. ⁴³ Quko naro inoyi, ya simburímbo do naru horé nuno momo uni nundo maheweya nu inote tiníqo, kawaware meté horé tiní ene yayó usowowero mepémo kini. ⁴⁴ Ye nuya sopo tojete yuri. Dokoro Unindoro Nanuní nundo do naruko nuno maheweya, nu ye kama inotenjo.

Kho simó meté, kho simó piyimi nuro tapara mande

(Luk 12:42-46)

⁴⁵ “Sunará simó kato suki-suki kho meté tero ino-inoyó muko meté nanqe. Sunará simó nunde qu uni parámiyómbo qenero khoyó inoní ya soso soporo naru metémo sunará simó meyowo wutu yereyote. ⁴⁶ Asa uni parámiyómbo mahiní sunará simó nundo kho meté teyote nundo meté horé yoweya. ⁴⁷ Hamó horé yimiroteno, uni parámimbo enejo situwiyó soso rero sunará simó nuro kandímo rotoní sopoweya. ⁴⁸ Quko sunará simó nundo newondí monjo nande inoweya, peka, uni parámíne muko waka ta kama maheweya, ⁴⁹ yero otoqoro kho kopo topé yutoro enejo o qímboro nero wain nero kape-kape tero yoweya, peka. ⁵⁰ Asa sunará simónjomboro uni

‡ 24:39: Murí Tero 6:1-17 weyo qembe.

parámiyómbo sóqero mahiní naru ηuro ye kama injoyi tondaηeweya. ⁵¹ Mahero ene sunará simó ηu sukepo puηo-puηo toηoro uni maηgoye irisa quya ηuno rotoweya. Njulina ηunoko tendo piyimi tero metoye kindotowaηgo. §

25

Pare keta kande irisa ηuro tapara mande

¹ “ηu naruko ηunoko sambo simburímbo unipareyó wiri yereyote naruyó* ηuko ηande teweya. Asa uni ka epe re-re keta taró. Tiní pare keta kande irisa suruye siyoro kheko kopowero sowaηgurí. ² Kande kasina ηuko pare kape-kape ko kande kasina ηuko ino-inoye meté. ³ Pare kape-kape ηundo suruye siyoro mahηgurí, quko suruyembo sonoyó meyowo ηu ka kama re mahηgurí. ⁴ Pare ino-inoye meté ηundoko sonoyó meyowo ηuya kusíηoro suruye ηuya se mahηgurí.

⁵ “Asa uni epe re-re keta taró ηu waka kama maheró, ηunde ηuroko pare ηu soso kupo tero eteyaηgo. ⁶ Eti suwo keweroko uni kato ηande nekoní inηηgurí, ‘Uni ka epe re-re ta ηuno qu mahete ηa. Ye maheya kheko kopoyi.’

⁷ “Injoro soso otoqoro suruye se roηgaruwaηgurí. ⁸ Pare kape-kape ηundo pare ino-inoye meté ηande yimirηgurí, ‘Yendo sonoye

§ 24:51: Uni ηundo metoye kindotowaηgo, dokoro surumí parámi tewηgo. * 25:1: “sambo simburímbo unipareyó wiri yereyote naruyómo” ηuno inondutu unipareko hamó Anutu kusunoyómo yowaηgo.

ka se nore nunoyi,' yangurí. 'Noreño surunani tukuni ta winzumowero teteŋgo.'

⁹ "Nunde yiŋo, pare iño-iñoŋe meté nundo mande topé nande yangurí, 'Kini, sonoyó nako nore soso mepémo kini. Meté ye toŋeya ya o soweyoteto qu nonŋo yeŋombo kimo ti.'

¹⁰ "Asa sonoyó kimo tewero roto toŋikata uni ŋu pare raró ŋu maheró. Mahiní pare kande kasina o ronŋaruwanŋurí ŋu uni nuya epe re-re koro o ne-ne tanŋurí ŋu newero ya quroko onŋurí. Ko unindoko mako tuŋanŋurí.

¹¹ "Imemonŋo pare meŋowo ŋu enepa nanŋe mahero nande yangurí, 'Uni Parámi, Uni Parámi, mako kosoka nore oto.'

¹² "Quko enendo mande topé nande yaró, 'No hamó ye yimiroteno, ye kama iño yunoteno.' "

¹³ Ko Yesuko nande yaró, "Nunde nuroko ye kondé toŋeteyuri qembe. Do naruko no pitu ko mahewano nuko ye kama inŋotenŋo.

Kho unindo wondo musiyó sopoyanŋurí nuro tapara mande

(Luk 19:11-27)

¹⁴ "Qeni, Anutuko unipareyó wiri yereyote naruyó† nuko nandiro. Uni kato yendé kapiyamo toŋewero inoro sunará simóŋo neko yerero ononŋoyó sopoyowero kho qu yunaró. ¹⁵ Enendo sunará simó kanata-kanata iño-iñoŋe qene ron-daŋero mone rondaŋero yunaró. Ko kako wondo musiyó 5,000 inaró, ko kako 2,000 inaró, ko kako 1,000 inaró. Yunoní kini tiní toŋeró. ¹⁶ Toŋiní

† 25:14: "Anutuko unipareyó wiri yereyote naruyómo" nuno inŋondutu unipareko hamó Anutu kusunŋoyómo yowanŋo.

uni wondo musiyó 5,000 raró ñundo mone kho teroqo, 5,000 kañuya sowe tero raró. ¹⁷ Ko uni 2,000 raró ñu, ene ñuya mone kho tero 2,000 kañuya sowe tero raró. ¹⁸ Quko uni 1,000 raró, ñundoko nokono meré sero uni parámiyómboro mone ñu re tapuñaró.

¹⁹ “Naru piru sanğa yateqo, sunará simó ñuro uni parámiye pitu ko maheró. Mahero mone se yunaró ñuya mande roñgaruwanğurí. ²⁰ Ko uni wondo musiyó 5,000 raró ñundo mahero 5,000 kañuya re mahero ñande yaró, ‘Uni Parámi, keto wondo musiyó 5,000 nunaró. Asa qeno, nondo mone kho tewe 5,000 kañuya tunoqaró.’

²¹ “Yiní uni parámiyómboro ñande miraró, ‘Keko sunará simó meté, kho meté horé ta teyara. Keto o tomó ta-ta qu meté horé soparó, ñunde ñuroko nondo, keto o parámi sopoweya, ye inotenno. Ke maheya noya niñgu-niñgu te.’

²² “Ko uni wondo musiyó 2,000 raró ñundo ñuya mahero ñande yaró, ‘Uni Parámi, keto wondo musiyó 2,000 nunaró. Asa qeno, nondo mone kho tero 2,000 kañuya ranowó.’

²³ “Yiní uni parámiyómboro ñande miraró, ‘Keko sunará simó meté, kho meté horé ta teyara. Keto o tomó ta-ta qu meté ta sopoyaró, ñunde ñuroko nondo, keto o parámi sopoweya, ye inotenno. Ke maheya noya niñgu-niñgu te.’

²⁴ “Ko uni wondo musiyó 1,000 raró ñundo ñuya mahero ñande yaró, ‘Uni Parámi, no komo inanowó, keko tiwi uni. Keto na uni meyowombo khono o newero qu rimiyotenğo ñu siyoyote. Ko uni meyowombo o yuwoyó mira

kano raṅoyoteṅgo ṅu, keto na o woteyote ṅu se kopoyote. ²⁵ Ṃunde ṅuroko sasaro tero keṅo moneke re uyaro noko sero tapuṅanowó. Moneke ṅuna.’

²⁶ “Ṃunde yini uni parámíyómbó mande topé ṅande miraró, ‘Keko sunará simó piyimi, keto wimbuma uni tete. Ke ṅande inoyote, no uni meywombo khono o newero qu rimiyoteṅgo ṅu siyoyoteno, hamómbe? Ko uni meywombo o yuwoyó mira kano raṅoyoteṅgo ṅu, nondo o woteyote ṅu se kopoyoteno, hamómbe?’ ²⁷ Asa ko ke date koro wondo ṅu rero wondo yano kama raró? Ṃunde tiqo, wondo ya simburímbo wondo kaṅuya saṅanímó riní no maheweqo, neneṅo wondo ṅuya wondo saṅanímó ṅu ṅuya nunoweya.

²⁸ “ ‘Ṃunde ṅuroko wondo musiyó 1,000 ṅu rero uni ṅu wondoyó 10,000 moré ṅu inoyi. ²⁹ Dokoro, uni soso oye kumi moré, ko nondo kaṅuya se yunowano. Quko uni kanata kato oyó moré kini, asa o tomó ta ka towote, ṅuko nondo ene nonṅo re rotowano. ³⁰ Asa yendo sunará simó piyimi ṅu howi mirako uro huriri yendémo ṅuno uweya. Ṃusina ṅunoko tendo piyimi tero metoye kindotowaṅgo.’ †

Unindoro Naṅunímbo unipare soso ronda yereweya

³¹ “Unindoro Naṅuní§ ṅundo sine parámíyómbó

† 25:30: Uni ṅundo metoye kindotowaṅgo, dokoro surumí parámi tewāngo. § 25:31: “Unindoro Naṅuní” ṅuko Yesu naṅge.

sambo simóñomboya** soso mahewango quño ñuno eneño wiri yerete unindoro yakutí meté horé ñuno kunditeweya. ³² Kunditiní uni wini soso mahero eneño tonímo huruwowango. Ko enendo ronda yerero wini irisa ñunde yorotoweya, ñundiro sipsip sopo-sopoko sipsip kasina meme kasina ronda yereyotengo ñunde teweya. ³³ Ko sipsip yorero kandí kondésina yorotoro meme yorero kandí tesina yorotoweya.

³⁴ “Asa kowe wiri yerete uni ñundo unipare kandí kondésina ñu ñande yimiroweya, ‘Komo suki Anutuko noko sambo kama toworo ye wiri yerewero ñuro ñoro naru ñunde qu roñgaruwaró. Asa ko ye awanembo puriño yunaró ñu, ye mahero ñu naruko ñuno oyi qembe. ³⁵ Dokoro, komo no o qonemboro khumowego, yendo o qonemboro tanğurí. Sono koro khumowego, sono nunanğurí. Yendé meyowo moñgo mahewego, norero yayemo oñğurí. ³⁶ Tuwine moré kini yowego, tuwi nunanğurí. Se khumo tewego, sopo nerenğurí. Kusi-kusi yano yowego, mahe niyanğurí.’

³⁷ “Ñunde yiní unipare roneneñowí†† ñundo mande topé ñande mirowango, ‘Uni Parámi, do naruko nore ke kiyato qoñgeporo khumoyiqo, o newero qu kunatowó? Ko do naruko sonondoro khumoyiqo, sono kunatowó? ³⁸ Ko do naruko yendé meyowo moñgo mahiqo, kiyoro korero

** 25:31: “sambo simó” ñuko komo suki-suki Anutuko unipare kama yoriní tunoqi sambo simó yondowaró. Ko itaka eneño sunará teyotengo. †† 25:37: “unipare roneneñowí” ñuko Anutuko yiyoro potó moré kini tiní eneño unipareyó tunoqetenğo.

yananimo otowó? Ko do naruko tuwike moré kini yuriqo, tuwi kunatowó? ³⁹ Ko do naruko kiyato se khumo taró, ma kusi-kusi yano yuriqo, nore uyare kiyatowó?’

⁴⁰ “Njunde yi wiri yerete uni njundo mande topé njande yimiroweya, ‘Nondo ye hamó yimiroteno, o soso topo-topone ka owéye moré kini muno tanjurí, o tanjurí njuko nono tanjurí.’

⁴¹ “Asa wiri yerete uni njundo unipare kandí tesina nu njande yimiroweya, ‘Yeko unipare takuni sanayemo yote qu, ye norotoya te suki-suki qayote‡‡ quno njuno uyi, kewá njuko Monimbu koya sunará simójo njuro roŋgaruwanjurí mu.

⁴² Dokoro komo no o qonemboro khumoweqo, yendo o kama nunanjurí. No sono koro khumoweqo, sono kama nunanjurí. ⁴³ No yendé meyowo moŋgo maheweqo, norero yayemo kama onjurí. No tuwine moré kini yoweqo, tuwi ka kama se nunanjurí. No se khumone moré quno njuno, ma kusi-kusi yano yorano quno njuno, yendo mahe kama niyanjurí.’

⁴⁴ “Njunde yini mandí topé njande yewanjo, ‘Uni Parámi, do naruko ke kiyato qonjeporo khumoro yaró, ma ke sono koro khumaró, ma ke uni yendé meyowo moŋgo qu, ma ke tuwike moré kini, ma ke se khumo teyuri, ma ke kusi-kusi yano yuri, norendo ke o meté kama te kunatowó?’

⁴⁵ “Yi enepa nanje mandeye topé njande yeweya, ‘Nondo hamó ye yimiroteno, yendo oka

‡‡ 25:41: “te suki-suki qayote” njuko naru wenjako njuno quhurí unipareto topé piyimi rero kewáko njuno naru suki-suki yoqaweya.

ka unipare owéye moré kini quno kama te yunangurí, o nuko nono kama te nunangurí.’⁴⁶ Asa ko nju uni wini nundo tonjero topé piyimi suki-suki rewango. Quko unipare ronenejowí nundoko yoto-yoto suki-suki rewango.”

26

Uni pará-parámbo Yesu uroyi khumoweya nuro mande kusiyangurí

(Mak 14:1-2; Luk 22:1-2; Jon 11:45-53)

¹ Yesuko mande nju soso yini kini tiniqo, ino-ino rewero uniyó* nhande yimiraró, ² “Ye inotenjo, naru irisa nanje yote, ko Taka yereró quro o ne-ne nju† tunoqeweya. Tunoqini unindo Unindoro Nanuni‡ rero sangiri kandeyemo ri rero tipiririko§ urowango.”

³ Asa o qa-qa unindoro tapá unindoya unipareto uni kembé-kembéye** soso ya kano huruwangurí. Ya nuko tapá uni Kaiapas koro

* 26:1: “ino-ino rewero uni” nundo Yesu koya uyaro ino-ino rondage yunoyaró. † 26:2: “Taka yereró quro o ne-ne” nuko naru parámi ka. Komo suki Anutuko Israel unipare Isip nonjo yorini arengurí. Nju naruko nuno sambo simó sangiri kato Isip koro simó urumuni korete qu soso yuri khumangurí. Quko Israel unipareto Anutu koro mandí howero sipsip simó yutoro sitú makoyemo sonowoyi sambo simómbó enejo simóye taka yirini kama khumangurí. Nunde nuroko kumima naru rokóro sipsip simó yutoro o ne-ne teyangurí. ‡ 26:2: “Unindoro Nanuni” nuko Yesu nanje. § 26:2: “tipiriri” nunde quko wiri yerete uni kumimbo enejo uni sangiriye yorero nuno uroyi khumoyangurí. ** 26:3: Uni soso nundo Juda koro huru-huru parámi ka, owi Sanedrin, tangurí. Enendo Juda unipare ronda yereyangurí.

ya qu. ⁴ Huruworo mande tero Yesu kanáñoro towo pisiyoroqo, re uri khumoweya ñuro khe qu seqañgurí. ⁵ Quko ñande yañgurí, “Norendo o ne-ne koro naruyómo kama tewato. Yate unipareto qenero sañgirí tero otoqoro kuma tewañgo koro.”

*Pare kato sono ka Yesu kembémo windoroñaró
(Mak 14:3-9; Jon 12:1-8)*

⁶ Asa Yesuko Betani yendémo kowí piyimi khumo uni ka, owí muko Saimon koro yayómo ñuno yora. ⁷ Ko pare ka mahero noko kumbe tomó ta ka rero sono risá nuñgurí meté mu Yesu kembémo hausuwaró. Yesu yakutímo etero o neyoní†† pare ñundo sono ñu rero Yesu kembémo windoroñaró.

⁸ Windoroñoní iño-iño rewero unindo‡‡ ñu qenero newonde piyimi tero ñande yañgurí, “Ke date koro sono ñu kina windoroñote? ⁹ Nore sono ñu soweyoro mone parámi ñu onoñoye moré kini qu meté se yunowato.”

¹⁰ Nunde yi Yesuko ñuro iñoro ñande yimiraró, “Ye date koro pare ña quhurí inotenjo? Enendo no o meté te nunote. ¹¹ Naru rokóñoro uni onoñoye moré kini ñuko yeya yowanjo. Quko no yeya naru piru kama yowano. ¹² Pareto sono ñu no kowenemo hausuwote ñuko uni tapu koro ronjaru nerete. ¹³ Hamó ye yimiroteno, unindo

†† 26:7: Nju naruko ñuno uni kumimbo o neyañgo quno ñuno kama kunditañgurí. Kini, enendo yakutímo piñoye etero kande tesina rondaqero ñunde sañáqero kande kondésinambo o nañgurí.

‡‡ 26:8: “iño-iño rewero uni” ñundo Yesu koya uyaro iño-iño rondaje yunoyaró.

mira soso miti mande^{§§} yesowoyowaᅇgo quᅇno ᅇuno pare ᅇando o tete ᅇuro ᅇuya yewaᅇgo, ko pare ᅇuro iᅇowaᅇgo.”

Jutasko Yesu uni saᅇgiri kandeyemo re rotowero ᅇuro mande kusiyaró (Mak 14:10-11; Luk 22:3-6)

¹⁴ Iᅇo-iᅇo rewero uni 12^{***} qu kato, owí muko Jutas Isikariot, enendo o qa-qa unindoro tapá uniko^{†††} uyaró. ¹⁵ Uyaro ᅇande oseseyaró, “Ko nondo Yesu yeᅇo kandeyemo re rotoweᅇo, yendo do ka re nunowaᅇgo?” Yini wondo musiyó 30 se inaᅇguri. ¹⁶ ᅇu naru ᅇu nonᅇo eneᅇo kandeyemo re rotowero quro naru meté seᅇaró.

Yesu koya iᅇo-iᅇo rewero uniyómboya o naᅇguri (Mak 14:12-21; Luk 22:7-14,21-23; Jon 13:21-30)

¹⁷ Asa Bret Yisiyó Moré Kini quro o ne-ne^{‡‡‡} koro kosa naru korete quᅇno ᅇuno iᅇo-iᅇo rewero unindo^{§§§} Yesuko mahero ᅇande yaᅇguri, “Dano

§§ 26:13: “miti mande” ᅇuko Anutuko Kristo asáᅇoní khumoro quhurínanimboró kimo tini Anutu koya newonde kanata tewero ᅇuro mande meté mu naᅇe. ***** 26:14:** “iᅇo-iᅇo rewero uni 12” ᅇuko Yesu rokó yirini topé-topé horé tunoᅇaᅇguri. **††† 26:14:** “o qa-qa unindoro tapá uni” ᅇundo Ya Surumímo hu-hariri sopoyaᅇguri. **‡‡‡ 26:17:** “Bret Yisiyó Moré Kini quro o ne-ne” ᅇuko naru parámi ka, asa Israel unipareto sonda kanata soso ᅇuno bret yisiyó moré kini naᅇguri. Komo suki Anutuko unipare ᅇu Isip nonᅇo yorini areroᅇo bret hamó qawero mepémo kini. Kini, bret yisiyó moré kini naᅇe, asa plaua, sono naᅇe qaᅇguri. ᅇunde ᅇuroko kumima naru rokóᅇoro o tunoᅇaró ᅇuro iᅇoro o ne-ne ᅇu teyaᅇgo. **§§§ 26:17:** “iᅇo-iᅇo rewero uni” ᅇundo Yesu koya uyaro iᅇo-iᅇo rondaᅇe yunoyaró.

nore Taka yereró quro o ne-ne* ñu ronḡaruwato ke o ñu neweya?”

18 Yi ñande yimiraró, “Yendé parámimo uya uni kano uya ñande miroyi, ‘Rondaḡe-rondaḡe ñundo ñande yete, “Narune kutaḡemo tete. Noya iño-iño rewero uninemboya yakemo mahero Taka yereró quro o ne-ne ñuro iñoro o ñu newato.” ’ ”

19 Ñunde yimironí uni irisa ñundo Yesuko yaró ñu howero yakutímo ñuno Taka yereró quro o ne-ne ñu ronḡaruwariyó.

20 Asa suwo tiníḡo, Yesu koya iño-iño rewero uniyó 12 ñuya o newero quro yakutímo etaḡurí.†

21 Etero o nero ñande yimiraró, “Hamó horé yimiroteno, ye keweroyemo kato no norero uni saḡgiri kandeyemo norotoweya.”

22 Yiní newonde quhurí parámi tero kanatakanata ñande oseseyaḡurí, “Uni Parámi, uni ñu nondope?”

23 Mandeye topé ñande yaró, “Uni ka noya kandeto kondó moḡo o kopo neyotero ñundoko no nore uni piyimi kandeyemo norotoweya.

* 26:17: “Taka yereró quro o ne-ne” ñuko naru parámi ka. Komo suki Anutuko Israel unipare Isip noḡo yorini areḡurí. Ñu naruko ñuno sambo simó saḡgiri kato Isip koro simó urumuni korete qu soso yuri khumaḡurí. Quko Israel unipareto Anutu koro mandí howero sipsip simó yutoro sitú makoyemo sonowoyi sambo simómbo eneño simóye taka yirini kama khumaḡurí. Ñunde ñuroko kumima naru rokóñoro sipsip simó yutoro o ne-ne teyaḡurí. † 26:20: Ñu naruko ñuno uni kumimbo o neyaḡo quño ñuno kama kunditaḡurí. Kini, enendo yakutímo piḡoye etero kande tesina rondaḡero ñunde saḡáqero kande kondésinambo o naḡurí.

24 Unindoro Nanjuni‡ nuko mande sokomeko§ nakayanguri nu nanje howero khumoweya. Quko uni nundo Unindoro Nanjuni nu re rotoweya guko, o iniyage, quhuri piyimi korowoweya. Nambo koretero uni nu kama pisiyaró tiniqo, meté.”

25 Ko Jutas, uni o nu teweya nundo nande yaró, “Rapi,** uni nu nondope?” yaró.

Yini Yesuko nande miraró, “Keto nanje yete nu.”

*Yesuko bret, wain ijo-ijo rewero uni yunaró
(Mak 14:22-26; Luk 22:15-20; 1 Korin 11:23-25)*

26 Asa o neyate Yesuko bret ka rero Anutu yungunajoro rombonero ijo-ijo rewero uniyó†† yunaró. Yunoro nande yaró, “Na reya ni. Nako nenejo kowene.”

27 Nunde nanje wain topa ka rero Anutu yungunajoro ijo-ijo rewero uniyó yunoro nande yaró, “Ye soso ni. 28 Dokoro nako nenejo sitúne na, mande kondé‡‡ nu reweya. Nondo unipare gambu quhuriye se rotowero quro windoronjowe teteno. 29 Nande ye yimiroteno, wain kanjuya kama newano, yate Awanembo unipareyó wiri

‡ 26:24: “Unindoro Nanjuni” nuko Yesu nanje. § 26:24: “sokome” nuko Anutu koro mande korete qu, asa Muri Tero yate Malakai kini tete. ** 26:25: “Rapi” njuro muri muko nandiro, “Rondage-rondage Uni.” †† 26:26: “ijo-ijo rewero uni” nundo Yesu koya uyaro ijo-ijo rondage yunoyaró. ‡‡ 26:28: “mande kondé” nuko Anutuko unipareyómboya kusiyaró.

yereyote naruyómo§§ ηunoqota no meté keta qu yeya newano.”

³⁰ Nunde yini yambo ka yi kini tini mirako uro mira puri Oliv ηuno ongurí.

*Yesuko Pitako ene wawa yeweya ηuro yaró
(Mak 14:27-31; Luk 22:31-34; Jon 13:36-38)*

³¹ Asa Yesuko ηande yimiraró, “Itaka suwonoko inondutuye*** muko piyo tero ye soso norotowaŋgo. Dokoro sokomeko ηuno ηande nakayánaró,

“ ‘Nondo sipsip sopo-sopo uroweŋgo,
sipsip ηu soso soremukowaŋgo.’

³² Quko nondo khumoro otoqoroqota ye taka yerero Galili mirako uwano.”

³³ Pitako mande topé yero yaró, “Uni soso inondutuye muko piyo tewanaŋgo, peka, quko nondo ηunde tewero mepémo kini.”

³⁴ Yini ηande miraró, “No hamó kimiroteno, itaka suwonoko kotori kama yeyoniqota keto naru kapusa quno neneŋo wawa yeweya.”

³⁵ Pitako ηande miraró, “No keya koporo nuri khumowaro, quko no keŋo wawa kama yewano.” Nunde yiniqo, ino-ino rewero uni soso ηuya ηunde nanŋe yaŋgurí.

*Yesuko Getsemani mirako ηuno hariri taró
(Mak 14:32-42; Luk 22:39-46)*

§§ 26:29: “Anutuko unipareyó wiri yereyote naruyómo” ηuno inondutu unipareko hamó Anutu kusunoyómo yowaŋgo.

*** 26:31: “inondutu” ηuko ηandiro, asa unipareto ηande kondé ye inoyotenŋgo, ko Anutuko meté sopo yereweya.

³⁶ Asa Yesu koya injo-injo rewero uniyómboya^{†††} mira ka owé Getsemani njuno ongurí. Oro nande yimiraró, “Ye njano kunditeyurika no anduno uyaro hariri tewe.” ³⁷ Yero Pita koya Sepeti koro simó irisa nju njuya yorero oroqo, newondí quhurí tiní ³⁸ njande yimiraró, “Newondenembo quhurí horé tiní no khumowe teteno. Ye noya njano yotoya tojete sopoyuri.”

³⁹ Njunde yero songa ta uyaro kondéqero umukembé nokono rero hariri tero njande yaró, “Awane, ko khe ka yoníqota topa newano njari rika tojiní. Quko injo-injone mu ma howewero. Kini, kenombo na ti qembe.”

⁴⁰ Yiní kini tiní injo-injo rewero uniyómo mahiní ene eteyurigo, enendo Pita njande miraró. “Nju date? Yembe naru tukuni nanje noya tojetewero mepémo kini peka? ⁴¹ Ye kondé tojeteya hariri ti qembe. Yate ye osese kano umbuwanjo koro. Hamó, yuqaye muko o meté tewero nungurí tete, quko koweye sanjani njuko kondé kini.”

⁴² Asa naru irisayó roto tojoro njande hariri taró, “Awane, ko topa njari kama norotoní no hamó newano tiníqo, asa meté kenjo injo-injoke nanje howe qembe.”

⁴³ Pitu ko eneno mahero yiyoníqo, eteyanjurí, dokoro kupo tero tojeye quhurí taró. ⁴⁴ Njunde teyuri yorotoro uyaro naru kapusayómo hariri komo taró njunde nanje taró.

⁴⁵ Yiní kini tiní injo-injo rewero uniyómo mahero njande yimiraró, “Yembe watí ete kapey-

^{†††} 26:36: “injo-injo rewero uni” njundo Yesu koya uyaro injo-injo rondage yunoyaró.

otengope? Injoyi, naru tete, unindo Unindoro Nanjuni^{‡‡‡} quhurí uni kandeyemo rewe tetenjo. ⁴⁶ Ye otoqoyika uyato. Qeni, uni nore uni piyimi kandeyemo norotoweya njundo kutaqemo mahete.”

*Jutasko Yesu uni sangirí kandeyemo re rotaró
(Mak 14:43-50; Luk 22:47-53; Jon 18:3-12)*

⁴⁷ Asa Yesu mande yeyoní nanje, Jutas, nu injo-injo rewero uni 12^{§§§} qu ka, njundo maheró. Mahero uni wini parámi horé suke parámi, usú se toworo eneya mahengurí. O qa-qa unindoro tapá uni njuya uniparetoro uni kembé-kembéyemboya* uni nu asá yiri mahengurí. ⁴⁸ Komo Jutasko rokó karo njande yimiraró, “Nondo uni ka mutó inowano. Uni njuko Yesu, towi qembe.”

⁴⁹ Asa waka ta Yesuko mahero njande yaró, “Rapi,[†] suwo meté.” Njunde yero mutó inaró.

⁵⁰ Ko Yesuko njande miraró, “Topo, ke o tewero mahete nu te.”

Njunde yini uni mahero Yesu toworo kondé towanjurí. ⁵¹ Towoyi uni ka Yesu koya yariyó quko suke parámiyó rero tapá unindoro sunará simó qu ka utoro kusumbí takaní kusumbí nokono umburó.

⁵² Yesuko njande miraró, “Suke nu rika pitu ko paseyómo uní. Dokoro uni sukepo kuma

^{‡‡‡} **26:45:** “Unindoro Nanjuni” njuko Yesu nanje. **§§§ 26:47:** “injo-injo rewero uni 12” njuko Yesu rokó yiriní topé-topé horé tunoqanjurí. ^{*} **26:47:** Uni soso njundo Juda koro huru-huru parámi ka, owí Sanedrin, tanjurí. Enendo Juda unipare ronda yereyanjurí. [†] **26:49:** “Rapi” njuro murí muko njandiro, “Rondage-rondage Uni.”

teyotenjo nuko sukewore piyo tewango. ⁵³ Kepe kama injote, peka, nondo meté awane kirayowe sambo simó‡ parámi horé, qambuye muko kuma uni wini parámi 12 taka yerete, nu asá yiriní umburo samaka nerewango? ⁵⁴ Quko komo suki sokomeko§ nuno nande nakayánjgurí, ko o soso nako nono tunoqeweya. Asa no nunde kirayowano tiníqo, mande sokomeko yote nuko hamó kama tunoqeweya.”

⁵⁵ Asa nu naruko nuno nanje Yesuko uni qambu nu nande yimiraró, “Yendo no wiri yerete unin-doya kuma teyoteno nundiro suke parámi, usú siyoro kondé nondowowero mahetenjo, peka? Naru rokójo Ya Surumímo nuno nondo yeya kanjero mande rondaqe yunoyanowó. Quko nu naruko nuno kama nondowanjgurí. ⁵⁶ Quko o soso nuko ye-ye unindo** mande nakayánjgurí nu riní hamó tete.” Nunde yini injo-injo rewero uniyó soso Yesu rotoro soranjgurí.

Yesu mande khono rotanjgurí

(Mak 14:53-65; Luk 22:54-55,63-71; Jon 18:13-14,19-24)

⁵⁷ Uni Yesu towanjgurí nuko Yesu rero o qa-qa unindoro tapá uni Kaiapasko yano onjgurí. Nuno

‡ 26:53: “sambo simó” nuko komo suki-suki Anutuko unipare kama yorini tunoqi sambo simó yondowaró. Ko itaka enejo sunará teyotenjo. § 26:54: “sokome” nuko Anutu koro mande korete qu, asa Murí Tero yate Malakai kini tete. ** 26:56: “ye-ye uni” nuko Anutuko mandí yunoní unipare yunanjgurí.

hutuŋo mande ŋuro iŋo-iŋo unindoya uni kembé-kembémboya†† huru-huru teyaŋgurí. ⁵⁸ Pita ŋuya yohowe uyaró, quko ene soŋga sewemo yara. Uyaró tapá uni ŋuro pase guro hoŋgo guroko ŋuno sopo-sopo unindoya kunditeyaŋgurí. Kunditero do ka Yesuko tunoqiníka qenewe yero teyaró.

⁵⁹ O qa-qa unindoro tapá uni ŋuya uni kembé-kembé soso ŋundo Yesu uri khumowero khe ka seqaŋgurí. Ŋunde tero mande kota-kota iŋowero ye iŋaŋgurí. ⁶⁰ Ko uni qambu mahero mande kota yero saŋgawaŋgurí. Quko eneŋo potó ka taró qu qene iŋoro uroyi khumowero guro kama qeneŋgurí.

Yate uni irisa mahero ⁶¹ ŋande yariyó, “Uni ŋundo ŋande yaró, ‘Nondo Anutu koro Ya Surumí ŋu meté rambaruruwowano, ko naru kapusa ŋunoko pitu rewe kaŋeweya.’ ”

⁶² Ŋunde yiriqo, tapá uni ŋundo kaŋero ŋande oseseyaró, “Uni ŋando mandeyari saŋga kerete. Ketope mande topé ka yeweyape ma kini?” ⁶³ Quko Yesuko mande ka kama yaró.

Mondó ta yoní ŋande miraró, “Nondo Anutu yoto-yotoyó moré ŋuro owímo osese kereteno, ko keto mande hamó naŋge yeka iŋato. Kepe Kristo ŋu, Anutu koro Naŋunímbe ma kini?”

⁶⁴ Yiní Yesuko ŋande miraró, “Ke ŋunde yete ŋu. Quko nondo ye yimiroteno, ŋa naru koŋgo yendo Unindoro Naŋuní‡‡ Anutu wimbí moré ŋuro

†† 26:57: Uni soso ŋundo Juda koro huru-huru parámi ka, owí Sanedrin, taŋgurí. Enendo Juda unipare ronda yereyaŋgurí.

‡‡ 26:64: “Unindoro Naŋuní” ŋuko Yesu naŋge.

kandí kondésina kunditiní qenewango, ko sambo koro koporéwore maheweya nu qenewango.” §§

⁶⁵ Asa o qa-qa unindoro tapá uni nundo newonde piyimi tero eneño tuwiyó rombonero nande yaró, “Enendo Anutu yesaráñoyote.*** Do karo uni kanuya neko yereto quhuríño nuro yesowowango? Qeni, yendo itaka ka Anutu yesaráñoní inotenjo nu. ⁶⁶Ye date inotenjo, date te inowato?”

Yiní mandí topé nande yanğurí, “Ene quhuríño moré, asa ko meté khumoweya.”

⁶⁷ Nunde yero Yesu umu-kembémo tuteworo kandeto uranğurí. Ko kumimbo uto tamoro ⁶⁸nande yanğurí, “Kristo, ke ye-ye mande ye. Uni kurote nu dani?”

Pitako Yesu koro wawa yaró

(Mak 14:66-72; Luk 22:56-62; Jon 18:15-18,25-27)

⁶⁹ Asa Pita mirako ya kimbino kunditeyoní sunará pare ka tanğímo maheroqo, yaró, “Ke nuya Yesu, Galili uni nuya yorariyó.”

⁷⁰ Quko Pitako unipare soso tonjeyemo wawa yero nande yaró, “Keto mande yete nu, no kama inoteno.”

⁷¹ Yero hongo koro makoyómo uní sunará pare meyowo ka enepa nanje qenero unipare kutaqe nuno yorango qu nande yimiraró, “Uní nako Yesu, Nasaret koro uni nuya yorari.”

§§ 26:64: Daniel 7:13 weyo qembe. *** 26:65: Juda unipareto nande ye inanğurí, ko uni kato, “No Anutu” yeweya tiníqo, Anutu yesaráñaró. Dokoro uni nunde qundo nande yete, ko Anutu nuko uni ka nanje.

⁷² Ko Pitako wawa kaŋuya yero ŋande yaró, “Hamó horé, no uni ŋu kama iŋo inoteno.”

⁷³ Soŋga yatego, uni kutaqemo kaŋeyaŋgo ŋundo mahero Pita ŋande miranŋurí, “Hamó, keko wini ŋuro qu ka. Keŋo puŋeŋge eneŋo nanŋe.”

⁷⁴ Asa Pitako mande kondé ŋande yaró, “Hamó horé, no uni ŋu kama iŋo inoteno. Ko no hamó kama yewego, asa Anutuko no rambaruru nereweya.”

Yiniqo, waka ta kotori yaró. ⁷⁵ Ko Pitako pitu ko Yesuko mande yaró ŋu iŋoní tunoqaró, “Kotori kama yeyoníqota keto naru kapusa quno neneŋo wawa yeweya.” Ŋuro iŋoro mirako uro tendo piyimi taró.

27

Yesu ri Pailat toŋímo kaŋaró

(Mak 15:1; Luk 23:1-2; Jon 18:28-32)

¹ Saraŋoníqo, o qa-qa unindoro tapá unindoya uniparetoro uni kembé-kembéyemboya,* Yesu uratoka khumoní, yero ŋuro mande kusiyanŋurí.

² Kusiyoro kandí kusiyoro re uyaro Rom koro uni kembé Pailat† ŋuro kandímo rotanŋurí.

Jutas khumaró

(Asá yerewí Uni 1:18-19)

* **27:1:** Uni soso ŋundo Juda koro huru-huru parámi ka, owí Sanedrin, tanŋurí. Enendo Juda unipare ronda yereyanŋurí.

† **27:2:** “Pailat” ŋuko Rom uni ka. Rom koro wiri yerete uni parámi ŋundo Pailat owé parámi inoní enendo Judia mira sopoyaró.

³ Asa Jutasko topé piyimi Yesu inowero inangurí ñu qene inoro newonde surumí tero ino-inoyó rohoréjoro wondo musiyó 30 silwa ñu siyoro o qa-qa unindoro tapá uni, unipareto uni kembé-kembéye pitu ko yunaró. ⁴ Yunoro ñande yaró, “Nondo uni o piyimi ka kama taró ñu rero uni sangirí kandeyemo rotano. Nundiro nanje nondo o piyimi tano.”

Yini mandí topé ñande yangurí, “Ñuko noreño kini. Kenje nanje.”

⁵ Asa ko Jutasko wondo musiyó se Ya Surumí‡ quroko ranóni uní uyaro ene puñi kusiyoro umbu poroworo kumaró.

⁶ Ko o qa-qa unindoro tapá uni ñundo wondo musiyó silwa ñu siyoro ñande yangurí, “Wondo ñako uni uroyi khumoweya ñuro kimoyó. Norendo Ya Surumíboro wondo ñuya se kopo rewero ñuko hutuño mande wendaqeweya.”

⁷ Ko ene mande ka kusiyangurí, asa ñu wondo ñundoko mira ka kimo tangurí. Mira ñuko noko kumbe towoyoweya uni ñuro mirayó. Nunde kimoyi uni wini meyowo§ khumangurí ñuno tapu yereyango. ⁸ Nunde ñuroko ñu mira ñuro owí muko ñandiro raró, “Sitú koro Noko,” ko unindo itaka owé ñu nanje nekoyotengo. ⁹ Nundiro nanje komo ye-ye uni Jeremaiako mande ka yaró ñu hamó taró. Enendo ñande yaró, “Kumimbo wondo musiyó 30 silwa qu, Israel unipareto uni ñuro kimoyó yangurí ñu siyoro ¹⁰ noko kumbe

‡ 27:5: “Ya Surumí” ñuko Anutu koro ya qu, ñunoko Juda unipareto Anutu koya huruwowero quro hu-hariri teyangurí.

§ 27:7: “uni wini meyowo” ñunde quko Juda unipareto kini qu nanje.

towoyoweya uni ηuro mira ηu uriyaηguri. Uni Parámimbo nimiraró ηunde naηge taηguri.”

Pailatko Yesu rondaηaró

(Mak 15:2-15; Luk 23:3-5,13-25; Jon 18:33-19:16)

¹¹ Yesuko Rom koro uni kembémboro** toηímo kaηiní ηande oseseyaró, “Kepe Juda uniparetoro wiri yerete uni ηumbe, ma kini?”

Yini mande topé ηande yaró, “Keηombo ηunde naηge yete,” yaró.

¹² Kowe o qa-qa unindoro tapá unindoya uni kembé-kembémboya†† Yesu o pi-piyimi teyara yaηguri quno ηuno mande topé kama yaró. ¹³ Ko Pailatko ηande oseseyaró, “Kepe mande yero saηga kereteηgo ηambe kama iηote?” ¹⁴ Quko mande topé ka kama yaró. ηunde ηuro Pailat iηondata parámi taró.

¹⁵ Taka yereró quro o ne-ne‡‡ ηuno Rom koro uni kembé ηundo murí ka howeyara. Murí ηuko ηandiro, unipare qambu ηundo uni kanata ka kusi-kusi yano yaró ηu owí nekoyiqo, Pailatko uni ηu rotoní eneno uyaró. ¹⁶ ηu naruko ηuno uni

** 27:11: “Rom koro uni kembé” ηuko Pailat naηge. †† 27:12: Uni soso ηundo Juda koro huru-huru parámi ka, owí Sanedrin, taηguri. Enendo Juda unipare ronda yereyaηguri. ‡‡ 27:15: “Taka yereró quro o ne-ne” ηuko naru parámi ka. Komo suki Anutuko Israel unipare Isip nonηo yorini areηguri. ηu naruko ηuno sambo simó saηgiri kato Isip koro simó urumuni korete qu soso yuri khumaηguri. Quko Israel unipareto Anutu koro mandí howero sipsip simó yutoro sitú makoyemo sonowoyi sambo simómbo eneηo simóye taka yirini kama khumaηguri. ηunde ηuroko kumima naru rokóηoro sipsip simó yutoro o ne-ne teyaηguri.

piyimi parámi ka kusi-kusi yano yora, owí muko Barapas. ¹⁷ Asa unipare mahe huruwoyi Pailatko n̄ande osese yereró, “Nondo dani ka rotoweka yeno uyariní? Nondo Barapas ma Yesu, n̄uko, Kristo, ye nekoyoten̄go n̄umbe?” ¹⁸ Pailatko n̄unde yaró, dokoro n̄ande in̄aró, uni pará-parámbo Yesu koya newonde tutu tero re towo kusiyoro mahengurí.

¹⁹ Pailatko mande kho inowero yakutímo§§ kunditiníqo, parímbo mande riní eneno n̄ande maheró, “Keto uni roneneñowí n̄uro o ma te inowero. Suwono no qu ka q̄enero uni n̄uro newonde surumí tano.”

²⁰ Asa o qa-qa unindoro tapá unindoya uni kembé-kembémboya unipare newondeye ri otoqaró. N̄unde tiqo, unipareto neko kiwi, Barapas rotoro Yesu uroyi khumoweya, yan̄gurí.

²¹ N̄unde yi Rom koro uni kembé n̄undo n̄ande osese yereró, “Ye in̄jika no irisa n̄a ka rotowe?”

Yiní n̄ande yan̄gurí, “Barapas nan̄ge.”

²² Yi n̄ande osese yereró, “Yesu, n̄uko, Kristo, ye nekoyoten̄go, nondo date te inowe?”

Yiní soso n̄ande yan̄gurí, “Re tipiririko uroyi!”

²³ Yi n̄ande osese yereró, “Dokoro? Do piyimi ka tiní n̄uro?”

Yiní mande kondé parámi yan̄gurí, “Re tipiririko uroyi!”

²⁴ Pailatko, man̄goye kama howeweqo, kuma parámi tunoqewero tete, ye in̄joro sono rero

§§ 27:19: “mande kho inowero yakutí” n̄unde quno n̄uno ronda-ronda unindo ronda-ronda mande meté yeweya, n̄u non̄go nan̄ge mandí wimbu moré.

unipare toņeyemo kandí sonowaró. Sonoworo ñande yaró, “Uni ña khumoweya ñuko neneño quhuríne kini, yeño quhuríye nanĝe.”

²⁵ Njunde yini unipare soso mande topé yaņĝurí, “Ñu quhurí ñuko noreya simónanimboya yoweya.”

²⁶ Njunde ñuro Pailatko Barapas rotoní eneno uyaró, ko Yesu riní kuma unindo uņĝuru-gurumoro tipiririko urowero re uyareņĝurí.

*Kuma unindo Yesu kundo mande inañĝurí
(Mak 15:16-20; Jon 19:2-3)*

²⁷ Asa Rom koro uni kembémboro kuma uniyómbo Yesu rero uni kembémboro yano oņĝurí. Oro kuma uni soso mahero Yesu rero keweroyemo rotaņĝurí. ²⁸ Rotoro kowe punu-punuyó wendaņero tuwi mandumi huririyó^{***} ka kowí punuwaņĝurí. ²⁹ Te inoro utó kami ka rero re wakaro wiri yerete unindoro takapu qembe tero kembémo raņĝurí. Ko saté ka rero kandí kondéwore inañĝurí. Njunde tero potoruku kota-kota te inoro kundo mande ñande yaņĝurí, “Juda uniparetoro wiri yerete uni, ke mahete ñu!” ³⁰ Njunde yero tuteworo saté ñu kandí moņĝo rero kembémo utoyaņĝurí. ³¹ O soso ñu tero huwó mande yi kini tini tuwi mandumi ñu re rotoro eneño kowe punu-punuyó re inañĝurí. Njunde tero rero tipiririko urowero re uyareņĝurí.

*Yesu tipiririko urañĝurí
(Mak 15:21-32; Luk 23:26-43; Jon 19:17-27)*

*** ^{27:28}: “tuwi mandumi huririyó” ñuko wiri yerete unindoro kowe punu-punu ka njunde qembe.

³² Kuma unindo uyareyate Sairin uni ka, owí muko Saimon, ñu qenengurí. Qenero rero Yesu koro tipiriri††† qu re inoyi re korowaró. ³³ Uyareyate mira ka, owí muko Golgota, ñuno oñgurí. (Owé ñu “Golgota” murí muko “Kembéboro Wimbí ñuro mira ñu.”) ³⁴ Ñuno oro wain koya o oñgomi quya rohoréñangurí ñu rero Yesu sonja ta inoyi niní oñgoní piyiminjaró.

³⁵ Asa kuma unindo Yesu rero kowe punu-punuyó wendañero tipiririko urangurí. Utoro kowe punu-punuyó rewero quro kundo tangurí. ³⁶ Ñunde ti kini tiní mira ñuno kunditero sopenangurí. ³⁷ Ko tipiriri sombémo ñuno o piyimi taró ñuro mande ka nakayáñangurí. Mande ñuko ñandiro: “Ñako Yesu, Juda uniparetoro Wiri yerete Uni ñu.” ³⁸ Uni irisa ñuya yorero ka kandí kondésinawore tipiriri kano porowanangurí, ko ka kandí tesinawore tipiriri kano porowanangurí. Uni ñundo Rom koro mandeye wendaqero kuma teyari. ³⁹ Asa unipare uyaro yesaráñoro kembaye ituqero ⁴⁰ ñande yangurí, “Keto, Ya Surumí‡‡‡ rambaruruworo kosa naru kapusa quño ñuno keta rewano, yaró. Asa keño rambaruru ña taka. Ke Anutu koro nanúní tiníkaqo, tipiriri roto mirako umbu!”

††† 27:32: “tipiriri” ñunde quko tatá suruño nokono ranoro piño papare ka koreko kusiyoro uni ñuno porowoyangurí. Naru rokóñoro uni tipiririko ñuno khumoweya ñuko papareyó re koroworo khumowero quro mirayómo ñuno uyareñgurí. Ñunde quko Yesuko kowe surumí parámi tero korowowero mepémo kini.
 ‡‡‡ 27:40: “Ya Surumí” ñuko Anutu koro ya qu, ñunoko Juda unipareto Anutu koya huruwowero quro hu-hariri teyangurí.

⁴¹ O qa-qa unindoro tapá unindoya hutuño mande ñuro ino-ino unindoya uni kembé-kembémboya§§§ huwó mande ñunde nanje yañgurí. ⁴² Ñande yañgurí, “Enendo uni kumi rambaruru koñgo yoraró, quko enendo rambaruru ña takawero mepémo kini. Israel uniparetoro wiri yerete uni hamó tiníkaqo, tipiriri roto umbuní nore qene inondutuwowato. ⁴³ Anutuwoye inondutuwoyote, asa ko Anutuko rambaruru ña noñgo reweya, peka. Dokoro ñande yaró, ‘No Anutu koro nanjuni,’ yaró.” ⁴⁴ Ñunde yañgurí, ko mande wenda-wenda uni irisa ñuno yurañgurí mu ñu ñuya huwó mande mirariyó.

Yesu khumaró

(Mak 15:33-41; Luk 23:44-49; Jon 19:28-30)

⁴⁵ Asa kosa keweroko mira soso huriri teyate suwoya 3 kilok ñunde taró. ⁴⁶ 3 kilok ñundiro Yesu kondé ñande kiwaró, “Eli, Eli, lama sapaktani?” yaró.* (Mande ñuro murí muko ñandiro, “Anutune, Anutune, do karo norotote?”)

⁴⁷ Uni kumi kutaqe kañañgurí ñundo mande ñu inoro ñande yañgurí, “Uni ñundo Elaija nekote.”

⁴⁸ Ñunde yi uni kato khengeñoro o piwo qembe ka rero wain oñgomi quroko riní mañgoriní satémbo kusiyoro hokoro Yesu mañgómo re inaró. ⁴⁹ Quko

§§§ 27:41: Uni soso ñundo Juda koro huru-huru parámi ka, owi Sanedrin, tanjurí. Enendo Juda unipare ronda yereyañgurí.

* 27:46: Hariri Yambo 22:1 weyo qembe.

kumimbo n̄ande yaᅇguri, “N̄unde rotoka, q̄eney-ata. Elaijako[†] samakaᅇweyape ma kini?”

⁵⁰ Yesuko kaᅇyua ki parámi tero yuqayó rotoro khumaró.

⁵¹ Khumoníqo, Ya Surumímo tuwi parámi ka ᅇuno pikaᅇguri mu[‡] kore koᅇgo kosaᅇ kusuᅇono umburó. Kowe kunduru raᅇoní wondo parápará kosaᅇaró. ⁵² Ko uni tapu tondaᅇiqo, Anutu koro uni meté horé komo khaᅇguri q̄undo otoq̄aᅇguri. ⁵³ Imemoᅇgo, Yesu otoq̄oníqota uni tapu koᅇgo otoq̄aᅇguri ᅇundo yendé surumímo[§] ᅇuno oyi unipare wata yiyaᅇguri.

⁵⁴ Asa kuma unindoro sopo-sopoyemboya** kuma uni ᅇyua Yesu sopo yoraᅇgo ᅇundo kunduru q̄enero o soso meyowo tunoq̄aró ᅇu q̄enero sasaro parámi tero n̄ande yaᅇguri, “Hamó horé, ᅇuko Anutu koro naᅇuní,” yaró.

⁵⁵ Komo pare q̄ambu Yesu howero Galili rotoro sunará tero maᅇguri. Asa ᅇu pare ᅇundo kapiyamo kaᅇero toᅇteyaᅇguri. ⁵⁶ Keweroyemo kumi muko ᅇandiro: Maria Maktala yendé moᅇgo qu, ko Maria, Jems koya Josep koro náyari, ko Sepeti simó irisa ᅇuro náyari.

[†] 27:49: “Elaija” ᅇuko Anutu koro ye-ye uni komo qu ka, komo suki kama khumoní Anutuko kina riní samboko oró (2 Wiri yerete Uni 2:11 weyo q̄embe). [‡] 27:51: “tuwi” ᅇuko Ya Surumí quroyómo Wembó Surumí koya Wembó Surumí Horé keweroyarimo yora (Toᅇᅇguri 26:31-33; 40:21 weyo q̄embe). Juda unindo n̄ande ye iᅇaᅇguri, ko Wembó Surumí Horé muno ᅇuno Anutuko kunditeyara, q̄uko tuwi ᅇuko wisumuᅇaró, unipareto owero mepémo kini. [§] 27:53: “yendé surumí” ᅇuko Yerusalem naᅇge. ** 27:54: “kuma unindoro sopo-sopo uni” ᅇuko Rom uni ka, enendo kuma uni 100 sopo yereró.

*Yesu re tapuṅaró**(Mak 15:42-47; Luk 23:50-55; Jon 19:38-42)*

⁵⁷ Asa suwo teyoní ononjo uni kato Arimatea yendé monḡo qu, owí muko Josep, maheró. Ene ṅuya Yesu koro injo-injo rewero uniyó†† ka. ⁵⁸ Enendo Pailatko uyaro kirayoro Yesu ukúṅo ṅumbe meté reweya, kirayaró. Asa Pailatko kuma uni yini Yesu ukúṅo rero Josep inṅurí. ⁵⁹ Ko Josepko ukúṅo rero tuwi kekere sara-sara qundo pokamaró. ⁶⁰ Ko enendo ukú ṅu rero uyaro eneṅo uni tapu keta quno ṅuno quroyómo raró. Uni tapu ṅuko Josep enepa nanḡe wondo kandarama ṅuno wekokaró. Asa ṅuno rero wondo parámi ka re rohoréṅoro mahiní makoyó tuṅoní toṅeró. ⁶¹ Ko Maria Maktala nonḡo ṅuya Maria meyowo ṅuya ṅuno yorariyó. Iriṅa ṅuko uni tapu sumeyoro kutaḡemo kunditero toṅetero yariyó.

Kuma unindo uni tapu sopoyaṅurí

⁶² Asa saraṅoní, Sapat koro ronḡaruwowero naru‡‡ ṅu kini tiníqota o qa-qa unindoro tapá unindoya Farisi uni§§ ṅundo Pailat*** ḡenewero oṅurí. ⁶³ Oro ṅande miranḡurí, “Uní Parámi,

†† 27:57: “injo-injo rewero uni” ṅundo Yesu koya uyaro injo-injo rondage yunoyaró. ‡‡ 27:62: Juda unindo naruye muko ṅandiro: kosa pusuníqota naru keta qu tunoḡaró. Asa suwo tini yate-yate ita saraṅoní yate-yate suwo pitu ko taró, ṅuko naru kanata ka. Asa koretero “ronḡaruwowero naru” ṅu tunoḡini, yate Sapat naru taró. §§ 27:62: “o qa-qa unindoro tapá uni” ṅundo Ya Surumímo hu-hariri sopoyaṅurí. “Farisi uni” ṅundo, nore Anutu koro hutuṅo mande ṅuro okeyá ta howeyoteto, ye inṅurí. *** 27:62: “Pailat” ṅuko Rom uni ka. Rom koro wiri yerete uni parámi ṅundo Pailat owé parámi inoní enendo Judia mira sopoyaró.

norendo ṅande injoyoteto, ṅu kota uni ṅundo toní yoníqo, ṅande yaró, ‘Imemoṅgo naru kapusa rotorogo, pitu ko otoqowano.’⁶⁴ ṅunde yaró, asa yate enejo ino-ino rewero uniyómbo mahero ukúnjo momo tero unipare ṅande yimirowaṅgo, peka, uni tapu koṅgo otoqote. ṅunde yiṅgo, mande kota weṅa ṅuko mande kota komo qu takaweya. ṅunde ṅuroko keto kho uni yimiroyíkata, wondo makoyó ṅu meté ta wisumuṅoyuri naru kapusa ṅu kini teweya.”

⁶⁵ ṅunde yi Pailatko ṅande yimiraró, “Yeṅo kuma uniye yoreya uyaya o soso date tero uni tapu ṅu towoní kondéreweya ṅu tika kondé yoní.”⁶⁶ Yiní uyaro wondo yayó makoyómboro soweyómo noko tamoro kuma uni yorerero ṅuno yoroti uni tapu ṅu sopoyaṅguri.

28

Yesu otoqaró

(Mak 16:1-10; Luk 24:1-10; Jon 20:1-18)

¹ Asa Sapat naru* ṅu kini tiní, sonda naru korete quno ṅuno, ita saraṅoníqo, Maria Maktala nonṅo ṅuya Maria meyowo ṅuya uni tapu ṅu genewero toneriyó.

² Ko waka ta kunduru parámi raṅaró. Dokoro Uni Parámimboro sambo simó† sambo rotor umburo wondo uni tapu wisumuṅaró ṅu rohoré-rohoréṅoní uyariní saṅanímbo kunditeyaró.

* **28:1:** “Sapat naruko” ṅuno Juda unipareto kho ka tewero mepémo kini. † **28:2:** “sambo simó” ṅuko komo suki-suki Anutuko unipare kama yoriní tunoqi sambo simó yondowaró. Ko itaka enejo sunará teyotenṅo.

³ Sambo simó ŋuro umu-kembé muko kusiro rowá raŋoyote ŋundiro hiyoqeyaró, ko kowe punu-punuyó muko koko taŋgo qembe sara teyaró. ⁴ Kuma unindo genero sasaro parámi tero khe kandeye yukuwoní ukú qembe taŋgurí.

⁵ Quko sambo simómbó pare irisa ŋande yimiraró, “Yari ma sorewero. No inoteno, yariko Yesu, ŋu uni tipiririko‡ uraŋgurí uni ŋu seqa mahetiri. ⁶ Ŋuko ŋano kama yote, dokoro komo otoqa, ene komo yaró ŋundiro naŋge. Yari maheya dano ri etaró ŋu qenori. ⁷ Asa ko waka ta toŋeya ino-ino rewero uniyó ŋande yimiri qembe, ‘Uni tapu koŋgo otoqa. Inoyi, enendo koretero Galili mirako uní ŋuno qenewaŋgo.’ Asa nondo piŋa mande yari yimiroteno.”

⁸ Ŋunde yini pare irisa ŋundo sore sasaro parámi tariyó, quko niŋgu-niŋgu parámi horé ŋuya tariyó. Uni tapu ŋu waka ta rotoro khengeŋo uyaro ino-ino rewero uniyó yimirowero uyaririyó. ⁹ Uyariri Yesuko kheko kopo yerero ŋande yaró, “Naru meté.” Yini kutaqemo uyaro khímo toworo potorku te inariyó. ¹⁰ Kowe Yesuko ŋande yimiraró, “Yari ma sorewero. Topo-topone yimirorika Galili ŋuno uyarewaŋgo. Ko ŋusina ŋuno niyowaŋgo.”

Kuma unindo piŋa mande yaŋgurí

¹¹ Pare irisa ŋu uyareyoriqo, kuma unindo uni tapu ŋu sopoyaŋgurí kumimbo yendémo uro o qa-qa unindoro tapá uni o soso tunoqaró

‡ 28:5: “tipiriri” ŋunde quko wiri yerete uni kumimbo eneŋo uni saŋgiriye yorero ŋuno uroyi khumoyaŋgurí.

ņuro yimiranğurí. ¹² Yimiroyi tapá unindoya uniparetoro uni kembé-kembémboya[§] huruworó mande ka kusiyanğurí. Kusiyoro wondo musiyó parámi siyoro kuma uni yunoro ¹³ ñande yimiranğurí, “Yendoko ñande yi qembe, ‘Eneño ino-ino rewero uniyómboko**’ suwono mahi nore etatoqo, enendoko ukúño ñu re momo tanğo.’” ¹⁴ Nñunde yiqo, Rom koro uni kembé ñundo mande ñu inoweya tiníqo, asa meté nore eneya mande ronğaruwowato, ko yeko mandeye moré kini.” ¹⁵ Asa ko kuma unindo kimoye siyoro mandeye howanğurí. Ko mande ñundo Juda unipare keweroyemo toņero itaka ñuya yote.

Yesuko ino-ino rewero uni kho yunoro asá yereró

(Mak 16:14-18; Luk 24:36-49; Jon 20:19-23)

¹⁶ Asa ino-ino rewero uni^{††} ¹¹ ñu kheyembo Galili uro Yesuko mira purímo ñuno uyari qembe yaró muno ñuno onğurí. ¹⁷ Oro Yesu qenero potoruku te inanğurí. Quko kumimbo newonde irisa towanğurí. ¹⁸ Yesuko kutaqemo mahero ñande yimiraró, “Anutuko o soso nokono, samboko sopowero owé qu nunaró. ¹⁹ Nñunde ñuro ye toņeya uni wini soso yorika neneño ino-ino rewero uniparene ti. Nñunde tiqo, Awa owímo, Nanjuní owímo ko Yuqa Surumímboro owímo sono

§ 28:12: Uni soso ñundo Juda koro huru-huru parámi ka, owí Sanedrin, tanğurí. Enendo Juda unipare ronda yereyanğurí.

**** 28:13:** “ino-ino rewero uni” ñundo Yesu koya uyaro ino-ino rondaqe yunoyaró. **†† 28:16:** “ino-ino rewero uni” ñundo Yesu koya uyaro ino-ino rondaqe yunoyaró.

re yunoyi qembe. ²⁰ Ko nondo ye iṅo-iṅo yu-
nanowó ṅu iṅo-iṅo ṅu nanḡe unipare yimiroyika
ṅu nanḡe howeyuri. Iṅi, no naru rokóḡoro,
asa yate-yate naru soso kini teweya quno yeya
yowano.”

Iyo New Testament
The New Testament in the Iyo Language of Papua New
Guinea
Nupela Testamen long tokples Iyo long Niugini

copyright © 2009 Wycliffe Bible Translators, Inc.

Language: Iyo

Translation by: Wycliffe Bible Translators

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2016-08-30

PDF generated using Haiola and XeLaTeX on 4 Mar 2023 from source files dated 9 Oct 2020

eeccd6a2-c477-5b9f-9623-cf07dbead483